

Þróun og horfur í efnahags- og peningamálum¹

Verðbólguhorfur hafa versnað mikið

Verðbólguhorfur hafa versnað mikið frá því að Peningamál komu út í nóvember sl. bæði til skemmri og lengri tíma. Þjóðarbúskapurinn stendur líklega á nokkuð skörpum sveifluskilum. Allt til ársloka 2007 einkenndist efnahagsástandið af kröftugum vexti eftirspurnar. Flest bendir til þess að vöxturinn hafi enn verið verulegur á fyrsta fjórðungi þessa árs. Útflutningur sótti einnig í sig veðrið undir lok sl. árs. Lánsfjárvíslir hafa á hinn bóginn versnað mikið undanfarið hálfir ár og verð hlutabréfa lækkað. Áhrif hækunar útlánsvaxta og minnkandi framboðs lánsfjár eru enn sem komið er fyrst og fremst bundin við eignamarkaði. Gengi krónunnar hefur lækkað langt umfram það sem gert var ráð fyrir í grunnspá Seðlabankans í nóvember 2007 og reyndar einnig umfram umtalsverða gengislækkun sem búist var við í fráviksspá. Á næsta ári munu verðbólguáhrif lægra gengis vega mun þyngra en hægari vöxtur eftirspurnar. Er fram líða stundir er hins vegar líklegt að lækkun húsnaðisverðs og minni framleiðsluspenna dragi úr verðbólgunni, þótt áframhaldandi stóriðjuframkvæmdir og eftirspurnarhvetjandi aðgerðir af hálfu stjórnvalda muni vega á móti. Til þess að tryggja hjöðnun verðbólgu þarf peningastefnan að vera nægilega aðhaldssöm til þess að verðbólguvæntingar haldist í skefjum og traust skapist um krónuna. Ódagstæð gengis- og verðlagsþróun gæti leitt til hækunar launa umfram það sem gert er ráð fyrir í nýgerðum kjarasamningum og hjöðnun verðbólgunnar orðið enn langregnari en í grunnspánni sem birtist í þessu hefti Peningamála. Þess ber þó að gæta að raungengi krónunnar er að líkindum komið nokkuð niður fyrir langtímagafnvægisstöðu. Því gæti gengislækkunin gengið til baka einhvern tímamann á spátímabilinu. Seðlabankinn hefur þegar brugðist við verri verðbólguhorfum með 1,25 prósentna vaxtahækun sem tilkynnt var 25. mars sl. Með stýrivaxtaferli nýrrar grunnspár má ná verðbólgu markmiðinu seinni hluta árs 2010, þ.e.a.s. um ári síðar en spáð var í nóvember. Við núverandi aðstæður á alþjóðamörkuðum ríkir hins vegar mikil óvissa m.a. um gengisþróunina sem gerir alla spágerð sérstaklega vandasama.

I Verðbólguhorfur og stefnan í peningamálum


Verðbólga hefur aukist mikið frá því að Seðlabankinn birti verðbólgu-spá í nóvember sl. Um miðjan mars mældist verðbólgan, þ.e.a.s. tólf mánaða hækjun vísitölu neysluverðs, 8,7%. Mikla aukningu mældrar verðbólgu í mars má að stærstum hluta rekja til gengislækkunar krónunnar og hækunar eldsneytisverðs auk þess sem áhrifa lækkunar neysluskatta fyrir ári gætir ekki lengur í tólf mánaða samanburðinum. Undirliggjandi verðbólga, þar sem sveiflukenndum þáttum og áhrifum skatta- og vaxtabreytinga er sleppt, er u.b.b. 7%. Að nokkru leyti skýrist aukin verðbólga af utanaðkomandi þáttum, t.d. hækjun orku- og hráefnaverðs, en að mestu leyti er hún af innlendum rótum runnin. Frá því í byrjun nóvember hefur meðalgengi krónunnar verið mun lægra en búist var við í nóvemberspá Seðlabankans, sérstaklega eftir hraða lækkun í mars. Í marslok hafði gengi erlendra gjaldmiðla hækkað um u.b.b. 30% gagnvart krónu.

Innstreymi fjármagns minnkar og knýr fram gengislækkun og samdrátt innlendar eftirspurnar

Mikil lækkun krónunnar að undanförnu gjörbreytir horfum í efnahagsmálum, einkum verðbólguhorfum. Lækkunin er ekki fyllilega óvænt, því að margsinnis hefur verið varað við því í Peningamálum að sökum

Mynd I-1

Verðbólga á ýmsa mælikvarða janúar 2001 - mars 2008




Heimild: Hagstofa Íslands.

1. Í þessari grein eru notaðar upplýsingar sem fyrir lágu 8. apríl 2008, en spár byggjast á upplýsingum til 29. mars.

Mynd I-2

Mismunur afleiddra krónuvaxta á skiptasanningum og evrópskra millibankavaxta og gengi krónunnar gagnvart evru

Daglegar tölur 1. ágúst 2007 - 8. apríl 2008




Heimildir: Bloomberg, Seðlabanki Íslands.

Mynd I-3

Raunstýrivextir¹

Vikulegar tölur 6. janúar 2004 - 8. apríl 2008



1. Stýrivöxtum hefur verið umbreytt í ávöxtun. 2. Verðbólguálag reiknað út frá ávöxtunarkröfu RIKB 13 0517 og RIKS 15 1001. 3. Verðbólguálag reiknað út frá ávöxtunarkröfu RIKB 13 0517 og HFF150914. Verðbólguvæntingar almennings, fyrirtækja og sérfraeðinga á markaði miðast við verðbólgu eitt ár fram í timann.

Heimildir: Capacent Gallup, Hagstofa Íslands, Seðlabanki Íslands.

mikils viðskiptahalla, sem krefst stöðugs fjármagnsinnstreymis, gætu versnandi skilyrði á alþjóðlegum fjármálamörkuðum leitt til snarprar gengislækkunar. Þess vegna hafa verið birtar fráviksspár með umtalsverðri gengislækkun. Gengislækkunin að undanförnu hefur þó verið meiri og hraðari en gert hefur verið ráð fyrir í fráviksspám hingað til. Hækkan álags á vexti sem íslenskum fjármálfyrirtækjum bjóðast erlendis og mikil eftirspurn innlendra aðila eftir erlendum gjaldeyrir hafa sett markað með gjaldmiðlaskiptasamninga úr skorðum sem komið hefur fram í því að vaxtamunur milli Íslands og annarra landa hefur í raun algerlega horfið. Gengi krónunnar lækkaði örт í kjölfarið (sjá mynd I-2 og rammagrein III-1).

Í hnottkurn felst gengisvandinn í því að skyndilega hefur dregið úr innstreymi fjármagns til þess að fjármagna viðskiptahallann m.a. vegna stöðu bankanna. Það þvingar fram aðlögun sem til skamms tíma litið getur einungis gerst með gengislækkun krónunnar, en til lengri tíma litið einkum með samdrætti innlendar eftirspurnar. Í ljósi þess hve undirliggjandi viðskiptahalli er enn mikill og skilyrði til þess að fjármagna hann hafa versnað skyndilega er ekki hægt að útiloka frekari lækkun áður en innlend eftirspurn dregst svo mikið saman að verulega dragi úr þörf fyrir erlent fjármagn. Öllum áætlunum um gengisþróun verður því að taka með miklu fyrirvara. Skortur á erlendu lánsfé gæti leitt til þess að samdráttur í efnahagslífinu á næstu árum yrði enn meiri en í grunnpánni. Það myndi hins vegar leiða til þess að jafnvægi næðist í utanríkisviðskiptum fyrir en ella, enda raungengi að líkendum nokkuð undir langtímagfnvægi. Með nægilega aðhaldssamri peningastefnu gæti gengislækkun krónunnar á endanum gengið hratt til baka og verðbólgan hjaðnað hraðar en gert er ráð fyrir í grunnpánni. Það er þó algerlega undir því komið hvort tekst að snúa þróuninni við áður en gengisbreytingar hafa komið fram í verðlagi að fullu. Þegar raungengi fellur niður fyrir langtímagfnvægi getur aðlögun að langtímagfnvægi hvort heldur orðið með hækkan verðlags eða gengis. Það hlýtur að vera markmið peningastefnunnar að gengishækken fremur en verðbólga verði farvegur þeirrar aðlögunar.

Kjarasamningar fela í sér hættu á launaskriði

Nú liggja fyrir kjarasamningar stærstu aðila á almennum vinnumarkaði sem eflaust munu marka brautina fyrir kjarasamninga sem framundan eru. Á yfirborðinu virðist sem kjarasamningarnir gætu samrýmt verðbólguálagmarkmiðinu. Reynsla fyrri kjarasamninga sýnir hins vegar að niðurstaðan verður oft fjarri því sem upphaflega er lagt upp með. Varðandi þá kjarasamninga sem nú liggja fyrir er einkum tvennt sem veldur áhyggjum. Hið fyrra er að þótt meðalhækkan launa gæti samrýmt verðbólguálagmarkmiði eru lægstu laun hækkuð mun meira, eða um allt að þriðjung á briggja ára tímabili. Pessar hækkanir gætu skriðið upp launastigann eins og gerðist eftir aukasamningana árið 2006, einkum ef ekki dregur nægilega hratt úr spennu á vinnumarkaði. Hið síðara er að samningunum er ætlað að tryggja kaupmátt launa. Í því skyni eru ákvæði sem gætu leitt til frekari hækunar ef ekki tekst að hemja verðbólgu, t.d. ef gengi krónunnar lækkar. Efnahagsvandinn sem þjóðin stendur frammi fyrir er hins vegar ekki síst fólginn í því að kaupmáttur er meiri en útflutningstekjur standa undir. Verði komið í

veg fyrir að raunlaun lækki verður meira atvinnuleysi. Á hinn bóginn er líklegt að hækkan lægstu launa skríði ekki jafn ört upp launastigann á næstu árum og gerðist árin 2006 og 2007 þegar mikill skortur var á vinnuafli. Því er afar mikilvægt að dragi hratt úr þeirri miklu spennu sem ríkir á vinnumarkaði. Miðað við grunnnspá eru miklar líkur á því að verðbólgu- og kaupmáttarákvæði kjarasamninga verði virk og heimilt verði að semja um viðbótarhækkun launa. Í spánni er ekki gert ráð fyrir að það leiði til mikilla viðbótarhækkana.

Stýrivaxtaferill síðustu *Peningamála* hefði ekki veitt verðbólguvæntingum næga kjölfestu

Mun óhagstæðari verðbólguhorfur valda því að stýrivaxtaferillinn sem kynntur var í nóvemberspánni dugar ekki til að ná verðbólgu-markmiðinu innan ásættanlegs tíma (sjá nánar í rammagrein IX-1). Verðbólga myndi aukast meira en í grunnnspánni og hjaðna hægar. Með nokkrum rökum má halda því fram að verðbólga gæti orðið enn meiri vegna þess að trúverðugleiki verðbólgu-markmiðsins skaðist frekar. Við aðstæður þar sem peningastefnan veitir væntingum litla kjölfestu getur verðbólga aukist hratt sökum víxlverkunar gengis og verðlags. Því er brýnt að hindra slíka atburðarás.

Verðbólgu-markmið næst síðar en áður var talið þrátt fyrir mun hærri stýrivexti

Þrátt fyrir að stýrivextir hafi þegar verið hækkaðir töluvert frá þeim stýrivöxtum sem lágu til grundvallar spánni í nóvember eru horfur á að verðbólgu-markmiðinu verði náð á þeim tíma sem þá var spáð veikar. Fyrir því eru nokkrar ástæður. Í fyrsta lagi er verðbólga í upphafi spátíma, þ.e.a.s. á öðrum fjórðungi þessa árs, u.þ.b. 5 prósentum meiri en spáð var í nóvember. Í öðru lagi er búist við að gengi krónunnar á öðrum fjórðungi þessa árs verði 27% lægra en í nóvember-spánni og verði lægra allan spátímann (sjá mynd I-5b). Í þriðja lagi mælist framleiðsluspenna í upphafi spátímans meiri en áætlað var í nóvember (sjá mynd I-5c). Í fjórða lagi eru horfur á meiri launahækkunum á spátímabilinu en áður var gert ráð fyrir. Í fimmta lagi hafa verðbólguvæntingar aukist undanfarið umfram það sem reiknað var með í nóvemberspánni og verða hærri meginhluta spátímans. Það er einmitt mikið áhyggjuefni hve verðbólguvæntingar, jafnvel til lengri tíma, hafa verið óstöðugar (sjá mynd I-4).


Skammtímaáhrif hærri stýrivaxta eru ekki það sterk að komið verði í veg fyrir að verðbólga aukist verulega á næstu mánuðum. Samkvæmt grunnnspánni nær verðbólgan hámarki á þriðja fjórðungi ársins í tæplega 11%. Hún tekur að hjaðna nokkuð hratt á öðrum fjórðungi næsta árs og verðbólgu-markmiðið næst á þriðja fjórðungi ársins 2010 (sjá mynd I-5d). Stýrivextir hækka um 0,75 prósentur til viðbótar en taka síðan að lækka á ný á síðasta fjórðungi þessa árs og gert er ráð fyrir að þeir verði rétt undir hlutlausri stöðu þegar verðbólgu-markmiðið næst (sjá mynd I-5a).

Þessum ferli fylgir óumflýjanlega umtalsverður samdráttur. Spáð er 2½% samdrætti landsframleiðslu á næsta ári og 1½% á árinu 2010. Samdráttur þjóðarútgjalda er jafnvel meiri eða rúmlega 3% bæði árin. Samdrátturinn skýrist að mestu leyti af samdrætti einkaneyslu.

Mynd I-4

Verðbólguvæntingar


Vikulegar tölur 7. janúar 2003 - 8. apríl 2008



1. Verðbólguálag reiknað út frá ávöxtunarkröfu RIKB 13 0517 og RIKS 15 1001. 2. Verðbólguálag reiknað út frá ávöxtunarkröfu RIKB 13 0517 og HFF150914. Verðbólguvæntingar almennings, fyrirtækja og sérfraðinga á markaði miðað við verðbólgu eitt ár fram í tímann. Heimildir: Capacent Gallup, Södlabanki Íslands.

Fjármunamyndun minnkar einnig þrátt fyrir umtalsverðar framkvæmdir við byggingu álvers í Helguvík og tilheyrandi orkuver, en þó minna en í fyri spám. Samdrátturinn leiðir til þess að framleiðsluspenna hverfur árið 2009 og slaki myndast. Slakinn stuðlar að því að verðbólga hjaðnar nokkuð hratt þótt stýrivextir séu lækkaðir og gengi krónunnar gefi lítillega eftir árið 2010.

Mynd I-5
Grunnspá í Peningamálum 2008/1
Spátímabil 2. ársfj. 2008 - 1. ársfj. 2011



Óhagstæðari gengis- og launaþróun gæti hægt á hjöðnum verðbólgu og aukið kostnað við að kveða hana niður

Eins og ævinlega í kjölfar langvarandi og mikils ójafnvægis í þjóðarbúskapnum er ferill aðlögunar að jafnvægi háður mikilli óvissu. Undanfarin ár hafa verið birt fráviksdæmi í *Peningamálum* til þess að varpa ljósi á mikilvæga áhættuþætti, t.d. óvænta gengislækkun krónu (sjá nánari umfjöllun um fráviksdæmin í rammagrein IX-2). Slíkt fráviksdæmi var t.d. birt í nóvember. Gengisþróunin hefur jafnvel verið óhagstæðari en í því dæmi. Ef raungengi er nokkuð undir langtíma jafnvægi, eins og komið hefur fram, má ætla að hætta á mikilli lækkun til viðbótar hafi minnkað. Þær erfiðu aðstæður sem nú eru á fjármálamörkuðum gætu þó leitt til þess að yfirskotið verði meira en gert er ráð fyrir í grunnspánni. Það gæti aukið enn frekar líkur á óhagstæðari launaþróun en gert er ráð fyrir í grunnspánni. Slíkri þróun er lýst í fyrra fráviksdæminu. Í því er gengi krónunnar lægra en í grunn-

spánni allan spátímann, mest u.p.b. 13% lægra. Þá er gert ráð fyrir því að laun hækki meira á næsta ári til þess að verja kaupmátt þeirra, eins og kveðið er á um í kjarasamningi. Við þessar aðstæður þyrftu stýrivextir að vera mest 3 prósentum hærri til þess að verðbólgu markmiðið náist ársfjórðungi seinna en í grunnspánni (sjá myndir I-6 og I-7). Samdrátturinn myndi við þessar aðstæður tefjast og ná hámarki árið 2010 og yrði nokkru dýpri.

Meiri samdráttur íbúðafjárfestingar og lækkun íbúðaverðs gæti leitt til hraðari hjöðunar verðbólgu


Mikil hækkun vaxta á lánum til húsnæðiskaupa og samdráttur í framboði lánsfjár gæti leitt til harkalegri samdráttar en lýst er í grunnspánni. Slíkri þróun er lýst í öðru fráviksdæmi í ritinu. Þar er gert ráð fyrir álíka mikilli lækkun húsnæðisverðs og orðið hefur undanfarið ár í Bandaríkjum, þrjú ár í röð. Við það myndi raunverð íbúðarhúsnæðis falla nokkuð niður fyrir langtímagfnvægi sitt. Gert er ráð fyrir að íbúðafjárfesting dragist hratt saman, þannig að hlutfall hennar af landsframleidiðslu verði svipað og áður en húsnæðisuppsveiflan hófst. Afleiðingar slíkrar þróunar yrðu margþættar. Einkaneysla myndi dragast enn meira saman í samræmi við minnkandi húsnæðisauð, alls um riflega fimmtung. Atvinnuleysi myndi aukast mikil, einkum í bygginingariðnaði. Umfangið ræðst nokkuð af því hve stórr hluti þeirra sem missa vinnuna hverfur úr landi. Í fráviksdæminu fer atvinnuleysi hæst í 6% í lok spátímans. Lægra gengi krónunnar, sem líklega færí saman við snarpari samdrátt á íbúðamarkaði, myndi í byrjun hafa meiri áhrif á verðbólgu en aukinn samdráttur. Þegar líða tæki á næsta ár færí áhrif samdráttarins hins vegar að vega þyngra og verðbólga að hjaðna hraðar en ella, bæði sakir beinna áhrifa á húsnæðislið vísitölu neysluverðs og af völdum minni eftirspurnar. Stýrivextir gætu því að endingu lækkað hraðar og meira en í grunnspánni.

Á það skal lögð áhersla að atburðarás af því tagi sem lýst er í fráviksdæminu er lítt fyrirsjánleg. Því ber að líta á það sem dæmi um atburðarás sem nokkrar líkur eru á fremur en spá. Núverandi aðstæður í efnahagsmálum þjóðarinnar eiga sér ekki fordæmi. Viðskiptahallinn, fasteignaverð og skuldsetning einstaklinga og fyrirtækja; allir þessir þættir hafa á undanförnum árum verið fjarri sögulegum gildum. Aðlögun þeirra að langtímagfnvægi mun hafa umtalsverð áhrif á stöðu fjármálakerfisins, sem einnig er í stöðu sem ekki á sér sögulegar hliðstæður. Áhrif aðlögunarinnar á fjármálakerfið, þ.e.a.s. getu þess til þess að miðla fé frá sparendum til einstaklinga og fyrirtækja, munu skipta sköpum, en ekki er auðvelt að meta þau.

Svigrúm til að milda samdrátt í þjóðarbúskapnum er ekki fyrir hendi

Með hliðsjón af versnandi fjármálaskilyrðum og viðskiptahallanum má telja umtalsverðar líkur á snörpum samdrætti innlendrar eftirspurnar. Það vekur þá spurningu hvort hægt væri að beita peningastefnunni til þess að draga úr samdrætti í þjóðarbúskapnum, án þess að tefja hjöðun verðbólgunnar verulega. Bent hefur verið á að bandaríski seðlabankinn hafi lækkað vexti hratt að undanförnu, þrátt fyrir að verðbólga hafi verið meiri en bankinn hefur talið æskilegt. Hér skal

Mynd I-6
Stýrivextir - fráviksdæmi




Heimild: Seðlabanki Íslands.

9

PENINGAMÁL 2008 • 1

Mynd I-7
Verðbólga - fráviksdæmi



Heimildir: Hagstofa Íslands, Seðlabanki Íslands.

Rammagrein I-1

Mikilvægi traustrar kjölfestu verðbólguvæntinga

Á áttunda áratugnum fór verðbólga vaxandi víða um heim. Efasmendir um getu peningastefnu til að ráða við vandann voru útbreiddar.¹ Mikil viðhorfsbreyting varð hins vegar á níunda og tíunda áratug síðustu aldar, bæði meðal hagfræðinga, seðlabanka- og stjórmálmanna. Hún leiddi til þess að seðlabankar víða um heim háðu langa og kostnaðarsama baráttu við verðbólgu. Vöxtum var haldið mjög háum svo árum skipti. Atvinnuleysi jókst og samdráttar gætti í efnahagslífi margra landa. Seðlabankar sættu því harðri gagnrýni fyrir háa vexti. Með ströngu aðhaldi tókst hins vegar að tryggja lága og stöðuga verðbólgu og byggja upp traust á getu peningastefnunnar til að viðhalda verðstöðugleika. Seðlabankar víða um heim leggja ríka áherslu á að glata ekki því trausti sem var svo dýru verði keypt. Í þessari rammagrein er fjallað um baráttu seðlabanka Bandaríkjanna og Nýja-Sjálands við verðbólgu, viðleitni þeirra til að auka trúverðugleika og þá lærðóma sem í reynslu þeirra felast fyrir peningastefnu Seðlabanka Íslands.

Meðalstýrivextir í Bandaríkjunum voru um 10% á árunum

1979-1990

Í október 1979 lýsti bandaríski seðlabankinn undir nýri forstu Paul Volcker verðbólgunni strið á hendur. Verðbólga hafði þá um nokkura mánaða skeið verið um 10% og stefndi hærra. Hentistefna (e. discretionary monetary policy) bandarískra seðlabankans var komin í þrot og jón á sveiflur bæði í verðbólgu og hagvexti án nokkurs ábata í formi aukinnar atvinnu eða meiri hagvaxtar. Við tók löng og ströng baráttu. Það tók bankann a.m.k. um áratug að byggja upp trúverðugleika á ný og ná verðbólgunni og verðbólguvæntingum niður í um 2%, sem virðist vera óformlegt langtíma verðbólgu markmið bankans.²

Á mynd 1 má sjá að stýrivextir héldust lengi háir. Þeir voru um 10% að meðaltali á tólf ára tímabili frá 1979 til 1990. Þeir náðu hámarki í 19,1% í júní 1981. Raunstýrivextir náðu hámarki í u.p.b. 9% og langtíma vextir í um 15% á seinni hluta ársins 1981. Aðhaldið var kostnaðarsamt. Samdrátturinn á árunum 1981-82 var sá mesti í bandarísku efnahagslífi frá Kreppunni miklu á fjórða áratug aldarnnar og atvinnuleysi jókst í um 10% undir lok ársins 1982.

Stefnan bar þann árangur að verðbólgan hjaðnaði hratt á næstu tveimur árum og þennan árangur tókst að festa í sessi. Frá árinu 1992 hefur verðbólga verið lág og stöðug eða 2,7% að meðaltali. Ávinningur þess að hafa þreyð þorann í baráttunni við verðbólguna jafnvel þótt það kostaði samdrátt til skamms tíma liðið fólst ekki síst í því að peningastefnan varð kjölfesta verðbólguvæntinga. Það er meginskýring þess hvers vegna verðbólga hefur haldist lítil þrátt fyrir að hagvöxtur væri mikill og atvinnuleysi liðið í næstum two áratugi. Traustið á peningastefnuna birtist í því að verðbólguvæntingar hafa haldist lágar og stöðugar, sérstaklega til langs tíma, þótt ýmislegt hafi gengið á í efnahagslífinu.³ Það hefur gert bandarískra seðlabankanum kleift að horfa í auknum mæli til annarra þáttta en verðbólgu, svo sem hagvaxtar og atvinnu, við framkvæmd stefnunnar.⁴


Traust kjölfesta verðbólguvæntinga í Nýja-Sjálandi

Brautryðjendastarf nýsjálenska seðlabankans er ekki síður athyglisvert. Segja má að Nýsjálendingar hafi fyrstir byggt þá stofnanaum-

1. Sjá t.d. M. Goodfriend (2007), „How the World Achieved Consensus on Monetary Policy“, *Journal of Economic Perspectives*, 21. bindi, nr. 4 haust.
2. Sjá t.d. ræðu Ben Bernanke 14. nóvember 2007 og ræður Frederic Mishkin 23. mars og 20. október 2007.
3. Sjá t.d. J. Roberts (2006). „Monetary Policy and Inflation Dynamics“, *International Journal of Central Banking* (2), bls. 193-230, og M. Kiley, (2008). „Monetary Policy Actions and Long-Run Inflation Expectations“, Federal Reserve Board *Finance and Economics Discussion Series* 2008-03.
4. Sjá t.d. ræður tveggja bankastjóra bankans, Frederic Mishkin 11. janúar 2008 og Ben Bernanke 27. febrúar 2008.

Mynd 1

Stýrivextir, verðbólga og
verðbólguvæntingar í Bandaríkjunum
1. ársfj. 1979 - 1. ársfj. 2008



Heimildir: Vinnumálastofnun Bandaríkjanna, Seðlabanki Bandaríkjanna,
Seðlabanki Íslands.

gjörð sem í dag er talin stuðla að því að veita verðbólguvæntingum kjölfestu með minnstum fórnarkostnaði. Þetta gerðu þeir með því að taka upp tölusett verðbólguumarkmið fyrstir seðlabanka árið 1990. Reynsla Nýsjálendinga er sérlega fróðleg í ljósi þess að hagkerfi þeirra líkist því íslenska að mörgu leyti. Verðbólga hefur verið 2,3% að meðaltali frá árinu 1990. Til þess að ná þeim árangri hefur þurft nokkuð háa raunstýrivexti eða u.p.b. 5% að meðaltali. Að meðaltali hafa raunstýrivextir þar því verið hærri en á Íslandi frá árinu 2001. Markmið nýsjálenska seðlabankans er að halda verðbólgu á bilinu 1-3% til miðlungslangs tíma, en sveigjanleiki við framkvæmd peningastefnunnar hefur aukist eftir því sem trúverðugleikinn hefur vaxið. Rannsóknir hagfræðinga nýsjálenska bankans benda til þess að dregið hafi úr óeskilegum áhrifum gengissveiflna á þjóðarbúskapinn, m.a. á verðbólgu, eftir því sem trúverðugleiki peningastefnunnar hefur aukist.⁵

Skorti væntingar kjölfestu er lítið svigrúm til að líta til annarra þátta en verðbólgu

Reynsla síðustu þriggja áratuga sýnir hversu kostnaðarsamt er að skapa traust á peningastefnuna eftir að trúverðugleiki hennar hefur beðið hnekki. Verðbólguvæntingar eru einn mikilvægasti áhrifabíttur verðbólgu. Þær misstu kjölfestu á áttunda áratug síðustu aldar þegar seðlabankar lögðu ekki næga áherslu á að hafa stjórn á verðbólgu og töldu sig geta valið á milli atvinnuleysis og verðbólgu, jafnvel til langstíma lítið. Það kostaði mikinn samdrátt að leiðréttu þessa slagsíðu. Þessi reynsla undirstrikar mikilvægi væntinga og nauðsyn þess að taka tillit til þeirra við stefnumörkun.


Niðurstaða nútímapeningahagfræði, sem reynslan staðfestir, er að vænlegasta leiðin til að skapa verðbólguvæntingum kjölfestu sé sjálfstæður seðlabanki sem skuldbindur sig með formlegum hætti til að viðhalda verðstöðugleika og framfylgir peningastefnu sinni á kerfisbundinn, gagnsæjan og trúverðugan hátt.⁶ Trúverðugleiki peningastefnunnar skiptir því bæði sköpum fyrir hvernig til tekst að hafa stjórn á verðbólgu og hver geta peningayfirvalda er til þess að draga úr sveiflum í hagvexti og atvinnu. Skorti verðbólguvæntingar kjölfestu er ekkert svigrúm til að horfa til annarra þátta en verðbólgu.

Háar og sveiflugjarnar verðbólguvæntingar á Íslandi

Seðlabanka Íslands hefur ekki enn tekist að halda verðbólgu lágri og stöðugri nema í tæplega tvö ár frá því að verðbólguumarkmiðið var tekið upp í mars árið 2001. Það á sér ýmsar skýringar, sem ekki verður fjallað um hér.⁷ Út hefur því ekki tekist að byggja upp traust í jafn ríkum mæli og t.d. bandaríksa og nýsjálenska seðlabankanum hefur tekist. Þetta birtist í því að verðbólguvæntingar á Íslandi eru bæði háar og viðkvæmar fyrir fréttum. Verðbólguvæntingar til langstíma virðast þannig fremur óstöðugar og langt yfir verðbólguumarkmiðinu. Eina leið Seðlabankans til að ávinna sér trúverðugleika er að sýna í verki að hann geti tryggt viðvarandi verðstöðugleika. Þótt reynslan sýni að herkostnaður þess að brjótast úr verðbólguviðjum geti verið umtalsverður til skamms tíma er ljóst að ábati trúverðugrafi peningastefnu er mikill og því meiri sem lengra er horft fram í tímann.

Mynd 2

Stýrivextir, verðbólga og verðbólguvæntingar á Nýja-Sjálandi
1. ársfj. 1985 - 1. ársfj. 2008



Heimildir: Seðlabanki Nýja-Sjálands, Seðlabanki Íslands.

5. Sjá A. Drew, Ö. Karagedikli, R. Sethi og C. Smith, (2008). „Changes in the transmission mechanism of monetary policy in New Zealand”, Reserve Bank of New Zealand Discussion Paper Series No. DP2008/03.
6. Sjá m.a. grein Þórarins G. Péturssonar, (2007). „Hlutverk peningastefnunnar”, Peningamál 2007/3, bls. 71-75.
7. Sjá t.d. grein Arnórs Sighvatssonar, (2007). „Að róa í hafstraumum alþjóðlegs fjármagns - Reynsla Íslands af framkvæmd peningastefnu í litlu opnu hagkverfi í hnattvæddum heimi”, Fjármálatíðindi 54. árg., bls. 56-79.

ekki lagður dómur á ákvarðanir bandaríkska seðlabankans. En ástæða er til að benda á að ólíku er saman að jafna. Í fyrsta lagi er verðbólga til muna meiri hér á landi en í Bandaríkjum, hefur farið vaxandi að undanförfnu og verðbólguvæntingar eru mun meiri, hafa farið vaxandi og eru almennt óstöðugri (sjá rammagrein I-1). Í öðru lagi myndi hröð vaxtalækkun við núverandi aðstæður vafalítið leiða til frekari gengislækkunar krónunnar og valda því að verðbólguhorfur versnuðu enn frekar og verðbólguvæntingar einnig. Að þessu leyti er staða Bandaríkjanna og Íslands gjörólík. Gengisbreytingar koma hratt fram í verðlagi og verðbólguvæntingum á Íslandi en skamtímaáhrifin eru hverfandi í Bandaríkjum.² Skeytingarleysi gagnvart verðbólgu markmiðinu myndi vekja upp efasemdir um framkvæmd og raunveruleg markmið peningastefnunnar og grafa enn frekar undan trausti á krónunni. Í þriðja lagi gæti enn meiri gengislækkun en þegar hefur orðið aukið á samdrátt eftirspurnar vegna þess hve gengisbreytingar hafa sterk áhrif á skuldsetta efnahagsreikninga íslenskra heimila og fyrirtækja. Einnig að þessu leyti er staða Íslands gjörólík stöðu Bandaríkjanna.³

Meiri verðbólga stuðlar ekki að stöðugleika í fjármálakerfinu til lengdar

Ótímabær slökun peningalegs aðhalds væri ekki einungis á skjön við verðbólgu markmiðið heldur gæti hún grafið undan fjármálastöðugleika til lengri tíma lítið. Sjónarmið sem heyrst hafa um að Seðlabankinn ætti að varpa verðbólgu markmiðinu fyrir róða í því skyni að stuðla að stöðugleika í fjármálakerfinu eru því byggð á misskilningi. Vandséð er að erlend útlán bankanna geti hvílt á fyrirgreiðslu Seðlabankans sem veitt er í íslenskum krónum. Til þess að bankarnir geti keppt á erlendri grund á þeim forsendum yrðu stýrivextir hér að vera mun lægri eða viðvarandi gengislækkun að bæta upp vaxtameninn. Það kynni að gerast sjálfkrafa þegar bankarnir kaupa erlenda gjaldmiðla fyrir krónurnar sem þeir fengju lánaðar í Seðlabankanum. Gengislækkunin, verðbólgan og samdrátturinn sem fylgdi í kjölfarið myndi fljótlega leiða til aukinna vanskila skuldsettra heimila og fyrirtækja og grafa undan fjármálastöðugleika þegar fram líða stundir. Vaxtalækkun Seðlabankans sem gengi á skjön við verðbólgu markmiðið og græfi undan trausti á gjaldmiðlinum myndi aðeins auka fjármálalegan óstöðugleika.

Mikilvægt er að horfast í augu við hið óumflýjanlega

Framundan eru erfiðir tímar í íslensku atvinnulífi. Við núverandi skilyrði á alþjóðlegum fjármálamörkuðum er ekki mögulegt að fjármagna jafnmikinn viðskiptahalla og áður. Þessar aðstæður hafa þegar knúið

-
2. U.p.b. 40% gengisbreytingar koma fram í hækjun visitölu neysluverðs innan árs en einungis 2% í Bandaríkjum samkvæmt nýlegri rannsókn Þórarins G. Péturssonar, „How hard can it be? Inflation control around the world”, Central Bank of Iceland *Working Papers*, væntanleg.
 3. Erlendar eignir Bandaríkjumanna eru að miklu leyti í formi hlutafjár (í gjaldmiðli gistið) en skuldir meira í Bandaríkjadolum. Á Íslandi eru skuldir í erlendum gjaldmiðlum hins vegar meiri en eignir. Lækkun gengis hefur því jákvæð áhrif á efnahagsreikning Bandaríkjumanna en neikvæð á Íslandi.

fram lækkun á gengi krónunnar og samdráttur innlendar eftirspurnar virðist óumflýjanlegur. Að beita peningastefnu til þess að koma í veg fyrir hann er ekki aðeins tilgangslaust heldur getur leitt til meiri samdráttar síðar, enda myndi meiri verðbólga sem af slíku hlytist minnka svigrúm peningastefnunnar til þess að styðja hagvöxt síðar. Því fyrr sem tekst að hemja verðbólguna, skapa verðbólguvæntingum kjölfestu og auka traust á gjaldmiðlinum, því mildari verða eftirköstin og því fyrr getur hagvaxtarskeið hafist að nýju.

II Ytri skilyrði og útflutningur

Samdráttur á húsnæðismarkaði í Bandaríkjunum virðist ætla að draga þyngri dilk á eftir sér en flesta óraði fyrir. Frá nóvembermánuði sl. hefur enn syrt í álinn og eru nú taldar verulegar líkur á því að samdráttarskeið sé að hefjast í Bandaríkjunum eða sé jafnvel hafið. Hagvaxtarhorfur hafa einnig daprast nokkuð í Evrópu en ekki er þó spáð jafn skörpum skilum þar og í Bandaríkjunum. Horfur í Japan hafa einnig versnað, en í Kína og á Indlandi eru horfur á miklum hagvexti áfram, þótt nokkuð hægi á vextinum í Kína. Því er gert ráð fyrir að hráefnaverð í heiminum haldist áfram hátt, þ.á m. matvælaverð. Horfur um viðskiptakjör eru því góðar þótt hátt verðlag innfluttra hráefna vegi á móti hagstæðu útflutningsverðlagi að einhverju leyti. Vöxtur útflutnings á þessu ári verður drifinn af álútfutningi, sem reiknað er með að aukist um 72%. Hins vegar eru horfur á að útflutningur sjávarafurða minnki nokkuð. Verði Evrópa og Asía ekki fyrir meiri áhrifum af undirmáslánakreppunni í Bandaríkjunum en nú er almennt spáð ætti þjónusta við erlenda ferðamenn að halda áfram að aukast. Í grunnspánni er gert ráð fyrir að útflutningur vöru og þjónustu aukist um 4,5% á þessu ári en standi nánast í stað á því næsta.

Dregur úr hagvexti í heiminum

Talsvert hægði á hagvexti á fjórða ársfjórðungi 2007 í Bandaríkjunum, Bretlandi, Japan og á evrusvæðinu í kjölfar aukins vaxtar á þriðja ársfjórðungi. Samkvæmt spám Consensus Forecast fyrir þessi efnahagskerfi er útlit fyrir að töluvert dragi úr hagvexti í ár og á næsta ári miðað við árið 2007. Ekki er þó enn gert ráð fyrir að landsframleiðsla dragist saman milli ára.

Hagvaxtarskeiði undanfarinna ára var að töluverðu leyti viðhaldið af mikilli einkaneyslu og lágum sparnaði í Bandaríkjunum, sem má að nokkru leyti rekja til auðsáhrifa vegna mikillar hækkunar fasteignaverðs. Nú hafa þessi áhrif snúist við og margt bendir til þess að bandaríski þjóðarbúskapurinn sé að sigla inn í samdráttarskeið. Vöxtur landsframleiðslu á fjórða ársfjórðungi síðasta árs var einungis 0,6% milli ársfjórðunga á ársgrundvelli, eftir tæplega 5% vöxt á þriðja ársfjórðungi. Vandamálin sem steðja að bandarískra þjóðarbúskapnum eru fjölbætt. Samdráttur á húsnæðismarkaði vegur einna þyngst. Vísbendingar eru um að lækkun húsnæðisverðs og vaxandi lánatregða séu farin að draga úr einkaneyslu. Hækkun olíuverðs undanfarna mánuði mun einnig hafa neikvæð áhrif á komandi mánuðum. Vegna stórs bílaflota og mikillar notkunar olíu til húshitunar og raforkuframleiðslu í Bandaríkjunum tekur hækkun olíuverðs umtalsverðan skerf af ráðstöfunartekjum heimila þar í landi. Engar vísbendingar hafa enn komið fram um að jafnvægi sé komið á fasteignamarkað og því ekki hægt að útiloka að húsnæðisverð lækki enn frekar fram eftir þessu ári, en hvort tveggja hefur letjandi áhrif á einkaneyslu sem stendur undir u.þ.b. 70% af vergri landsframleiðslu í Bandaríkjunum. Í ljósi minnkandi framboðs lánsfjár á fjármálamörkuðum er einnig líklegt að dragi úr vexti fjárfestingar fyrirtækja. Á móti vegur hins vegar að staða fyrirtækja er almennt talin traust og hagnaður hefur verið góður.

Á evrusvæðinu var hagvöxtur á fjórða ársfjórðungi 2007 2,2% en hann var 2,6% á þeim þriðja. Helsta ástæða minni hagvaxtar var að verulega dró úr vexti einkaneyslu. Einnig dró umtalsvert úr vexti útflutnings, sem hefur verið einn megindrifkraftur hagvaxtar til þessa. Vöxturinn var aðeins 0,5% milli fjórðunga samanborið við 2,1% vöxt á fyri fjórðungi. Þetta skýrist m.a. af minnkandi heimsverslun í kjölfar samdráttar í Bandaríkjunum og háu gengi evrunnar gagnvart Bandaríkjadal sem dregur úr samkeppnishæfni útflutningsgreina. Frá árslokum 2005 hefur evrópski seðlabankinn hækkað stýrivexti um 2 prósentur og hafa þeir ekki verið hærri í sex ár.

Hagvöxtur í nýmarkaðs- og þróunarríkjum hefur ekki sýnt merki þess að hafa orðið fyrir verulegum áhrifum vegna óróa á fjármála-mörkuðum fram til þessa. Hagvöxtur í Kína var 11,4% á síðasta ársfjórðungi 2007 og landsframleiðsla á Indlandi jökst um 9% á sama tíma. Framleiðni hefur aukist hratt samfara samþættingu landanna inn í alþjóðahagkerfið. Kínverskur útflutningur hefur því haldið góðri samkeppnisstöðu þrátt fyrir hækkandi launakostnað og nokkrar gengishækkuun júans gagnvart lækkandi Bandaríkjadal. Vöxtur iðn-aðarframleiðslu og útflutnings hefur þó minnkað lítillega undanfarið. Í olíu- og öðrum hrávöruútflutningslöndum hefur hagstæð þróun við-skiptakjara stutt við hagvöxt.

Aukin verðbólga þrátt fyrir minni vöxt

Þótt hægt hafi á hagvexti hafa verðbólguhorfur víðast hvar í heiminum versnað töluvert á undanförnum mánuðum. Hækkuun hrávöruverðs hefur skilað sér hraðar í verðbólgu en áður. Mest áhrif hefur hækkuun á verði matvælahrávöru í þróunar- og nýmarkaðsríkjum, þar sem hlutfall matvæla í heildardeysslukörfu íbúa er hærra en í þróuðum löndum. Á Vesturlöndum hefur verðhækkuun landbúnaðarárafurða frá framleiðendum leitt í auknum mæli til hækkunar matvælaverðs til neytenda. Mest áhrif hefur þó hækkuun olíuverðs haft. Hún hefur jafnan skjót áhrif á smásoluverð eldsneytis og annarrar orku.

Í Bandaríkjunum hafa verðbólguhorfur versnað verulega frá útgáfu Peningamála í nóvember. Í febrúar mældist verðbólga 4,1%, en var aðeins 1,9% í ágústmánuði. Aukin verðbólga stafar að mestu leyti af hækkuun olíu- og orkuverðs. Lækkun Bandaríkjadals hefur að öðru leyti fremur veik skammtímaáhrif á innlent neysluverð í Bandaríkjunum. Sakir stærðar heimamarkaðarins og hlutfallslega fremur lokaðs þjóðarbúskapar Bandaríkjanna er svokallaður gengisleki þar líttill í samanburði við smærri lönd. Hins vegar hefur gengislækkun Bandaríkjadals áhrif á hrávöruverð innanlands í Bandaríkjunum jafnt sem á heimsmarkaði. Viðskipti með hrávörur á heimsmarkaði, t.d. olíu og málma, fara fram í Bandaríkjadolum.


Á evrusvæðinu var verðbólga 3,3% í febrúar og hefur ekki verið meiri frá því að evran var tekin upp. Evrópski seðlabankinn hefur sem markmið að verðbólga haldist undir, en nálægt, 2% til meðallangs tíma litið. Verðbólgan er því talsvert yfir viðmiði bankans. Almennt er því talið ólíklegt að stýrivextir á evrusvæðinu verði lækkaðir á næstunni. Verðbólga að undanskildu orkuverði mældist 2,5% í febrúar og hefur hækkað um 0,5 prósentur frá því í september.

Mynd II-1

Alþjóðlegur hagvöxtur

Magnbreiting vergrar landsframleiðslu

1. ársfj. 2003 - 4. ársfj. 2007



Heimild: Reuters EcoWin.


15

PENINGAMÁL 2008 • 1

Mynd II-2

Verðbólga í Bandaríkjunum og á evrusvæðinu janúar 2004 - febrúar 2008¹


Verðbólga með og án orkuverðs



1. Tölur fyrir verðbólgu á evrusvæðinu eru til mars 2008.


Heimild: Reuters EcoWin.

Mynd II-3
Hrávöruverð á heimsmarkaði
Vikulegar tölur 7. janúar 2000 - 30. mars 2008




Heimild: Reuters EcoWin.

Mynd II-4
Aflaverðmæti 2000-2008¹
Á föstu verðlagi 2007



1. Árlegar tölur 2000-2007, nýjasta gildi er fyrir febrúar 2008.
Heimild: Hagstofa Íslands.

Mynd II-5
Útflutningsverðmæti sjávarafurða 2006-2008
Janúar - febrúar



Heimild: Hagstofa Íslands.

Í Bretlandi jókst verðbólga fyrstu mánuði ársins og nam 2,5% í febrúar. Kjarnaverðbólga er hins vegar enn lág eða 1,2%. Verðbólga í Japan hefur aukist nokkuð undanfarna mánuði, en hún mældist 1% í febrúar. Í ljósi þess að Japan hefur um langt skeið glímt við þráláta verðhjöðnun mætti telja þetta jákvæð tíðindi, ef hækjun orku- og hrávöruverðs væri ekki meginorsokin frekar en aukin eftirspurn. Árhjöðnun neysluverðs að undanskildu orku- og matvælaverði nam 0,1% í febrúar. Annars staðar í Asíu hefur orðið vart við aukinn verðbólguþrésting, einkum vegna hækkandi matvöruverðs. Í Kína mældist verðbólga í febrúar 8,3% og hefur ekki verið meiri í tólf ár. Verðbólgan skýrist einkum af 23% hækjun matvælaverðs. Uppskerubrestur, sem rekja má til slæms veðurfars í Kína undanfarna mánuði, skýrir hækjunina að nokku leyti, en hraður vöxtur eftirspurnar er undirliggjandi orsök hás matvælaverðs.

Að undanskildu Japan er almennt búist við nokkuð mikilli verðbólgu í ár en minnkandi á næsta ári, að því gefnu að hjöðnun hagvaxtar dragi úr hækjun hrávöruverðs.

Talsvert dró úr ójafnvægi í heimsbúskapnum árið 2007

Viðskiptajöfnuður Bandaríkjanna var neikvæður um 5,3% af landsframleiðslu á liðnu ári, en hallinn nam 6,2% af landsframleiðslu árið 2006. Hjöðnun hallans má m.a. rekja til gengislækkunar dalsins og minnkandi vaxtar eftirspurnar í Bandaríkjunum. Órói á alþjóðlegum fjármálamörkuðum ásamt gengislækkun dalsins getur hins vegar torveldað fjármögnun viðskiptahallans næstu misseri. Frekari lækkun stýrivaxta í Bandaríkjunum á meðan vextir í Evrópu haldast óbreyttir stuðlar að lágu gengi dalsins.

Minna fiskað í upphafi árs

Fyrstu two mánuði ársins var bæði botnfiskafli, sérstaklega þorskafli, og afli loðnu til muna minni en á sama tíma í fyrra. Aflaverðmæti á föstu verðlagi dróst saman um 22% milli ára. Ástand loðnustofnsins er óvenju slakt og stefnir í að loðnuveiði á þessu ári verði með minnsta móti. Leyfilegur kolmunnaafla verður einnig minni en í fyrra. Við þetta bætist áður tilkynntur samdráttur þorskveiðiheimilda á yfirstandandi fiskveiðíári. Hlutfall þorskveiðiheimilda sem var óveitt í lok febrúar var nokkru hærra en á sama tíma í fyrra. Það gefur fyrirheit um að þorskaflinn muni glæðast þegar líður á árið. Í ljósi minni þorskaflaheimilda og mun minni leyfilegs loðnu- og kolmunnaafla er gert ráð fyrir að útflutningsverðmæti sjávarafurða á föstu verði muni dragast saman um 8% á þessu ári. Í spánni sem birt var í nóvember var reiknað með 6% samdrætti.

Hátt verð sjávarafurða vegur upp á móti minni afla

Verðlag sjávarafurða í erlendri mynt hefur hækkað sleitulaust frá miðju ári 2004. Á árinu 2007 nam meðaltalsverðhækjun útfluttra sjávarafurða í erlendum gjaldmiðlum rúmlega 6%, en verðlag botnfiskafurða hækkaði um næstum 7%. Verðbreytingar einstakra tegunda hafa verið mismiklar eftir framboðs- og eftirspurnaraðstæðum. Íslenskar botnfiskafurðir hafa hækkað umfram verðlag annarrar matvöru undanfarin ár. Verðhækjun mjölk-, korn- og fóðurvöru hefur leitt til hækkunar á

verðlagi brauðvöru, annars kornmetis, mjólkurvöru og alifugla. Verð annarra aðfanga til búrekstrar hefur einnig hækkað, t.d. eldsneytis og áburðar. Líklegt er að framangreindar verðhækkanir haldi áfram að koma fram í hækjun matvælaverðs til neytenda á næstu mánuðum. Minni hagvoxtur á helstu markaðssvæðum gæti hins vegar leitt til þess að almenn hækjun matvælaverðs leiði ekki til samsvarandi hækjunar á verðlagi sjávarafurða. Neytendur gætu við þær aðstæður dregið úr neyslu dýrari tegunda matvæla eins og sjávarafurða. Undanfarin fjögur ár hefur verðlag sjávarafurða hækkað töluvert umfram aðrar matvörur. Innlendir seljendur telja því flestir að vatnaskil séu framundan að því er verðlagningu fiskafurða áhrærir og að þol neytenda gagnvart verðhækjunum sé u.p.b. fullnýtt. Í grunnpánni er nú gert ráð fyrir að vegið verð sjávarafurða hækki um $3\frac{1}{2}\%$ milli áranna 2007 og 2008 en um 2% á árunum 2009-2010.

Olíuverð hefur aldrei verið hærra

Olíumarkaðurinn einkennist sem fyrr af framleiðslutakmörkunum OPEC-ríkjanna, vaxandi eftirspurn og lækkandi gengi Bandaríkjadals. Þá bætist við að fjárfestar beina sjónum sínum í auknum mæli að hrávöruviðskiptum, m.a. til að verjast vaxandi verðbólgu en einnig til að verjast gengislækkun dalsins. Að mati International Energy Agency mun eftirspurn aukast um 1,9% á þessu ári en aukningin var talin nema um 1,4% á árinu 2007. Vöxtur eftirspurnar hefur einkum verið drifinn áfram af meiri olíunotkun í Kína og Mið-Austurlöndum. Áætlað er að um helmingur aukinnar eftirspurnar komi frá þessum löndum. Væntingar standa til þess að olíuverð haldist hátt áfram. Benda má á harðari tón frá OPEC-samtökunum að undanförnu. Í spánni er gert ráð fyrir því að olíuverð mælt í Bandaríkjadöllum verði þriðjungi hærra í ár en í fyrra en lækki lítillega næstu tvö árin í samræmi við verð á framvirkum markaði.

Álverð á mikilli siglingu upp á við

Álverð tók að hækka mjög undir lok janúar sl. og var meðalverðið fyrstu tvær vikur marsmánaðar riflega fjórðungi hærra en meðalverð janúar-mánaðar. Hækjun orkuverðs ásamt tímabundnum framleiðslusam-drætti í nokkrum stórum framleiðslulöndum er talin vera meginorsök verðhækjunar sl. vikna. Einig hefur verið bent á að álverð hafði ekki hækkað jafn mikil seinni hluta liðins árs og verð flestra annarra málma. Spár um auknar birgðir hafa ekki gengið eftir, en eftirspurn fjárfesta hefur farið vaxandi. Í fyrra var talið að heimsframleiðslan myndi aukast umfram eftirspurn, en samkvæmt nýjum spám (t.d. frá GFMS Metals Consulting) mun eftirspurnin í ár aukast u.p.b. í takt við framleiðsluna. Framleiðsla og eftirspurn í Kína er talin vera nokkurn veginn í jafnvægi og ekki að vænta hreins útflutnings þaðan á þessu ári. Því er spáð að notkun áls í Kína muni aukast um $16\frac{1}{2}\%$ í ár og að um 35% af heildarnotkun í heiminum verði í Kína, en notkunin á Indlandi muni aukast um tæplega 9%. Í Evrópu og í Bandaríkjum er talið að eftirspurn aukist um $2\frac{1}{2}\%$ og tæp 4%. Gert er ráð fyrir því í grunnpá Seðlabankans að álverð í dollurum verði að meðaltali $11\frac{1}{2}\%$ hærra í ár en í fyrra, en $2\frac{1}{2}\%$ hækjun verði á milli áranna 2008 og 2009. Þessar forsendur styðjast við framvirkta verð eins og það var á tímabilinu 20. febrúar til 10. mars sl.

Mynd II-6

Verðlag sjávarafurða í erlendri mynt¹

Á föstu verðlagi 2008



1. Staðvart með veginni neysliverðsvisítolu í helstu viðskiptalöndunum.


Fyrir árið 2008 er sýnt meðaltal janúar og febrúar.

Heimild: Hagstofa Íslands.

Mynd II-7

Heimsmarkaðsverð á hráoliú¹

Mánaðarlegar tölur janúar 2002 - desember 2011




1. Spá frá lok mars 2008.

Heimildir: Bloomberg, NYMEX, Reuters EcoWin.

Mynd II-8

Verð á sjávarafurðum (í erl. gjaldmiðli) og áli



Heimildir: Hagstofa Íslands, London Metal Exchange, NYMEX,

Seðlabanki Íslands.

Viðskiptakjör batna töluvert meira á þessu ári en áður var talið

Út frá ofangreindri verðþróun inn- og útflutnings er því úlit fyrir að viðskiptakjör vöru og þjónustu muni batna sem nemur 3½% á þessu ári sem er töluvert meiri viðskiptakjarabati en reiknað var með í nóvemberspánni. Jafnframt eru horfur á að viðskiptakjör batni um hátt í 1% á næsta ári en versni síðan lítillega árið 2010. Þetta er svipuð þróun og reiknað var með í nóvember.

Útflutningur eykst minna en spáð var

Vöxtur útflutnings í ár og á næsta ári verður talsvert minni en spáð var í síðasta hefti *Peningamála*. Meginskýringin eru grunnáhrif meiri útflutnings árið 2007 sem stafa af óreglulegum viðskiptum með flugvélar. Niðurskurður þorskaflaheimilda og slök loðnuveiði vega einnig þungt. Í spánni er jafnframt gert ráð fyrir að útflutningur aukist lítið á næsta ári, en taki nokkuð við sér árið 2010. Vöxturinn á spátímanum er þó minni en gert var ráð fyrir í nóvember, þrátt fyrir lægra gengi krónunnar.

Tafla II-1 Útflutningur og helstu forsendur um þróun ytri skilyrða

	Breyting frá fyrra ári (%) nema annað sé tekið fram ¹			
	2007	2008	2009	2010
Útflutningur vöru og þjónustu	18,1 (4,2)	4,5 (14,1)	0,2 (5,0)	4,2 (5,2)
Útflutningsframleiðsla sjávarafurða	-4,0 (-5,0)	-8,0 (-6,0)	0,0 (0,0)	0,0 (0,0)
Útflutningsframleiðsla stóriðju	43,3 (47,6)	72,1 (71,4)	4,0 (4,5)	0,4 (0,0)
Verð sjávarafurða í erlendri mynt	9,5 (7,0)	3,5 (4,7)	2,0 (2,0)	2,0 (2,0)
Verð áls í USD ²	8,0 (7,4)	11,4 (-2,1)	2,5 (1,4)	0,0 (-0,1)
Verð eldsneytis í erlendri mynt ³	10,7 (5,4)	33,1 (10,3)	-1,3 (-3,5)	-1,0 (-1,4)
Viðskiptakjör vöru og þjónustu	0,3 (-0,3)	3,6 (0,5)	0,9 (1,4)	-0,5 (0,2)
Alþjóðleg verðbólga ⁴	2,2 (2,1)	2,5 (2,0)	2,0 (2,0)	1,9 (2,0)
Alþjóðlegur hagvöxtur	2,6 (2,5)	1,8 (2,3)	2,1 (2,2)	2,5 (2,4)
Alþjóðlegir skammtímavextir (%) ⁵	4,4 (4,3)	3,7 (4,0)	3,1 (4,1)	3,1 (4,3)

1. Tölur í svigum eru spá *Peningamála* 2007/3. 2. Spá byggð á framvirku álverði. 3. Spá byggð á framvirku eldsneytisverði. 4. Spá frá *Consensus Forecasts*. 5. Spá byggð á vegnu meðaltali framvirkra vaxta helstu viðskiptalandra Íslands.

Heimildir: Alþjóðagjaldeyrissjóðurinn, Bloomberg, Consensus Forecasts, Hagstofa Íslands, New York Mercantile Exchange, Seðlabanki Íslands.

Erlend fjármálaleg skilyrði hafa versnað til muna frá síðustu útgáfu *Peningamála* vegna umhleypingu á erlendum fjármála- og peningamörkuðum. Óróinn sem einkennir alþjóðafjármálamaðraði um þessar mundir á sér að nokkru leyti rætur í vaxandi vanskilum á bandarískum húsnæðislánamaðraði, þótt upphaf vandans eigi sér dýpri rætur í efnahagsstefnu helstu ríkja heims og ójafnvægi í heimsbúskapnum. Um mitt ár 2005 tók að gæta aukinna vanskila í Bandaríkjunum sem í fyrstu voru einskorðuð við ákveðinn flokk húsnæðislána, svokölluð undirmáslán, sem veitt voru húsnæðiskaupendum með rýrt láns-hæfi. Lækkun húsnæðisverðs og hækandi greiðslubyrði lántakenda, einkum vegna endurskoðunarákvæða á vaxtaálagi sem voru algeng á þessum tegundum lána, hefur leitt til þess að vandin hefur magnast. Stigvaxandi vanskil leiddu til þess að í ágúst á síðasta ári tók markaðsverð skuldabréfavafninga sem tengdust undirmáslánum að falla og dró úr seljanleika þeirra.

Brestir koma í ljós á fjármagnsmörkuðum

Snögglega dró úr seljanleika (e. liquidity) fasteignaveðtryggðra skuldbréfa og skuldabréfavafninga af ýmsu tagi.¹ Lánshæfisfyrtærki brugðust við með því að lækka lánshæfiseinkunnir fjölda samsettra fjármálagjörninga, einkum þeirra sem tengdir voru undirmáslánum. Þetta leiddi til aukins óróa á fjármagnsmörkuðum sem hafði í för með sér að erfiðara varð fyrir banka að selja nýjar útgáfur fyrirtækjaskuldbréfa sem þeir höfðu ábyrgst, sérstaklega útgáfur tengdar skuldsettum yfirtökum. Fjöldi banka neyddist því til þess að halda viðkomandi skuldum í eignasöfnum sínum. Það jók enn á áhættu og leiddi til lakari eiginfjárstöðu og aukinnaða eftirspurnar eftir lausafé.

Óróinn breiðist yfir á peningamarkaði

Í lok júlí í fyrra fór að gæta óróa á peningamarkaði í Bandaríkjunum. Vextir hækkuðu snögglega langt umfram væntingar markaða um framtíðarvexti (sjá mynd 1). Óróinn breiddist hratt út til annarra landa, einkum evrusvæðisins og Bretlands. Undirmáslánakreppan stuðlaði samtímis að stóraukinni eftirspurn og minna framboði skammtimalánsfjár. Ástæður þessa voru margþættar. Í fyrsta lagi skapaðist óvissa um hvaða fjármálfyrtærki myndu tapa á skuldbréfavafningum tengdum undirmáslánum og hversu mikil tapið yrði. Því hækkaði svokölluð mótaðilaáhætta (e. counterparty risk) mikil þar sem viðskipti á peningamarkaði eru óveðtryggð. Óvissan varð meiri en ella vegna þess að fjármálfyrtærki fjárfestu jafnán í þessum fjármálagerningum í gegnum sérstaka sjálfstætt rekna fjárfestingarsjóði (e. Special Purpose Vehicles (SPVs)). Þessir sérstöku fjárfestingarsjóðir höfðu ekki bein áhrif á efnahagsrekning viðkomandi stofnana og lutu því ekki sömu reglum um t.d. gagnsæi og eiginfjárstöðu og önnur fjárfesting fjármálastofnana. Eiginfjárstaða sjóðanna var í flestum tilvikum lág í hlutfalli við heildareignir og því takmarkað svigrúm til staðar til að taka á sig tap.


Í öðru lagi leiddu brestir á markaði með skammtímoveðskuldbréf til aukinnaða eftirspurnar á peningamarkaði. Bankar tóku að bæta lausafjárstöðu sína til að bregðast við fjármögnumarskuldbindingum gagnvart tengdum fjárfestingarsjóðum. Eins varð nauðsynlegt að auka lausafé í varúðarskyni til þess að mæta aukinni fjárbörf ef bankarnir neyddust til að leysa til sín skuldbindingar fjárfestingarsjóðanna. Fjárfesting í fasteignaveðtryggðum skuldabréfavafningum er venjulega til langs tíma en sjóðirnir voru að mestu fjármagnaðir með útgáfu sérstakra skammtímoveðskuldbréfa (e. Asset Backed Commercial Papers eða ABCP). Þessi skammtímaskuldbréf voru oftast með veði í m.a. undirmálsvafningunum og oft á tíðum ein-

Rammagrein II-1

Bandaríksa undirmáslánakreppan og áhrif hennar á fjármálaskilyrði

Mynd 1


Munur á millibankavöxtum og væntum stýrivöxtum¹
Daglegar tölur 2. febrúar 2007 - 2. apríl 2008



1. Munur á millibankavöxtum og vaxtaskiptasamningum til 3 mánaða.
Heimildir: Bloomberg, Reuters.

Mynd 2


Stýrivextir seðlabanka
Daglegar tölur 1. janúar 2003 - 2. apríl 2008




Heimild: Reuters EcoWin.

1. Erfitt er þó að segja með vissu hvort þetta sé ein meginorsök versnandi skilyrða á fjármálamörkuðum eða einfaldlega aukaverkun af mun viðameiri grundvallarbreytingum í fjármálakerfinu í viðari skilningi.


Mynd 3
Gengi hávaxtagjaldmiðla gagnvart evru
Daglegar tölur 1. janúar 2004 - 1. apríl 2008



Mynd 4
Skuldatryggingar íslenskra banka
og vísitala evrópskra fjármálfyrirtækja
Daglegar tölur 8. júlí 2006 - 2. apríl 2008



Mynd 5
Hlutabréfaverð á helstu mörkuðum
Daglegar tölur 1. janúar 2002 - 1. apríl 2008



hvers konar viðbótarábyrgð viðkomandi banka.² Hrun á verðmæti skuldabréfavafninga tengdra undirmáslánum gerði hins vegar fjárfestingarsjóðum erfitt fyrir að fjármagna sig með útgáfu skuldabréfa. Viðkomandi fjármálastofnanir tengdar þessum sjóðum urðu því að hlaupa undir bagga og tryggja skammtímafjármagn á millibankamarkaði.

Í þriðja lagi jókst eftirspurn eftir lánsfé frá peningamarkaðs-sjóðum sem vildu bæta lausafjárstöðu sína til að mæta hugsanlega auknum úttektum fjárfesta úr sjóðunum.

Seðlabankar liðka til á markaði

Seðlabankar í Bandaríkjum, Bretlandi og á evrusvæðinu brugðust við þróuninni á millibankamörkuðum í fyrstu með því að rýmka aðgengi banka að lausafé. Nokkrir seðlabankar, með Seðlabanka Bandaríkjanna í fararbroddi, hófu einnig að lækka stýrivexti verulega til þess að róa fjármálamarkaðina (sjá mynd 2). Seðlabankar Evrópu og Japans hafa ekki lækkað vexti en þeir hafa þó gert hlé á vaxta-hækjunum. Í september neyddist breski seðlabankinn til að aðstoða þarlendan húsnæðislánabanka, Northern Rock, eftir að ljóst var að fjármögnun bankans, sem að mestu leyti byggðist á útgáfu skamm-tímaskuldabréfa, hafði brugðist. Erfiðleikar í fjármögnun bankans leiddu að lokum til þess að breska ríkisstjórnin tilkynnti í febrúar 2008 að bankinn yrði þjóðnýttur. Hefur það ekki gerst síðan á áttunda áratug síðustu aldar.

Um miðjan marsmánuð gerði fjárfestingarbánkinn JP Morgan yfirtökutilboð í fjárfestingarbánkann Bear Stearns eftir að ljóst var að Bear Stearns ætti í alvarlegum lausafjárvandræðum og riðaði til falls. Seðlabanki Bandaríkjanna veitti JP Morgan fyrirgreiðslu vegna kaupanna og er það til marks um talsverða stefnubreytingu af hálfu hans að hafa afskipti af starfsemi fjárfestingarbánks.

Markaðir endurmeta fjárfestingaráhættu

Vaxandi ótti á mörkuðum leiddi til þess að ávöxtunarkrafa ríkisskulda-bréfa lækkaði mikið þegar fjárfestrar sóttu í örugga ávöxtun. Þrátt fyrir lækkun grunnvaxta versnuðu lánskjör og lánsfjárframboð dróst saman, einkum í Bandaríkjum. Evrópa var ekki heldur ósnortin.

Í kjölfar aðgerða seðlabanka komst ástandið á millibankamörk-udum að mestu leyti í eðlilegt horf undir lok síðasta árs en vaxandi óróa tók að gæta á ný í upphafi þessa árs (sjá mynd 1). Vextir á lánum til lengri tíma en sex mánaða eru einnig hærri en búast mætti við í venjulegu árferði. Áhættuálag (e. credit spread) hefur almennt hækkað verulega frá því að óróinn á fjármálamörkuðum braust út. Breytt mat á áhættu endurspeglast m.a. í mikilli verðhækkenum á svokölluðum skuldatryggingum (e. credit default swaps). Hluta hækkunar skuldatryggingarálags má þó að öllum líkindum rekja til tæknilegra vandkvæða á skuldaafleiðnamarkaði fremur en til undirliggjandi áhættuþátta. Ástæða þess er að skuldatryggingarálag er mikilvægur þáttur í verðlagningu skuldabréfavafninga og viðskiptum með þá. Alvarlegir brestir hafa komið í ljós á þeim mörkuðum í kjölfar undirmáslánakreppunnar. Það hefur ýtt undir almenna tortryggni á mörkuðum gagnvart samsettum fjármálagerningum. Álag á fasteignaveðtryggð skuldabréf hefur haldið áfram að hækka. Í Bandaríkjum hefur áhættuálag á önnur skuldabréf með veð sem tengjast m.a. venjulegum húsnæðislánum, lánum til atvinnuhúsnæðis auk greiðslukort-og bílalána, ásamt afleiðum þeim tengdum, einnig aukist. Það stafar af vaxandi áhyggjum um að vanskil kunni að aukast verulega á fleiri tegundum lána en undirmáslán.


2. Af þessum sértaku fjárfestingarsjóðum eru svokallaðir miðlunarsjóðir (e. Conduits), SIV (e. Structured Investment Vehicles) og SIV-lites algengastir. Munurinn á þessum mismunandi gerðum fjárfestingarsjóða er einkum fólginn í því hvernig fjármögnum þeirra er háttar og að hve miklu leyti bankinn sem stofnar til þeirra tekur ábyrgð á skuldbindingum þeirra.

Mikil lækkun á helstu eignamörkuðum og dregur úr vaxtamarviðskiptum

Framvindan á alþjóðlegum fjármálamörkuðum hefur orðið afdrifarík fyrir heimsbúskapinn, en einkum þau lönd sem eins og Ísland búa við mikinn viðskiptahalla og hafa hlutfallslega stórt fjármálakerfi. Gengi hlutabréfa hefur fallið á öllum helstu mörkuðum heimsins frá því um mitt sumar 2007 (sjá mynd 5) og hafa fjármálfyrirtæki orðið hvað verst úti. Þar eru íslensk fjármálfyrirtæki engir eftirbátar. Hátt skuldatryggingarálag gerir fjármögnun þeirra erfiða. Vaxtabyrði af erlendum skuldum þjóðarbúsins hefur þyngst fyrir vikið. Staða bankanna hefur grafið undan stöðu krónunnar, sem hefur lækkað hratt. Í ágústmánuði tók að draga talsvert úr vaxtamarviðskiptum (sjá mynd 6), sérstaklega þar sem japanska jenið hafði verið notað sem fjármögnunargjaldmiðill. Gengi japanska jensins hækkaði umtalsvert í kjölfarið, en gengi hávaxtagjaldmiðla lækkaði (sjá mynd 3). Samspil þessarar framvindu og stöðu íslensku bankanna (sjá rammagrein III-1) er ein helsta ástæða þess hve veðrabrigði íslenskra efnahagsmála verða skörp.

Mynd 6
Skuldbréfaútgáfa erlendis í krónum¹

Mánaðarlegar tölur




1. Gögn til og með 2. apríl 2008.
Heimildir: Reuters, Seðlabanki Íslands.

Mynd III-1

Raunstýrivextir¹

Vikulegar tölur 6. janúar 2004 - 8. apríl 2008




1. Stýrivöxtum hefur verið umbreytt í ávoxtun. 2. Verðbólguálag reiknað út frá ávoxtunarkröfu RIKB 13 0517 og RIKS 15 1001. 3. Verðbólguálag reiknað út frá ávoxtunarkröfu RIKB 13 0517 og HFF150914. Verðbólguvæntingar almennings, fyrirtækja og sérfraðinga á markaði miðast við verðbólgu eitt ár fram í tímann.

Heimildir: Capacent Gallup, Hagstofa Íslands, Seðlabanki Íslands.

Mynd III-2

Verðbólguvæntingar og gengi krónunnar
Daglegar tölur 4. janúar 2005 - 8. apríl 2008




1. Verðbólguálag reiknað út frá ávoxtunarkröfu RIKB 13 0517 og HFF150914.

Heimild: Seðlabanki Íslands.

Mynd III-3

Væntir stýrivextir Seðlabankans samkvæmt framvirkum vöxtum og stýrivaxtaspá í PM 2007/3

4. ársfj. 2007 - 1. ársfj. 2011



Heimild: Seðlabanki Íslands.

III Fjármálaleg skilyrði

Frá útgáfu *Peningamála* í nóvember sl. hafa raunstýrivextir lækkað töluvert á alla mælikvarða þrátt fyrir að stýrivextir hafi í tvígang verið hækkaðir samanlagt um 1,7 prósentur. Verðbólga hefur aukist og raunstýrivextir lækkað um tæplega 3 prósentur miðað við liðna verðbólgu. Verðbólguvæntingar hafa hækkað mikið í kjölfar gengislækkunar krónunnar það sem af er ári. Miðað við verðbólguálag ríkisbréfa eru raunstýrivextir nú tæplega 3,4 prósentum lægri en þeir voru í byrjun nóvember sl. Miðað við verðbólguvæntingar almennings í marsmánuði höfðu raunstýrivextir lækkað um rúmlega 2 prósentur frá síðustu könnun sem gerð var í október sl. og ef miðað er við verðbólguvæntingar fyrirtækja um rúmlega 1 prósentu síðan í desember. Raunstýrivextir miðað við verðbólguvæntingar sérfræðinga á fjármálamarkaði hafa einnig lækkað um rúmlega hálfu prósentu. Þrátt fyrir lækkun raunstýrivaxta hafa fjármálaleg skilyrði heimila og fyrirtækja versnað sökum hækkanar áhættuálags á vexti og minnkandi framboðs lánsfjár. Gengislækkun krónunnar hefur að auki neikvæð áhrif á efnahagsreikninga margra heimila og fyrirtækja.

Gengislækkun krónunnar

Gengi krónunnar og gengi annarra hávaxtagjaldmiðla hefur lækkað mikið frá áramótum. Íslenska krónan hefur þó lækkað sýnu mest. Skýringa á lækkuninni er að leita í mörgum samverkandi þáttum. Meginskýringarnar eru þó eflaust að áhættumat fjárfesta hafi breyst í kjölfar þrenginga á alþjóðlegum fjármálamörkuðum og hvati til vaxtamunariðskipta minnkað vegna þess hve erlent fjármagn er orðið dýrt fyrir innlend fjármálfyrirtæki. Það hefur leitt til þess að skiptavextir með krónur á gjaldeyrisskiptamarkaði hafa lækkað mikið og vaxtamunur orðið lítt sem enginn á stystu samningunum (sjá nánari umfjöllun í rammagrein III-1). Fjárfestar hafa áhyggjur af viðvarandi viðskiptahalla, óttast að stöðutaka með krónunni undanfarin ár geti gengið til baka og að gjaldeyrisforði Seðlabankans sé ekki nægur.

Vænst er hærri stýrivaxta en áður

Frá miðju sumri fram til loka ársins 2007 hækkaði ávoxtunarkrafa óverðtryggðra ríkisbréfa og verðtryggðra íbúðabréfa. Það endurspeglar að líklegast væntingar um hærri stýrivexti, eins og þróun framvirkra vaxta benti til. Einig er líklegt að farið hafi verið að þrengja að einhverjum fjárfestum og þeir því þurft að selja skuldabréf. Undir lok sl. árs snerist þróunin við og ávoxtunarkrafa bæði óverðtryggðra og verðtryggðra bréfa tók að lækka á ný. Á sama tíma var stöðugt háværari umræða um að lækka þyrfti stýrivexti sakir erfiðleika í fjármálakerfinu þrátt fyrir versnandi verðbólguhorfur. Umræðan virðist hafa haft áhrif á væntingar. Lækkun framvirkra vaxta á þessum tíma, líkt og sjá má á mynd III-3, er skýrvisbending um að svo hafi verið. Eftir skarpa gengislækkun krónunnar sem hófst í lok febrúar lækkaði ávoxtunarkrafa verðtryggðra íbúðabréfa. Með vaxandi verðbólguóttu jókst eftirspurn eftir verðtryggðum skuldabréfum. Fallandi gengi hlutabréfa kann einnig að hafa aukið eftirspurn eftir skuldabréfum með ábyrgð ríkisjóðs. Á sama tíma hækkaði ávoxtunarkrafa óverðtryggðra ríkisbréfa

vegna minnkandi eftirsprungar. Það bendir til þess að verðbólguóttinn hafi smám saman orðið ráðandi þáttur.

Skuldatryggingar bankanna hafa hækkað

Skuldatryggingarálag íslensku bankanna hefur hækkað verulega frá því að óróa fór að gæta á alþjóðlegum fjármálamarkaði vegna undirmáslánakreppunnar í Bandaríkjunum (sjá nánari umfjöllun um undirmáslánakreppuna í rammagrein II-1). Skuldatryggingarálag íslensku bankanna hefur hækkað um u.b.b. 4,8-6,6 prósentur frá því að Peningamál voru gefin út í nóvember sl. og á sama tíma hefur álag evrópskra fjármálfyrirtækja hækkað um rúmlega 0,5 prósentur. Skuldatryggingarálagið hefur lækkað lítillega það sem af er aprílmánuði eftir að hafa náð sögulegu hámarki í lok mars. Skuldatryggingarálag íslenska ríkisins hefur einnig hækkað verulega og virðist sem álag ríkisins hafi fylgt á lagi bankanna þrátt fyrir að erlendar skuldir ríkisins séu litlar og staða ríkissjóðs almennt talin góð. Skuldatryggingarálagið gefur ekki endilega rétta mynd af viðskiptakjörum sem fjármálfyrirtækjum bjóðast í reynd. Lítið hefur verið um skuldabréfaútboð fjármálfyrirtækja það sem af er ári og kjörin hafa versnað frá því sem var.

Aukið álag á erlendum millibankamarkaði


Frá byrjun nóvember hefur bandaríski seðlabankinn fjórum sinnum lækkað stýrivexti, alls um 2,25 prósentur. Markaðsaðilar vænta frekari stýrvaxtalækkana fram á sumar. Í flestum öðrum iðnríkjum hafa stýrivextir hins vegar haldist óbreyttir og í sumum löndum hafa þeir hækkað. Markaðsaðilar vænta þó þess að ýmsir seðlabankar taki að lækka vexti með haustinu. Priggja mánaða millibankavextir hafa lækkað mikið í Bandaríkjunum samfara lækkun stýrvaxta. Í Evrópu eru þeir svipaðir og í nóvemberbyrjun, eftir að hafa lækkað í byrjun árs vegna aukinna væntinga um lækkun stýrvaxta. Verðbólga hefur hins vegar verið meiri en vænst var og það hefur dregið úr væntingum um lækkun vaxta. Millibankavextir hafa lækkað lítillega í Bretlandi en í Sviss og í Japan hafa þeir lítið breyst frá útkomu Peningamála í nóvember 2007. Álag LIBOR-vaxta, þ.e.a.s. mismunur millibankavaxta og vaxta ríkísvíxla, hefur haldist hátt frá því að óróa tók að gæta á alþjóðlegum fjármálamörkuðum. Í kjölfar sameiginlegra aðgerða helstu seðlabanka heims í desember dró nokkuð úr spennu á millibankamarkaði en síðan hefur álag hækkað á ný. Seðlabankar beggja vegna Atlantsála hafa því gripið til frekari aðgerða til að auka aðgengi fjármálfyrirtækja að lausafé. Vextir fimm ára ríkisskuldabréfa hafa lækkað bæði í Evrópu og í Bandaríkjunum, gagnstætt því sem gerst hefur hér á landi.

Fjármálagleg skilyrði hafa versnað

Fjármálagleg skilyrði heimila og fyrirtækja hafa versnað verulega frá útgáfu síðustu Peningamála. Óverðtryggðir vextir og vextir skamtímalána hafa hækkað. Verðbólga hefur aukist og þar með verðbætur verðtryggðra lána. Einnig hafa vextir nýrra verðtryggðra lána og lána sem bera breytilega vexti hækkað um 0,45-0,7 prósentur. Útlánsvextir íbúðaláanasjóðs gætu þó lækkað á næstunni ef fram heldur sem horfir með þróun ávöxtunarkröfu verðtryggðra íbúðalána á markaði.

Mynd III-4

Ávöxtun verðtryggðra langtímaskuldabréfa
Daglegar tölur 8. júlí 2004 - 8. apríl 2008




Heimild: Seðlabanki Íslands.

23

PENINGAMÁL 2008 • 1

Mynd III-5


Skuldatryggingar íslenskra banka og vísalta evrópskra fjármálfyrirtækja
Daglegar tölur 8. júlí 2006 - 8. apríl 2008



Heimildir: Bloomberg, Reuters.

Mynd III-6

Priggja mánaða vextir á millibankamarkaði
Daglegar tölur 1. janúar 2003 - 9. apríl 2008




Heimildir: Reuters EcoWin, Seðlabanki Íslands.

Mynd III-7

Verðtryggðir vextir íbúðalána¹
og ávöxtun íbúðabréfa

Daglegar tölur 1. september 2004 - 1. apríl 2008




1. Vextir með uppgreiðsluálagi. Fyrir íbúðalánaþjóð er um að ræða vexti án uppgreiðsluálags fram til nóvember 2005.

Heimildir: Íbúðalánaþjóður, Seðlabanki Íslands.

Mynd III-8

Myntsamsetning gengistryggðra lána til heimila
Kaupþing, Landsbanki, Glitnir




Heimild: Seðlabanki Íslands.

Mynd III-9

Útlánaaukning lánakerfisins¹

1. ársfj. 1997 - 4. ársfj. 2007

Breyting frá sama ársfjórðungi fyrra árs (%)



1. Vegna breytingar á lánaflokkun eru tölur frá og með þriðja ársfjórðungi 2003 ekki fyllilega sambærilegar við eldri tölur.

Heimild: Seðlabanki Íslands.

Íbúðalánaþjóður hélt ekki útboð á fyrsta fjórðungi þessa árs og hefur sjóðurinn tilkynnt að hluti áætlaðrar útgáfu verði fluttur til yfirstandandi ársfjórðungs. Útlán sjóðsins voru minni á fyrsta ársfjórðungi en gert hafði verið ráð fyrir. Einn viðskiptabanki hefur hækkað útlánsvexti íbúðalána það sem af er ári.

Samhliða lækkun á gengi krónunnar hafa gengisbundin lán hækkað verulega en þau eru stór hluti af skuldum fyrirtækja og vægi þeirra í skuldum heimila hefur einnig aukist. Þau eru nú rúmlega fimmungur af útlánum innlásstofnana til heimila. Gengislækkun hefur mun fyrr áhrif á greiðslubyrði gengistryggðra lána en verðtryggðra lána. Lágvaxtagjaldmiðlar á borð við swissneskan franka og japansk jen vega þungt í gengisbundnum útlánum til heimila eða tæplega 80%.

Skilyrði fyrir gengisbundinni lántöku vegna íbúðakaupa hafa verið strangari en þegar um verðtryggða lántöku er að ræða. Einhverjur sem hafa fjármagnað íbúða- eða bifreiðakaup með gengisbundnum lánum standa nú hugsanlega frammi fyrir því að virði eignarinnar sem keypt var er minna en andvirði eftirstöðva lánsins. Greiðslubyrði gengistryggðra íbúðalána hefur aukist mikið. Í þeim tilvikum þar sem gengisbundin útlán eru stór hluti af skuldum skuldsettra heimila eykur lækkun gengisins líkur á greiðslufalli lánanna, einkum í þeim tilfellum þar sem tekjur minnka vegna efnahagssamdráttar. Það skýrir að hluta aukna útlánatregðu við núverandi aðstæður. Að auki hefur vaxtaálag lána í erlendum gjaldmiðlum hækkað mikið. Fyrst í stað hefur það einkum áhrif á vexti nýrra lána en kjör eldri lána geta einnig breyst.

Minna framboð lánsfjár í bæði innlendum og erlendum gjaldmiðli
Eftir því sem raungengi krónunnar er lægra ætti almennt að vera hagkvæmara að taka lán í erlendum gjaldmiðli til lengri tíma litið. Hækkandi álag dregur hins vegar úr skammtímaávinningnum, auk þess sem minna framboð kann í mörgum tilvikum að koma í veg fyrir skuldbreytingu.


Mikið hefur dregið úr framboði lánsfjár í innlendum sem erlendum gjaldmiðli bæði til fyrirtækja og heimila. Vísbendingar eru um að dregið hafi úr framboði lánsfjár til fyrirtækja þegar sl. haust en ekki fyrr en á síðstu vikum til heimila. Tölur lánakerfisins fyrir síðasta fjórðung ársins 2007 eru í samræmi við þessar vísbendingar. Vöxtur útlána lánakerfisins til fyrirtækja dróst nokkuð saman frá sama fjórðungi árið á undan en útlán til heimila jukust. Tölur um útlán innlásstofnana fyrstu two mánuði ársins sýna hins vegar aukinn vöxt útlána að teknu tilliti til áætlaðrar gengis- og verðuppfærslu, þrátt fyrir vísbendingar um minnkandi framboð. Aukinn útlánavöxtur gæti stafað af því að framvirkum samningum hafi verið lokað og lán tekin í staðinn. Sé það rétt er ekki um raunverulega útlánaaukningu að ræða heldur tilfærslu frá liðum utan efnahagsreiknings inn á hann. Þrengingar á markaði með fyrirtækjaskuldabréf og -víxla gætu einnig hafa valdið því að fyrirtæki hafi tekið lán til að greiða skuldabréf sem verið hafa á gjalddaga undanfarna mánuði. Í því tilviki er um útlánaaukningu bankakerfisins að ræða þótt skuldsetning fyrirtækja hafi í sjálfu sér ekki aukist.

Vöxtur peningamagns enn mikill

Vöxtur peningamagns er enn gríðarlega mikill og hefur ársvöxtur þess verið um og yfir 50% frá því á haustmánuðum. Vöxturinn hefur verið mestur í veltiinnlánnum, sem eru minnst bundnu innistæðurnar, en hann má einnig rekja til mikils vaxtar á innlendum gjaldeyrisreikningum, bæði óbundnu og almennu sparifé. Verðtryggð innlán hafa dregist lítillega saman á sama tímabili, þó sérstaklega verðtryggð innlán heimilanna. Íslensku bankarnir hafa stefnt að því að auka innlán innanlands sem og erlendis, í því skyni að auka hlutfall innlána í fjármögnun bankanna og bregðast þannig við slæmum skilyrðum á alþjóðlegum fjármálamaðra. Líklega má að einhverju leyti rekja meiri vöxt peningamagns til þessarar viðleitni. Breytt áhættumat fjárfesta í kjölfar óróa á fjármálamaðra er einnig líkleg skýring á auknum innlánnum þar sem slíkt leiðir jafnan til flóttu í áhættuminni fjárfestingu t.a.m. innlán.

Mynd III-10

Framlag einstakra liða til innlánsvaxtar
Janúar 2005 - febrúar 2008




Heimild: Seðlabanki Íslands.

Rammagrein III-1

Nýlegar sviptingar á innlendum markaði með gjaldmiðlaskiptasamninga

Mynd 1


Millibankavextir á Íslandi og evrusvæðinu og afleiddir evruvextir á skiptasamningum Daglegar tölur 1. ágúst 2007 - 8. apríl 2008



Heimild: Bloomberg, Seðlabanki Íslands.

Mynd 2

Mismunur afleiddra evruvaxta á skiptasamningum og millibankavaxta á evrusvæði Daglegar tölur 1. ágúst 2007 - 8. apríl 2008



Heimild: Bloomberg.

Ört hækandi álag á íslenskar fjármálastofnanir og sterk innlend eftirspurn eftir erlendum gjaldeyri hafa sett markað með gjaldmiðlaskiptasamninga (e. foreign exchange swap market) úr skorðum. Svokallað varið vaxtajafnvægi hefur brostið. Vaxtamunur gagnvart útlöndum hefur lækkað verulega samkvæmt afleiddum vöxtum á skiptasamningamarkaði og er það meginástæða mikillar gengislækkunar krónunnar. Í þessari rammagrein er fjallað um hvernig órói á alþjóðlegum fjármagnsmörkuðum hefur smitast yfir á innlendan markað með gjaldmiðlaskiptasamninga.¹

Sterk eftirspurn eftir erlendum gjaldeyri

Framboð lausafjár í erlendum gjaldeyri á góðum kjörum var nægt áður en alþjóðlega lánsfjárkreppan hófst um miðbik síðasta árs. Erlend fjármögnum á alþjóðlegum peningamörkuðum eða með skuldbréfaútgáfu utan landsteinanna var auðsótt. Órói á alþjóðafjármálmörkuðum hefur hins vegar aukið verulega fjármögnumarkostnað erlendis og „íslenskt“ áhættuálag hefur sprottið upp á alþjóðamörkuðum. Íslenskir fjárfestar hafa því sótt inn á skiptasamningamarkað þar sem fjármögnum er hagstæðari eftir versnandi lánskjör á erlendum mörkuðum.

Mynd 1 sýnir fjármögnumarkostnað innlendra aðila á skiptasamningamarkaði (þ.e. afleidda evruvexti (e. FX-implied euro rates)) og millibankavexti með evru. Þessir vextir fylgdust náið að á árinu 2007 og var bilið á milli þeirra venjulega innan við ½ prósentu. Fjármögnumarkostnaður á skiptasamningamarkaði var því lægri en ef greiddir væru evrumillibankavextir að viðbættu áhættuálagi. Í lok janúar í ár tóku afleiddir evruvextir á skiptasamningamarkaði og millibankavextir með evru hins vegar að víkja æ lengra hvorir frá öðrum og í mars var bilið á milli þeirra orðið verulegt (sjá mynd 2). Hið sama var uppi á teningnum gagnvart öðrum gjaldmiðlum á borð við Bandaríkjalal. Áhættuálag erlends lánsfjár, sem birtist í skuldatryggingará lagi íslensku viðskiptabankanna, hefur því smám saman ratað inn í verðmyndun skiptasamninga. Mynd 3 sýnir að afleiddir krónuvextir á skiptasamningamarkaði hafa lækkað verulega og eru langt undir innlendum millibankavöxtum.

Jafnvel þótt munur á innlendum og evrópskum millibankavöxtum hafi haldist nokkuð stöðugur á bilinu 10-11 prósentur á undanförnum mánuðum, sýnir mynd 4 að vaxtamunur milli afleiddra krónuvaxta á skiptasamningamarkaði og millibankavaxta með evru (LIBOR) hefur minnkað ört á þessu ári. Þetta á sérstaklega við um vexti á samningum til briggja mánaða eða skemur, en líftími flestra skiptasamninga með krónu hefur hingað til verið á þessu bili.² Vextir hafa því í raun lækkað um u.p.b. 10 prósentur á skiptasamningamarkaði á mjög skómmum tíma. Ábati stöðutöku með krónunni hefur því minnkað verulega. Vaxtamunur gagnvart evru var meira að segja neikvæður um tíma á samningum til afar skamms tíma (eins dags eða einnar viku) áður en stýrivextir Seðlabankans voru hækkaðir um 1,25 prósentur í mars. Hækkan stýrivaxta skilaði sér í svip-áðri hækkan innlendra vaxta og afleiddra vaxta á skiptasamningamarkaði og stöðvaði örða gengislækkun krónunnar. Nokkrum dögum síðar jókst hins vegar innlend eftirspurn eftir erlendum gjaldeyri og

1. Nánari umfjöllun um tengd efni má nálgast í Amatatsu, Y., og N. Baba (2007). „Price discovery from cross currency and FX swaps: A structural analysis“. Bank of Japan Working paper series nr. 07-E-12; og Baba, N., F. Packer og T. Nagano (2008). „The spillover of money market turbulence to FX swap and cross-currency swap markets“. BIS Quarterly Review, mars 2008.
2. Ákvörðun um framlengingu skiptasamninga þegar þeir koma á gjalddaga ræðst af væntum ábata að teknu tilliti til áhættumats, þ.e.a.s. út frá hlutfalli vaxtamunar á milli afleiddra vaxta á skiptasamningamarkaði með viðkomandi gjaldmiðla af afleiddu flökti (e. carry-to-risk ratio).

lækkaði vaxtamunur gagnvart útlöndum á skiptasamningamarkaði því á nýjan leik.³

Varið vaxtajafnvægi brestur

Auðveldast er að skilja hvers vegna innlendir aðilar velja að birgja sig upp af erlendum gjaldeyrí á skiptasamningamarkaði út frá vörðu vaxtajafnvægi (e. covered interest rate parity) sem gefur til kynna að vaxtamunur á milli t.d. Íslands og evrusvæðisins eigi að endurspeglast í mun á framvirku gengi og núgengi krónunnar gagnvart evru (F/S), þ.e. í framvirká álaginu (e. forward premium).⁴

Högnunartækifæri skýra hvers vegna varið vaxtajafnvægi heldur undir venjulegum kringumstæðum. Ef fjármögnumarkostnaður á evrusvæðinu er hærri en afleiddir evruvextir á skiptasamningamarkaði kjósa íslensk fyrirtæki fremur að taka lán á innlendum millibankavöxtum, skipta krónu í evru á núgengi og semja um gagnstæð viðskipti á framvirku gengi.

Að sama skapi, ef litioð er framhjá endurgreiðslu- og mótaðilaáhættu, er ákjósanlegt fyrir erlenda aðila að leggja fé inn á íslenska innistæðureikninga (á hlutfallslega háum vöxtum) og verja sig fyrir gjaldmiðlaáhættunni til að tryggja sér áhættulausan ábata. Báðir þættir ættu að tryggja að varið vaxtajafnvægi haldi. Lykilforsendur varins vaxtajafnvægis eru lágor umsýslukostnaður og engin stjórn-málaleg, láns- né lausafjárhætta. Frá miðju síðasta ári hafa tveir síðastnefndu þættirnir skipað stærri sess í gangverki fjármálamarkaða. Áhyggjur af lánsáhættu tengdri íslenskum bönkum birtist t.d. í varfærni erlendra fjárfesta gagnvart því að leggja fé inn á íslenska innistæðureikninga án þess að ríkuleg ávöxtun sé í boði. Hætta á að mótaðili verði gjaldþrota á líftíma láns – og að höfuðstóllinn tapist – hvetur fjárfesta til að velja frekar skiptasamningamarkað þar sem eignir sem skipst er á gegna hlutverki veðs.⁵

Skiptasamningamarkaður er að hruni kominn vegna þess að hefðbundin öfl sem tryggja jafnvægi á markaðnum hafa misst mátt sinn þar sem innlendir aðilar birgja sig upp af erlendum gjaldeyrí og verulegt „Íslandsálag“ hefur skapast á fjármagnsmörkuðum.

Markaður með skiptasamninga til lengri tíma einnig úr skorðum

Órói á alþjóðamörkuðum hefur einnig haft veruleg áhrif á markað með skiptasamninga til lengri tíma. Samningar til eins árs eða lengur eru venjulega vaxta- og gjaldmiðlasamningar (e. cross-currency basis swaps) í stað einfaldra gjaldmiðlaskiptasamninga (e. FX swaps). Slíkir samningar eru keimlíkir en uppbygging þeirra er örlítið frábrugðin.⁶ Samningar af þessu tagi hafa verið mikilvægur farvegur til að


3. Afleiddir vextir með krónu á skiptasamningamarkaði virðast hafa jákvæða fylgni við stýrverti, neikvæða við áhættuálag á íslenskum stofnunum og verða fyrir neikvæðum áhrifum einhliða flæðis á skiptamarkaði vegna eftirsprungar eftir erlendum gjaldeyrí.
4. Samkvæmt vörðu vaxtajafnvægi gildir:

$$[1 + ((dagar/360)*F^{EUR})] = (F/S)*[1 + ((dagar/360)*F^{ISK})]$$

þar sem S er núgengi krónu gagnvart evru (kr./evru) en F er samsvarandi framvirkt gengi. Hægri hlið jöfnunnar sýnir afleidda evruvexti á skiptasamningamarkaði sem eiga að vera jafnir millibankavöxtum með evru. Verð skiptasamnings er sett fram sem mismunur framvirks gengis og núgengis. Algengt er að byggja útreikning á afleiddum vöxtum með krónu á skiptasamningamarkaði á innlendum millibankavöxtum (REIBOR) og mismunum á núgengi og framvirku gengi. Fjármálfyrirtæki nota eigin fjármögnumarkostnaði í stað REIBOR-vaxta.
5. Veðið kemur hins vegar ekki í veg fyrir að lánsáhætta sé fyrir hendi. Tap getur orðið við gjaldþrot mótaðila á samningstímanum þar sem ganga þarf frá viðskiptunum á grundvelli markaðsverðs á þeim tíma. Lánsáhættan ætti þó að vera lítil í skammtímaskiptasamningum en það gefur til kynna að lausafjárburrð sé meginþýring örrar lækknunar afleiddra vaxta á skiptasamningamarkaði.
6. Í vaxta- og gjaldmiðlaskiptasamningi er íslensk fjármálastofnun í reynd að taka lán í erlendum gjaldeyrí hjá erlendri stofnun og samtímis að lána henni krónur. Skipst er á höfuðstól við upphaf og loð samningstíma (eins og í gjaldmiðlaskiptasamningi) en að auki fara vaxtagreiðslur á milli aðilanna sem byggjast á þriggja mánaða millibankavöxtum. Samið er um lokagreiðslu við upphaf samningstímans og því engin gjaldmiðlaáhætta fyrir hendi. Eignirnar í gjaldmiðlunum tveimur sem skipst er á þjóna hlutverki veðs. Gjaldmiðla- og lánsáhætta er enn bundin vaxtagreiðslunum.

Mynd 3

Millibankavextir á Íslandi og evrusvæðinu og afleiddir krónuvextir á skiptasamningum Daglegar tölur 1. ágúst 2007 - 8. apríl 2008




Heimildir: Bloomberg, Seðlabanki Íslands.

27

PENINGAMÁL 2008 • 1

Mynd 4

Mismunur afleiddra krónuvaxta á skiptasamningum og evrópskra millibankavaxta og gengi krónunnar gagnvart evru Daglegar tölur 1. ágúst 2007 - 8. apríl 2008



Heimildir: Bloomberg, Seðlabanki Íslands.

Mynd 5

Grunnálag á vaxta- og gjaldmiðlaskiptasamningum og gengi krónunnar

Daglegar tölur 1. ágúst 2007 - 8. apríl 2008




Heimild: Bloomberg.

Mynd 6

Grunnálag á skiptasamningum til lengri tíma hækkaði fyrst

Daglegar tölur 1. ágúst 2007 - 8. apríl 2008



Heimild: Bloomberg.

verjast gjaldmiðlaáhættu krónunnar í tengslum við jöklabréfaútgáfu og fyrir íslenska banka við að skipta fjármagni fengnu með erlendri skuldabréfaútgáfu yfir í krónur.⁷ Álag í skiptasamningum til lengri tíma ræðst af stöðu bankakerfisins og undirliggjandi greiðsluflæði skiptasamningaútgáfna. Álag á skiptasamningum – sem tryggir jafnvægi heildareftirspurnar og heildarframboðs íslenskra króna – verður því neikvætt þegar eftirspurn eftir erlendum gjaldeyri er sterk og vilji er fyrir hendi til að þiggja lægri vaxtagreiðslur vegna lánsfjár í krónum.⁸

Álag í vaxta- og gjaldmiðlaskiptasamningum með Bandaríkjadal gagnvart krónu til eins árs er sýnt á mynd 5. Á fyrri hluta síðasta árs var álagið hverfandi vegna mikillar eftirspurnar eftir jöklabréfaútgáfu meðal erlendra aðila. Álagið byrjaði að hækka nokkuð í nóvember í fyrra og var orðið 0,5 prósentur í janúar. Hækkunin skýrir hluta upphaflegrar gengislækkunar krónunnar.⁹ Ókyrrð á gjaldmiðlaskiptasamningsmarkaði (e. FX swap market) sagði ekki til sín fyrr en í janúar í ár en það gefur til kynna að órói á skiptasamningum til lengri tíma hafi smitast yfir á samninga til styttri tíma (sjá mynd 6). Það bendir til þess að bankar og aðrir lántakar hafi fært sig yfir í skammtímafjármögnum á skiptasamningamarkaði þegar lausafjárburrð sagði til sín á markaði fyrir langtímafjármögnum. Eins og staðan er nú er lítt seljanleiki á markaði með vaxta- og gjaldmiðlaskiptasamninga (og verðlagning óareiðanleg).¹⁰ Þegar litið er fram á veginn er líklegt að eftirspurn eftir nýjum jöklabréfaútgáfum dragist saman þar sem álag á skiptasamningum hefur hækkað verulega.¹¹

Umbætur á skiptasamningamarkaði

Nauðsynleg forsenda þess að skiptasamningamarkaður færst í eðlilegt horf á ný er betri fjármögnumarkilyrði íslensku bankanna (þar sem Íslandsálagið er nátengt skiptasamningamarkaðnum). Mögulegir þættir sem gætu komið því til leiðar eru að lánsfjárkreppan hjaðni eða að skuldatryggingarálag bankanna lækki í kjölfar jákvæðra atburða í efnahagslífinu. Aðgerðir stjórnvalda geta engu að síður stuðlað að aukinni virkni á skiptasamningamarkaði við núverandi aðstæður.

Ein möguleg aðgerð stjórnvalda væri að gefa út ríkistryggð innstæðubréf (e. certificates of deposits – CDs) sem erlendir aðilar


7. Sjá Barclays Capital (2008). „Basis swaps: The straw that may break the AUD's back”. 25. mars 2008; Ryan, C. (2007). „Some general observations from the kangaroo bond market”. Reserve Bank of Australia, ræða flutt 29. mars 2007 og grein Þorvarðar Tjörva Ólafssonar (2005). „Erlend skuldabréfaútgáfa í krónum”. Peningamál 2005/4.
8. Kjör vaxta- og gjaldmiðlaskiptasamninga eru venjulega sett fram sem millibankavextir með krónu (REIBOR) að frádregnu álagi (í punktum), þar sem lántaki Bandaríkjadalara fær REIBOR-vesti að frádregnu álagi á þriggja mánaða fresti og greiðir í staðinn Bandaríkjadalari á fljótandi millibankavöxtum.
9. Orsakasmhengið er líklega í báðar áttir þar sem gengislækkun krónunnar er líkleg til að hvetja til frekari varna en það eykur álagið í skiptasamningunum enn frekar.
10. Óróleikinn á íslenskum skiptasamningamarkaði líkist ástandinu á kóreska markaðnum fyrir vaxta- og gjaldmiðlaskiptasamninga frá miðbiki síðasta árs þegar skortur á Bandaríkjadalari kjölfar undirmálsánakreppunnar hækkaði álag á kóreska markaðnum. Líkt og hér á landi höfðu nokkuð háir vextr ýtt undir skuldabréfaútgáfu á erlendum mörkuðum. Annað líkt tilvik er versnandi mat á fjármálagreiði stöðu japanska banka undir lok tíunda áratugar síðustu aldar sem olli auknu álagi í skiptasamningum með jen og Bandaríkjadal. Að lokum má nefna aukið álag í skiptasamningum með evru og Bandaríkjadal í fyrra í kjölfar þess að bankar utan Bandaríkjanna hófu að umbreyta lausafé í evru yfir í Bandaríkjadal til að styðja við miðlunarsjóði (e. conduits) sína í Bandaríkjunum. Sjá Federal Reserve Bank of New York (2008). „Treasury and federal reserve foreign exchange operations”, febrúar 2008 og Bank of Korea (2007). *Financial Stability Report*, október 2007.
11. Jöklabréfaútgáfa er eingöngu hagstæð þegar kostnaðurinn við að breyta fjármögnum í krónu í fjármögnum í erlendum gjaldmiðli í gegnum vaxta- og gjaldmiðlaskiptasamninga er lægri en kostnaður við einfaldar útgáfu í erlendum gjaldmiðli, þ.e. þegar mismunur álags vegna umbreytingar fastvaxtaskuldbindingar í krónu í fljótandi skuldbindingu og greidds álags vegna vaxta- og gjaldmiðlasamningsins er lægri en álag á erlenda millibankavexti sem útgefandinn hefði annars þurft að greiða erlendis.

hefðu greiðan aðgang að. Slík aðgerð yki aðráttarafl hárra vaxta hérlandis gagnvart erlendum fjárfestum og stuðlaði að auknum seljaneika á skiptasamningamarkaði. Hugmyndin er að fá fjárfesta til að kaupa innstæðubréfin án þess að þeir þurfi að tengjast íslensku bönkunum á nokkurn hátt. Mögulega kysu þeir að selja krónurnar framvirkт og fá í staðinn erlendan gjaldeyri til að komast framhjá gjaldmiðlaáhættunni. Aðgerðin ætti því að auka framboð króna á markaði með framvirka samninga og lækka framvirkт verð krónunnar. Að auki ættu kaup á krónum á gjaldeyrismarkaði að stuðla að gengishækkun krónunnar. Skilvirkni á skiptasamningamarkaðnum ætti að aukast og bilið að minnka á milli innlendra millibankavaxta og afleiddra vaxta á skiptasamningum með krónu.

Annar möguleiki er að auka framboð lausafjár í erlendum gjaldeyri með því að taka upp gjaldmiðlaskiptasamninga á grundvelli eigna Seðlabanka Íslands í erlendum gjaldeyri. Slík aðgerð krefst þó meiri gjaldeyrisforða eða skiptasamninga við aðra seðlabanka. Seðlabankinn gæti með þeim hætti dregið verulega úr markaðsbresti vegna lausafjárskorts.

Mynd IV-1


Þróun þjóðarútgjalda og framleiðsluspennu 1991-2010¹



1. Grunnspá Seðlabankans 2008-2010.
Heimildir: Hagstofa Íslands, Seðlabanki Íslands.

Mynd IV-2

Þróun einkaneyslu og ráðstöfunartekna 1991-2010¹




1. Grunnspá Seðlabankans 2008-2010. Ráðstöfunartekjur eru mat Seðlabankans.
Heimildir: Hagstofa Íslands, Seðlabanki Íslands.

Mynd IV-3

Einkaneysla og væntingavísitala Gallup¹

1. ársfj. 2001 - 1. ársfj. 2008



1. Miðað er við þrigga mánaða meðaltal væntingavísitala Gallup.
Heimildir: Capacent Gallup, Hagstofa Íslands.

IV Innlend eftirspurn og framleiðsla

Miklar breytingar hafa orðið á horfum í íslenskum efnahagsmálum frá þeim sem kynntar voru í *Peningamálum* í nóvember síðastliðnum. Áhrif lánsfjárkreppu á alþjóðamörkuðum hafa vaxið, m.a. með verulegri gengislækkun krónunnar. Aðlögun efnahagslífsins að jafnvægi verður ekki lengur umfluin og nokkuð snarpur samdráttur virðist framundan. Aðlögunin er seinna á ferðinni og í ríkari mæli knúin af gengislækkun krónunnar fremur en stigvaxandi aðhaldi peningastefnunnar sem Seðlabankinn hefur stefnt að. Ef jafnvægi í þjóðarbúskapnum hefði náðst tímanlega með þeim hætti væri efnahagslífið ekki eins ber-skjaldað fyrir áhrifum hinnar alþjóðlegu lánsfjárkreppu. Þannig hefði mátt koma í veg fyrir að gengislækkun krónunnar ylli verðbólguhol-skeflu og enn harkalegri samdrætti. Því er ekki að heilsa og því fylgir aðlöguninni mun meiri verðbólga og hærri verðbólguvæntingar en samrýmast verðbólgu-markmiðinu. Mikilvægasta verkefni peningastefnunnar er að koma í veg fyrir að of háar verðbólguvæntingar festist í sessi. Í grunnspánni er brugðið upp mynd af því hvernig peningastefnan getur stuðlað að því að verðbólgu-markmiðið náist á spá-tímabilinu, verðbólguvæntingar nái festu og aðlögun þjóðarbúskaparins sem því fylgir.

Veruleg umskipti í þróun einkaneyslu í ár

Vöxtur einkaneyslu færðist í aukana allt til loka sl. árs og nam 7,6% á síðasta fjórðungi ársins. Líkt og undangengin ár skýrist hann einkum af miklum vexti ráðstöfunartekna (sjá mynd IV-2). Prátt fyrir hækkuν verðtryggðra og óverðtryggðra útlánsvaxta hefur vöxtur einkaneyslu verið mikill. Ráðstöfunartekjur jukust ört og framboð gengisbundinna lána var nægt fram eftir sl. ári. Heimilin tóku lán í erlendum gjaldmiðum í auknum mæli. Veður hafa hins vegar skipast skjótt í lofti. Minnkandi framboð lánsfjár í innlendum sem erlendum gjaldmiðli, hækkuν útlánsvaxta og vaxtaálags, veruleg gengislækkun krónunnar og ört vaxandi verðbólga munu stuðla að snörpum umskiptum í þróun einkaneyslu í ár. Áhrifa þessara þáttu gætir nú þegar greinilega á íbúðamarkaði. Umtalsverðar launahækkanir í kjölfar kjarasamninga og aðgerðir ríkisstjórnarinnar í tengslum við þá munu þó halda ráðstöfunartekjum uppi framan af, en koma ekki í veg fyrir samdrátt þeirra þegar fram líða stundir (sjá rammagrein V-1 um áhrif aðgerða ríkisstjórnarinnar).

Eftir þó nokkurn vöxt á fyrri helmingi ársins tekur einkaneysla að dragast ört saman

Í nóvember var greint frá því í *Peningamálum* að almenningur virtist vænta þess að ráðstöfunartekjur héldu áfram að aukast, íbúðaverð héldist hátt og framboð lánsfjár á viðráðanlegum kjörum yrði áfram

1. Eins og í síðstu heftum *Peningamála* byggist grunnspáin á stýrivaxtaferli sem að mati sérfræðinga Seðlabankans dugir til þess að verðbólga hjaðni að verðbólgu-markmiði bankans innan ásættanlegs tíma og haldist stöðug í nán við 2,5% eftir það. Nánara yfirlit yfir þjóðhagsspá er að finna í viðauka 1, bls. 63. Helstu breytingar á þjóðhagsspá frá *Peningamálum* 2007/3 eru raktar í rammagrein IV-1. Greint er frá helstu breytingum á verðbóluspá í rammagrein IX-1.

nægt. Niðurstaðan í *Peningamálum* var að þessar væntingar væru of bjartsýnar í ljósi aðstæðna. Spáð var að vöxtur einkaneyslu næði hámarki á síðari helmingi síðasta árs en drægist ört saman í kjölfarið. Þetta virðist ætla að ganga eftir. Veltutölur benda þó til þess að vöxtur á fyrsta fjórðungi í ár hafi verið tölverður en minnkandi (sjá mynd IV-4). Verulega hefur dregið úr væntingum almennings undanfarna mánuði. Væntingavísitala Gallup mælist nú 87 stig. Hún hefur ekki mælst undir 100 stigum síðan í júlí 2006 og hefur ekki verið viðlíka lág síðan í ársþyrjun 2002 (sjá mynd IV-3).

Vöxtur ráðstöfunartekna og mikið framboð lánsfjár hafa ýtt undir vöxt einkaneyslu og uppsveiflu á íbúðamarkaði ...

Vöxtur einkaneyslu og þróun húsnæðisverðs að raunvirði hafa fylgst náið að undanfarin ár (sjá mynd IV-5). Ört vaxandi ráðstöfunartekjur, næg atvinnu og væntingar um áframhaldandi vöxt tekna hafa örvað einkaneyslu og kynt undir uppsveiflu á íbúðamarkaði. Hækkun íbúðaverðs hefur aukið veðrými eigna sem heimilin geta lagt fram við lántöku. Í því felst stóraukið aögengi heimila að lánsfé sem mætti aukinni eftirspurn í kjölfar lækkunar íbúðalánavaxta.² Heimilin gátu því aukið neyslu umfram vöxt ráðstöfunartekna í samræmi við væntingar þeirra um áframhaldandi góðæri og atvinnuöryggi.

... en heimilin munu þurfa að rifa seglin þegar íbúðaverð lækkar, ráðstöfunartekjur minnka og framboð lánsfjár skreppur saman ...

Mikil verðbólga og gengislækkun krónunnar hafa þegar þyngt greiðslubyrði heimilanna vegna verð- og gengistryggðra skulda. Minni vöxtur eða samdráttur kaupmáttar ráðstöfunartekna, versnandi fjármálaleg skilyrði og lækkun íbúðaverðs munu ásamt þyngri greiðslubyrði leiða til þess að einkaneysla dregst ört saman. Nýlegar svíptingar hafa áhrif á væntar atvinnutekjur og atvinnuhorfur, eins og hefur komið fram í væntingavísitolu Gallup.


... og samdráttur einkaneyslu verður meiri og langvinnari en Seðlabankinn hefur áður gert ráð fyrir

Samkvæmt grunnspánni verður einkaneysla árið 2010 13% minni en hún var í fyrra. Það er meiri samdráttur en Seðlabankinn hefur spáð áður. Samdráttinn verður að skoða í samhengi við mikinn vöxt undangengin ár. Gert er ráð fyrir að einkaneyslan árið 2010 verði svipuð og meðaltal áranna 2004 og 2005. Í spánni dragast ráðstöfunartekjur saman um tæplega 2½%, þrátt fyrir að skattabreytingar vegi á móti. Þar með hefur þó aðeins hluti griðarlegs vaxtar ráðstöfunartekna undanfarin þrjú ár gengið til baka. Vöxtur síðastliðinna ára hefur verið meiri en samrýmist vexti undirliggjandi framleiðni og framleiðslugetu. Skilyrði til að standa undir ósjálfbærum vexti ráðstöfunartekna með tilheyrandi viðskiptahalla og skuldasöfnun erlendis hafa versnað til

Mynd IV-4

Þróun einkaneyslu, dagvöruveltu og greiðslukortaveltu

1. ársfj. 2003 - 1. ársfj. 2008¹




1. Tölur fyrir 1. ársfj. 2008 eru fyrir febrúar.
Heimildir: Hagstofa Íslands, Samtök verslunar og þjónustu, Seðlabanki Íslands.

31

PENINGAMÁL 2008 • 1

Mynd IV-5


Þróun einkaneyslu og raunvirðis húsnæðis 1991-2010¹



1. Grunnspá Seðlabankans 2008-2010.
Heimildir: Hagstofa Íslands, Seðlabanki Íslands.

Mynd IV-6

Þróun ráðstöfunartekna og raunvirðis húsnæðis 1991-2010¹




1. Grunnspá Seðlabankans 2008-2010.
Heimildir: Hagstofa Íslands, Seðlabanki Íslands.

2. Sýnt hefur verið fram á sterkt tengsl íbúðaverðsþróunar, neyslu og væntinga um framtíðartekjur í fjölmögum löndum. Í slíkum rannsóknunum er jáfnan lögð rík áhersla á áhrif íbúðaverðsþróunar á einkaneyslu sem stafa af hlutverki húsnæðis sem veðs og mikilvægi þess fyrir aögengi að lánsfé. Sjá t.d. A. Benito, J. Thompson, M. Waldron og R. Wood, (2006): „House prices and consumer spending”, Bank of England *Quarterly Bulletin*, og 3. kafla í nýrri skýrslu Alþjóðagjalddeyrissjóðsins *World Economic Outlook*, apríl 2008. Húsnæðisauður er einnig einn af lykildrifkróftum einkaneyslu í þjóðhagslíkani Seðlabankans.

Mynd IV-7


Þróun fjármunamyndunar og helstu undirflokkar hennar 1991-2010¹



1. Grunnspá Seðlabankans 2008-2010.
Heimildir: Hagstofa Íslands, Seðlabanki Íslands.

Mynd IV-8

Fjármunamyndun sem hlutfall af vergri landsframleiðslu 1980-2010¹



1. Grunnspá Seðlabankans 2008-2010.
Heimildir: Hagstofa Íslands, Seðlabanki Íslands.

muna. Samdráttur ráðstöfunartekna er því óhjákvæmilegur. Þrátt fyrir samdrátt á spátímabilinu yrðu ráðstöfunartekjur árið 2010 svipaðar og árið 2006.

Stóriðjuframkvæmdir í Helguvík teknar inn í grunnsíðu

Seðlabankinn gerir nú ráð fyrir uppbyggingu fyrsta áfanga ávers í Helguvík í grunnsíðu.³ Áætlað er að heildarkostnaður við áver, orkuöflun og lagningu raflína verði 130 ma.kr. eða u.p.b. 10% af vergri landsframleiðslu síðasta árs. Nokkur óvissa ríkir um heildarkostnað framkvæmdanna og ýmsa þætti hennar, en í spánni er gert ráð fyrir að meginhluti þeirra verði á árunum 2009 og 2010. Ekki er þó gert ráð fyrir að álútflutningur aukist vegna tilkomu áversins í Helguvík fyrr en eftir að spátímabilinu lýkur.

Atvinnuvegafjárfesting í fyrra einkenndist af samdrætti stóriðju-fjárfestingar. Gert er ráð fyrir að stóriðju-fjárfesting minnki einnig í ár, en aukist á ný þegar framkvæmdir við Helguvíkurálverið komast á skrið. Framlag fjárfestingar til samdráttar innlendar eftirspurnar á spátímabilinu er því minna en í fyrra spám, en framlag einkaneyslu meira. Undir lok spátímabilsins yrði hlutfall fjárfestingar af vergri landsframleiðslu, gangi spáin eftir, enn töluvert yfir sögulegu meðaltali síðustu áratuga (sjá mynd IV-8).

Miklar framkvæmdir við byggingu atvinnuhúsnæðis ...

Í grunnsíðu er spáð samdrætti atvinnuvegafjárfestingar í ár en nokkrum vexti á næstu tveimur árum. Þetta er mun meiri atvinnuvegafjárfesting en í síðustu spá. Auk þess sem framkvæmdir við álf- og orkuver verða meiri er gert ráð fyrir að mikil fjárfesting í atvinnuhúsnæði, einkum stórverslunum og skrifstofuhúsnæði, verði enn mikil í ár, enda fjöldi stórframkvæmda í gangi. Aðstæður á fjármálamörkuðum skapa þó akveðna óvissu um hvort öllu því sem hafið er verði lokið á tilsettum tíma.

... en önnur atvinnuvegafjárfesting dredgst saman vegna versnandi lánsfjárskilyrða

Óformleg upplýsingaöflun gefur til kynna að verulega hafi dregið úr útlánum fjármálfyrirtækja til nýrra verkefna, en að áfram sé lánað til verkefna sem byrjað hefur verið á. Þessi þróun virðist hafa færst í aukana frá sl. hausti. Jafnframt eru gerðar mun strangari kröfur en áður um tryggingar, endurskoðunartími lánskjara hefur styrt og vaxtaálag hækkað. Því er líklegt að hægi á einhverjum framkvæmdum eða þær stöðvist í versta falli.

Forsvarsmenn 400 stærstu fyrirtækja landsins virðast vænta þess að lægðin verði skammvinn miðað við svör þeirra í viðhorfskönnun Capacent Gallup sem framkvæmd var á tímabilinu 13. febrúar til 12. mars sl. Stjórnendur tæplega helnings fyrirtækja í könnuninni töldu aðstæður vera slæmar, samanborið við tæplega fimmting í síðustu

3. Í júlíhefti Peningamála í fyrra var birt fráviksspá þar sem greint var frá mögulegum áhrifum framkvæmda við uppbyggingu ávers í Helguvík á verðbólgu- og stýrivaxtaþróun. Sú fráviksspá hefur því gengið eftir líkt og fráviksspár sem birtar voru í nóvember um óhagstæðari gengis- og launapróun (sjá rammagrein IX-2 í Peningamálum 2007/3). Stýrivöxtum hefur verið breytt í samræmi við þessar fráviksspár.

könnun. Horfur voru hins vegar taldar betri en áður, en svörin kunna að endurspeglar lakari upphafsstöðu, auk þess sem hún er gerð áður en mesta gengisfallið varð.⁴ Vaxandi svartsýni gætir meðal fyrirtækja í byggingarstarfsemi á meðan fyrirtæki í iðnaði og framleiðslu eru bjartsýnni um horfurnar en áður.

Vöxtur íbúðafjárfestingar var mikill í fyrra en spáð er samdrætti sem færst í aukana þegar líður á spátímabilið ...

Vöxtur íbúðafjárfestingar jókst eftir því sem leið á árið í fyrra og var um 16% á síðasta fjórðungi ársins. Verulegar framkvæmdir eru enn í gangi viðs vegar á höfuðborgarsvæðinu. Í spánni er gert ráð fyrir að lokið verði við framkvæmdir sem hafnar eru, en að lítið verði um nýjar framkvæmdir. Spáð er minni vexti íbúðafjárfestingar í ár og verulegum samdrætti á árunum 2009 og 2010 (sjá mynd IV-9). Alls dregst fjárfesting í íbúðarhúsnaði saman um tæplega 14% á spátímabilinu. Samdráttinn verður að skoða í samhengi við vöxt undangenginna ára. Þrátt fyrir samdráttinn yrði hlutfall íbúðafjárfestingar af landsframleiðslu enn hátt í lok spátímans í sögulegu samhengi.

Vöxtur íbúðafjárfestingar undanfarin ár stafar af hækjun íbúðaverðs langt umfram byggingarkostnað. Sveigjanleiki vinnumarkaðarins hefur ýtt undir vöxtinn með því að beina vinnafla, innlendu sem innfluttu, í atvinnugreinar tengdar íbúðamarkaðnum. Á næstu árum er líklegt að straumhvörf verði á vinnumarkaði. Áhrif minnkandi íbúðafjárfestingar á efnahagslífið munu m.a. velta á því hversu hröð aðlögunin á vinnumarkaði verður.

... og að íbúðaverð lækkar


Kólnun á húsnæðismarkaði hefur þegar komið fram í því að verðhækjun íbúðarhúsnaðis hefur u.þ.b. stöðvast, þrátt fyrir umtalsverða hækjun byggingarkostnaðar, og velta hefur minnkað hratt. Horfur eru á að lækkun ráðstöfunartekna, þrengingar á lánamörkuðum og aukið framboð íbúðarhúsnaðis leiði til umtalsverðar verðlækkunar. Gert er ráð fyrir að húsnæðisverð lækki um u.þ.b. 30% að raunvirði á spátímabilinu. Gangi það eftir mun hækjun íbúðaverðs umfram almennt verðlag undanfarin fimm ár ganga að mestu leyti til baka. Verðið yrði eftir sem áður ekki lágt í sögulegu samhengi. Gríðarleg óvissa er um þessu þróun, m.a. vegna þess að hún kann að hafa umtalsverð áhrif á útlánagetu fjármálakerfisins. Ekki er því hægt að útiloka enn meiri samdrátt á fasteignamarkaði (sjá fráviksspá í rammagrein IX-2).

Opinber fjárfesting verður mikil allt spátímabilið

Spáð er 30% vexti opinberrar fjárfestingar í ár og mikilli fjárfestingu hins opinbera allt spátímabilið. Mótvægisáðgerðir vegna niðurskurðar þorskkvóta og samdráttar í annarri fjármunamyndun eiga að ná hámarki á þessu og næsta ári. Þungi mótvægisáðgerðanna verður mestur þegar atvinnuvegafjárfesting fer að sækja í sig veðrið á ný vegna stóriðjuframkvæmda.

Mynd IV-9

Þróun íbúðafjárfestingar og raunvirðis húsnæðis 1991-2010¹



1. Grunnspá Seðlabankans 2008-2010.


Heimildir: Hagstofa Íslands, Seðlabanki Íslands.

33

PENINGAMÁL 2008 • 1

Mynd IV-10

Þróun innflutnings 1991-2010¹




1. Grunnspá Seðlabankans 2008-2010.

Heimildir: Hagstofa Íslands, Seðlabanki Íslands.

Mynd IV-11

Hagvöxtur 1991-2010¹




1. Grunnspá Seðlabankans 2008-2010.

Heimildir: Hagstofa Íslands, Seðlabanki Íslands.

4. Þótt horfur séu á svipaðri eða betri stöðu efnahagslífsins eftir sex eða tólf mánuði felur það ekki endilega í sér bjartsýni ef upphafstaðan er talin slæm.


34

Mynd IV-12
Framleiðsluspenna 1991-2010¹



1. Grunnsþá Seðlabankans 2008-2010.
Heimild: Seðlabanki Íslands.

Mynd IV-13
Framleiðsluspenna og atvinnuleysi
1991-2010¹



1. Grunnsþá Seðlabankans 2008-2010.
Heimildir: Hagstofa Íslands, Vinnumálastofnun, Seðlabanki Íslands.

Utanríkisviðskipti halda uppi hagvexti í ár ...

Mikill hagvöxtur á árunum 2003 til 2006 var knúinn af örum vexti innlendar eftirspurnar (sjá myndir IV-1 og IV-11). Í fyrra urðu nokkur straumhvörf þegar fjárfesting dróst saman. Þá var hagvöxtur drifinn áfram af vexti einkaneyslu og jákvæðu framlagi utanríkisviðskipta. Í ár er gert ráð fyrir hverfandi framlagi einkaneyslu til hagvaxtar og áfram-haldandi samdrætti fjármunamyndunar. Aukinn útflutningur leiðir hins vegar til þess að hagvöxtur verður liðlega 2%. Álútflutningur eykst hröðum skrefum og gengislækkuun krónunnar örvar annan útflutning og knýr fram samdrátt innflutnings (sjá mynd IV-10). Framlag utanríkisviðskipta til hagvaxtar verður því mjög jákvætt.

... en hagvaxtarhorfur hafa versnað og svigrúm peningastefnunnar til að styðja við efnahagsbata er hverfandi

Eins og fjallað er um í rammagrein IV-1, eru taldar horfur á minni samdrætti þjóðarútgjalda á spátímabilinu en spáð var í nóvember. Samdrátturinn dregst hins vegar á langinn. Hagvaxtarhorfur hafa því versnað, sérstaklega fyrir árið 2010. Í nóvember var því spáð að nýtt hagvaxtarskeið hafist þá. Nú er spáð 2½% samdrætti vergrar landsframleiðslu á næsta ári og 1½% samdrætti árið 2010 (sjá mynd IV-11). Ástæða þess að samdrátturinn verður langdregnari en í nóvemberspánni er að óhagstæð þróun gengis, verðbólgu og verðbólgu-væntinga takmarkar mjög svigrúm peningastefnunnar til að styðja við hagvöxt. Halda verður stýrivöxtum háum lengur en áður var talið og þeir geta ekki lækkað niður fyrir hlutlausa stöðu fyrr en líða tekur á árið 2010.

Þrálát framleiðsluspenna hjaðnar hægar en áætlað var og slaki myndast ári seinna en spáð var í nóvember

Framleiðslugeta hagkerfisins hefur vaxið ört á undanförnum árum. Framleiðni hefur vaxið mikið og framleiðsluþættir verið nýttir til fulls. Eftirspurn hefur hins vegar aukist enn meira. Því hefur framleiðslu-spenna myndast, þ.e.a.s. landsframleiðsla aukist umfram áætlaða framleiðslugetu. Þróun atvinnuleysis gefur samsvarandi vísbendingu um spennu á vinnumarkaði (sjá mynd IV-13). Framleiðslugeta hagkerfisins er nú talin hafa aukist meira á árunum 2005-2007 en áður var áætlað. Framleiðni er talin hafa vaxið hraðar og nýjar tölu gefa vísbendingu um meiri vöxt framleiðsluþáttu. Á hinn bóginn sýna endurskoðaðir þjóðhagsrekningar meiri hagvöxt á árunum 2005 og 2006 en fyrri áætlanir og vöxturinn í fyrra var mun meiri en Seðlabankinn spáði (sjá rammagrein IV-1).

Framleiðsluspenna er metin liðlega prósentu meiri í fyrra, því að meiri hagvöxtur vegur þyngra en meiri vöxtur framleiðslugetu. Mat á framleiðsluspennu fyrir árin 2005 og 2006 er hins vegar nokkuð lægra en áður. Áætlað er að framleiðsluspennan hjaðni og slaki myndist um miðbik næsta árs, ári seinna en í síðustu spá (sjá einnig umfjöllun í rammagrein IX-1). Slakinn eykst út spátímabilið. Framleiðsluslakann, sem er nauðsynlegur til að ná niður verðbólgunni, má skoða sem kostnað aðlögunar efnahagslífsins að jafnvægi í kjölfar mikils ójafnvægis.

Jafnvel við hagstæðustu skilyrði víkur framvinda efnahagsmála oft frá því sem gert er ráð fyrir í spám og greining á efnahagshorfum breytist jafnan nokkuð þegar nýjar upplýsingar berast. Í þessari rammagrein er greint frá helstu breytingum á þjóðhagsspá frá þeiri sem birt var í *Peningamálum* 2007/3 en í rammagrein IX-1 er fjallað um breytingar á spá um verðbólgu og drifkrafa hennar. Próun efnahagsmála í heiminum hefur verið rysjótt undanfarna mánuði og umhleypingar í framvindunni innanlands. Óvissan varðandi spágerðina hefur því verið meiri en oft áður.

Stýrivextir hækka meira en í síðustu spá, haldast háir lengur og lækka hægar

Í síðustu spá Seðlabankans sem birt var í nóvember í fyrra var gert ráð fyrir að stýrivextir fylgdu ferli sem að mati sérfraðinga bankans dygði til að verðbólga yrði sem næst 2,5% innan ásættanlegs tíma og héldist stöðug í nánd við verðbólgu markmiðið eftir það. Stýrivextir hafa þegar vikið frá þeim ferli enda verðbólguþróunin verið mun óhagstæðari en gert var ráð fyrir í nóvemberspánni. Stýrivextir voru hækkaðir um 1,25 prósentur í mars í 15%. Í endurskoðaðri spá er gert ráð fyrir að stýrivextir hækki og haldist svo óbreyttir fram á síðasta fjórðung í ár og að þeir lækki hægar en í síðustu spá. Prátt fyrir hækkun vaxta eru raunstýrivextir engu að síður lægri fram á fyrrí hluta næsta árs en í síðustu spá. Verðbólga hjaðnar hægt og verður í nánd við verðbólgu markmið Seðlabankans síðla árs 2010 eða u.þ.b. ári seinna en í nóvemberspánni. Stýrivextir eru rúmlega 6% við lok spátímabilsins.

Vöxtur eftirspurnar í fyrra var vanmetinn ...

Eftirspurn reyndist sterkari á síðasta ári en gert var ráð fyrir í síðustu spá. Vöxtur einkaneyslu var um ½ prósentu meiri og samdráttur fjárfestingar tæpum 5 prósentum minni, einkum vegna meiri stóriðju- og íbúðafjárfestingar. Vöxtur útflutnings var einnig tölувert meiri sem að mestu má rekja til óreglulegra flugvélaviðskipta. Hagvöxtur var því tæpum 3 prósentum meiri í fyrra en spáð var eða 3,8%. Hagvöxtur á árunum 2005 og 2006 hefur einnig verið endurskoðaður upp á við af Hagstofu Íslands.

... en þróttur eftirspurnar minnkar ört vegna lækkunar ráðstöfunartekna og erfiðari fjármálagra skilyrða

Í endurskoðaðri spá einkennist efnahagslífið af meiri krafti framan af spátímabilini en í nóvemberspánni en þrengri fjármálagleg skilyrði, lækkun ráðstöfunartekna og eignaverðs auk verulegrar gengislækkunar krónunnar stuðla að örum samdrætti eftirspurnar. Vöxtur einkaneyslu verður nokkur fram á mitt þetta ár en eftir það dregst hún ört saman. Samdráttur hennar verður 13% á spátímabilini en spáð var 9½% samdrætti í síðustu spá. Samdráttinn verður þó að skoða í samhengi við mikinn vöxt undanfarin ár.


Atvinnuvegafjárfesting dregst mun minna saman á spátímabilini en í síðustu spá, einkum vegna þess að gert er ráð fyrir framkvæmdum í tengslum við uppbyggingu stóriðju í Helguvík í grunnspánni að þessu sinni. Atvinnuvegafjárfesting utan stóriðju er einnig meiri framan af vegna meiri fjárfestingar í atvinnuhúsnaði. Vöxtur íbúðafjárfestingar hefur ítrekað reynst meiri en vænst var. Í spánni helst vöxtur hennar jákvæður út þetta ár en síðan tekur við ör samdráttur og alls dregst íbúðafjárfesting saman um tæp 14% á spátímabilini en það er meira en í síðustu spá. Hlutfall íbúðafjárfestingar af vergri landsframleiðslu er þó enn nokkuð hátt við lok spátímabilsins.

Rammagrein IV-1

Breytingar á þjóðhagsspá frá *Peningamálum* 2007/3

Mynd 1


Próun einkaneyslu 2005-2010



Heimildir: Hagstofa Íslands, Seðlabanki Íslands.

Mynd 2


Próun atvinnuvegafjárfestingar 2005-2010



Heimildir: Hagstofa Íslands, Seðlabanki Íslands.


Mynd 3

Próun þjóðarútgjalda 2005-2010



Heimildir: Hagstofa Íslands, Seðlabanki Íslands.

Mynd 4
Hagvöxtur 2005-2010



Heimildir: Hagstofa Íslands, Seðlabanki Íslands.

36

Aðlögun efnahagslífsins að sjálfbærara jafnvægi dregst á langinn og er kostnaðarsamari fyrir vikið

Þjóðarútgjöld dragast saman um $6\frac{1}{2}\%$ á spátímabilinu en það er um $\frac{1}{2}$ prósentu minni samdráttur en í síðustu spá. Samdráttur innlendarar eftirspurnar er enn sem fyrr í lykilhlutverki aðlögunar þjóðarbúskaparins að sjálfbærara jafnvægi. Óvarlegt er að túlka minni samdrátt í spánni sem vitnisburð um að aðlögun efnahagslífsins feli í sér minni kostnað en í síðustu spá. Aðlögunin í endurskoðaðri spá er hægari og dregst á langinn. Hún hvílir í auknum mæli á samdrætti einkaneyslu sem er drifinn áfram af versnandi fjármálagum skilyrðum, lækkun ráðstöfunartekna og samdrætti á íbúðamarkaði. Aðgerðir ríkisstjórnarinnar í tengslum við kjarasamninga styðja við einkaneyslu og seinka aðlöguninni (sjá umfjöllun í rammagrein V-1). Kostnaður síðbúnari aðlögunar en í síðustu spá felst í meiri verðbólgu, langvinnari samdrætti þjóðarútgjalda og minna svigrúmi peningastefnunnar til að styðja við efnahagsbata þegar líða tekur á spátímabilið. Mikil verðbólga, háar verðbólguvæntingar og hversu seint hvort tveggja nálgast verðbólgu markmiðið hamla því að peningastefnan geti stutt við hagvöxt undir lok spátímabilsins í sama mæli og í nóvemberspánni. Samdráttarskeiði innlendarar eftirspurnar lýkur því ekki fyrr en nokkru eftir lok spátímabilsins en í síðustu spá var gert ráð fyrir að nýtt vaxtarskeið hæfist árið 2010.

V Fjármál hins opinbera

Afgangur á rekstri hins opinbera var heldur minni á síðasta ári en á árinu 2006. Horfur eru á verulegum samdrætti skatttekna ríkissjóðs af neyslu og fjármagni með dvíndandi hagvexti næstu árin og versnandi fjárhag sveitarfélaga í takt við minni fjárfestingu og lækkun fasteignaverðs. Þrýstingur á útgjöld hins opinbera verður áfram mikill og kann að aukast í takt við aukinn samdrátt í þjóðarbúskapnum. Með lækkandi tekjum og vaxandi útgjöldum versnar rekstrarrafkoma hins opinbera um sem nemur 13% af landsframleiðslu á spátímabilinu og áætlað er að halli á rekstri hins opinbera verði um 8% af landsframleiðslu árið 2010.

Útgjöld ríkissjóðs jukust meira en tekjur en útgjöld sveitarfélaga stóðu í stað í fyrra

Bæði ríkissjóður og sveitarfélög skiliðu afgangi á síðasta ári, en hann var heldur minni en árið á undan. Afgangur á rekstri ríkissjóðs nam 41½% af landsframleiðslu samkvæmt áætlun Hagstofu Íslands. Tekjur jukust um 3½% umfram verðlag, mest vegna skatta af fyrirtækjum og fjármagni. Tekjur af óbeinum sköttum stöðnuðu eftir lækkun virðisaukaskatts í mars, en vaxtatekjur og vaxtagjöld hækkuðu vegna lánveitinga ríkissjóðs til Seðlabankans. Útgjöld jukust um 8½% umfram verðlag, fjármunamynundun langmest eða sem nemur 60%.

Sveitarfélöginn skiliðu einnig afgangi á síðasta ári sem nam 0,6% af landsframleiðslu. Sökum minni fjárfestingar stóðu heildarútgjöld sveitarfélaga nánast í stað þrátt fyrir að samneysluútgjöld þeirra ykjust um 4%.

Fjárlög 2008: Minni afgangur og meiri fjárfesting

Samkvæmt fjárlögum fyrir árið 2008 mun afgangur á rekstri ríkissjóðs og almannatrygginga verða rúmlega helmingur af afgangi síðasta árs eða um 40 ma.kr. Gert er ráð fyrir að reglulegar tekjur lækki um 3% að raunvirði vegna minni tekna af fjármagni og neyslu en að regluleg gjöld vaxi um 8%, þar af fjárfestingarútgjöld um 75% eftir mikla hækku árið á undan.

Dýrir og afturhlaðnir kjarasamningar


Loforð ríkisstjórnarinnar í tengslum við gerð kjarasamninga í febrúar veikja afkomu ríkissjóðs um rúmlega 1% af landsframleiðslu þótt eftirspurnaráhrif útgjaldanna kunni að vega nokkuð á móti (sjá nánari umfjöllun í rammagrein V-1). Samkvæmt útreikningum Seðlabankans er áætlað að áhrif aðgerðanna á afkomu hins opinbera nemi um 47 ma.kr. á árunum 2008-2010. Er þá reiknað með áhrifum aukinnar eftirspurnar á móti skattalækkunum. Áætlað er að kostnaður verði enn meiri á árunum 2011-2012 þegar áhrif hækkunar persónuafsláttar verða að fullu komin fram. Kostnaður ríkissjóðs í tengslum við kjarasamningana er því mikill, sérstaklega á seinni hluta samningstímabilsins.

Þráláttur halli vegna dvíndandi hagvaxtar og kjarasamninga ...

Samkvæmt spánni sem hér er birt mun afkoma ríkisins versna töluvert á spátímanum umfram þann kostnaðarauka sem hlýst af framlagi rík-

Mynd V-1

Fjármál hins opinbera 1996-2010¹



1. Grunnspá Seðlabankans 2008-2010.

Heimildir: Hagstofa Íslands, Seðlabanki Íslands.


37

PENINGAMÁL 2008 • 1

Mynd V-2

Fjármál ríkissjóðs 1996-2010¹

Með almannatryggingum




1. Grunnspá Seðlabankans 2008-2010.

Heimildir: Hagstofa Íslands, Seðlabanki Íslands.

Mynd V-3

Fjárfesting hins opinbera 1996-2010¹

% af VLF



1. Grunnspá Seðlabankans 2008-2010.

Heimildir: Hagstofa Íslands, Seðlabanki Íslands.

Rammagrein V-1

Kostnaður ríkissjóðs vegna aðkomu ríkisstjórnarinnar að kjarasamningum

38

PENINGAMÁL 2008 • 1

Í tengslum við undirskrift kjarasamninga á almennum vinnumarkaði hinn 17. febrúar sl. gaf ríkisstjórnin út yfirlýsingu sem innihélt bæði tímasett og ótímasett loforð. Meginframlag ríkisins er hækkuð skattleysismarka um 20% umfram verðlag á árunum 2009-2011 og lækkun tekjuskatts fyrirtækja úr 18% í 15% sem mun taka gildi árið 2009. Einnig á að draga úr tekjuskerðingu barnabóta og eignaskerðingu vaxtabóta og hækka atvinnuleysisbætur til samræmis við hækkuð lægstu launa. Önnur loforð snúa að hækkuð húsaleigubóta, rýmri skilyrðum fyrir þeim svo að þær nái til fleiri heimila, fjölgun lánsvilyrða til félagslegra leiguíbúða með niðurgreiddum vöxtum, rýmri veðheimildum á lánum til leiguíbúða, framlagi til endurhæfingarsjóðs og auknum framlögum til símenntunar og fullorðinsfræðslu.

Samkvæmt áætlun Seðlabankans nemur kostnaður ríkissjóðs vegna þessara loforða samtals um 47 ma.kr. á spátímanum, þ.e. á árunum 2008 til 2010, eftir að tekið hefur verið tillit til eftirspurnar áhrifa aðgerðanna.¹ Það er nokkuð meira en talið var þegar aðgerðirnar voru kynntar 17. febrúar. Kostnaður vex enn frekar á árunum 2011-2012 þegar hækkuð persónuafsláttar verður að fullu komin fram en það er áætlað að kostnaðurinn nemi um 41 ma.kr.

Aðgerðirnar hafa áhrif á bæði tekjur og útgjöld ríkissjóðs, og við þau bætast áhrif vegna aukinnar eftirspurnar. Nettóáhrifin eru talin neikvæð fyrir afkomu ríkissjóðs sem nemur um 1% af landsframleiðslu. Lækkun tekjuskatts fyrirtækja og hækkuð skattleysismarka kosta ríkissjóð samtals tæpar 36 ma.kr. nettó á spátímanum en áhrifin verða töluvert meiri á árunum 2011-2012. Framlög vegna símenntunar, bóttagreiðslna og leiguíbúða nema samtals um 21 ma.kr. á spátímanum og 39 ma.kr. alls á tímabilinu 2008-2012.

Á móti koma auknar skatttekjur vegna aukinna umsvifa, aukinna ráðstöfunartekna heimila og lægri skatta á fyrirtæki. Tekjur af neyslusköttum aukast þannig samtals um 10 ma.kr. á spátímanum. Áætlað er að aðgerðirnar auki vöxt einkaneyslu um sem nemur $\frac{3}{4}$ úr prósentu á næsta ári og um tæplega $1\frac{1}{2}$ prósentu árið 2010. Áhrifin á vöxt þjóðarútgjalda eru svipuð. Hagvaxtaráhrifin eru heldur minni, um $\frac{1}{4}$ úr prósentu á næsta ári og um $\frac{1}{2}$ prósenta árið 2010, enda beinist hluti eftirspurnaraukans að innfluttri vörum og þjónustu. Áhrif aðgerðanna á þjóðarbúskapinn árin 2011-2012 verða heldur meiri.

1. Í matinu er ekki tekið tillit til niðurfellingar stimpilgjalda vegna lána til kaupa á fyrstu fasteign sem áætlað er að taki gildi 1. júlí nk. samkvæmt frumvarpi sem lagt hefur verið fram á Alþingi. Ekki hefur heldur verið tekið tillit til ýmissa ótímasettra loforða t.a.m. lækkunar vörverðs sem ríkisstjórnin lofaði að beita sér fyrir.

issjóðs vegna kjarasamninganna og hallinn helst út spátímabilið. Mest munar um minni skatttekjur af neyslu og fjármagni þegar dregur úr hagvexti og gengi krónunnar lækkar. Líklega dregur úr fjárfestingu ríkisins þegar líður á spátímabilið, en efnahagssamdráttur gæti aukið þrysting á samneyslu í heilbrigðis-, mennta- og félagsmálum. Áætlað er að útgjöld ríkissjóðs hækki um tæp 9% að raunvirði í ár og tekjur hans lækki um 6%. Útlit er fyrir að tekjur af tekjuskatti fyrirtækja og fjármagnstekjuskatti verði töluvert minni í ár en á síðasta ári og minni en fjárlög ársins gera ráð fyrir. Tekjur munu lækka snöggtum meira 2009 þegar skattalækkanir bætast við áhrif samdráttar.

... og halli sveitarfélaga vex

Sveitarfélög stýra tæpum þriðjungi af útgjöldum hins opinbera og helmingi af fjármunamyndun þess. Tekjur sveitarfélaga eru ekki eins næmar fyrir hagsveiflunni og tekjur ríkissjóðs vegna mikils vægis

útsvars, jöfnunarframlaga og þjónustugjalda í tekjum. Sveitarfélögin hafa þó haft töluverðar tekjur af fasteignasköttum og byggingagjöldum undanfarin ár en gera má ráð fyrir að verulega dragi úr þeim tekjum á næstu árum. Áætlað er að tekjur sveitarfélaga aukist lítillega í ár, en lækki síðan um 2% að raunvirði á ári út spátímabilið. Útgjöld eru talin munu aukast um tæp 11% á sama tíma og snýst því afgangur sveitarfélaga í halla á næsta ári. Hallinn vex síðan hægt út spátímabilið. Gert er ráð fyrir að fjárfesting aukist í ár en að hún dragist saman er líða tekur á spátímabilið.


Horfur í opinberum búskap dekkri

Horfur eru nú á að afkoma hins opinbera verði töluvert lakari en í spá sem birtist í síðasta hefti *Peningamála*. Jöfnuður hins opinbera versnar um 13% af landsframleiðslu á spátímanum í stað 10½% af landsframleiðslu samkvæmt síðustu spá. Afkomubreytinguna má í grófum dráttum skýra þannig að 8½ prósentur stafi af áhrifum samdráttarins á tekjur hins opinbera, rúm prósenta af þeim skattalækkunum sem komnar verða fram árið 2010 og þrýr af auknum útgjöldum, sem að hluta má rekja til aukinna bótagreiðslna.

Miðað við forsendur þjóðhagsspár dragast tekjur hins opinbera saman úr 48½% af landsframleiðslu árið 2007 í 40½% árið 2010 á sama tíma og hlutfall útgjalfa hækkar úr 43% af landsframleiðslu í 48%. Halli á rekstri ríkissjóðs myndi þá nema um fimmungi af tekjum hans, en halli á rekstri sveitarfélaga nálgast 10% af tekjum. Halli hins opinbera yrði eftir því um 8% af landsframleiðslu árið 2010.


Mynd V-4

Fjármál sveitarfélaga 1996-2010¹




1. Grunnspá Seðlabankans 2008-2010.
Heimildir: Hagstofa Íslands, Seðlabanki Íslands.

Mynd VI-1
Breytingar á vinnuaflí
2003-2007



Heimild: Hagstofa Íslands.

Mynd VI-2
Útgáfa kennitalna og erlendir starfsmenn skráðir hjá Vinnumálastofnun



Heimild: Vinnumálastofnun, þjóðskrá.

VI Vinnumarkaður og launaþróun

Atvinnuleysi er enn hverfandi, spurn eftir vinnuaflí mikil og innflutningur vinnuafls svipaður og á sama tíma í fyrra. Vísbendingar eru um að dragi úr vinnuaflseftirspurn á næstu mánuðum þegar umsvif í þjóðarbúskapnum minnka. Nýgerðir kjarasamningar fela í sér beinar launahækkanir, sem að meðaltali gætu virst samrýmast verðbólgu-markmiðinu. Hvort svo verður í raun ræðst af því hvort þriðjungs-hækken lægstu launa skríður upp launastigann, eins og gerðist þegar samið var á sömu nótum sumarið 2006. Í ljósi nýlegrar verðbólgu- og gengisþróunar er einnig veruleg hætta á að reyni á forsenduákvæði kjarasamninganna í byrjun næsta árs.

Aukinn frítími skilaði sér í óverulegi fjölgun heildarvinnustunda

Heildarvinnustundum fjölgaði óverulega á síðasta fjórðungi ársins 2007, eins og á fjórðungnum á undan, samkvæmt niðurstöðum vinnumarkaðskönnunar Hagstofu Íslands. Þetta er nokkur breyting frá miklum vexti undanfarin ár. Fólkvi við vinnu á fjórða ársfjórðungi fjölgaði um 4% milli ára en meðalvinnutími styttilt um 1½ klst. á viku. Lítill fjölgun heildarvinnustunda virðist þó ekki stafa af minni vinnuaflseftirspurn heldur virðist skýringarinnar fremur vera að leita á framboðshliðinni því að flestir sem unnu minna í viðmiðunarvikunni en þeir gera að staðaldri sögðust gera það vegna þess að þeir tóku eitthvert frí í viðmiðunarvikunni.

EKKI HEFUR ENN DREGIÐ ÚR INNFLUTNINGI VINNUAFLS

Töluverður vinnuaflsskortur virðist enn vera til staðar og er honum, eins og undanfarin misseri, að mestu mætt með innflutningi vinnuafls. Nýskráningar starfsmanna hjá Vinnumálastofnun það sem af er ári hafa verið heldur fleiri en á sama tíma í fyrra og endurskráningar fyrstu tvo mánuði ársins svipaðar og á sama tíma í fyrra. Það sama á við um útgáfu kennitalna til erlendra ríkisborgara.¹

Atvinnuleysi enn hverfandi

Atvinnuleysi hefur verið svipað það sem af er ári og á seinni hluta síðasta árs. Skráð atvinnuleysi hefur verið um eða undir 1% frá því um mitt síðasta ár og atvinnuleysi að teknu tilliti til árstíðarsveiflu minna, eða um 0,8%.

Draga mun úr vinnuaflseftirspurn á næstu mánuðum eftir því sem dregur úr umsvifum í þjóðarbúskapnum. Þegar hafa nokkrar tilkynningar um hóppuppsagnir borist Vinnumálastofnun, en flestar taka ekki gildi fyrr en á vor- eða sumarmánuðum. Óvist er að minni eftirspurn eftir vinnuaflí komi fram af fullum þunga í auknu atvinnuleysi. Líklegt er að margir erlendir starfsmenn sem hingað hafa komið undanfarin misseri til tekjuöflunar fari úr landi þegar minna verður um vinnu. Atvinnu- og tekjumöguleikar hafa einnig batnað töluvert í Póllandí undanfarið en þaðan hefur mikill meirihluti erlendu starfsmannanna komið. Gengislækkun íslensku krónunnar undanfarið dregur úr ávinn-

1. Til nýskráninga telst framlenging tímabundinna atvinnuleyfa og skráning starfsmanna frá ESB-8-ríkjunum sem hafa verið áður á íslenskum vinnumarkaði.

ingi vinnu hér á landi fyrir þá starfsmenn sem senda hluta launa sinna til heimalandsins. Hluti erlendu starfsmannanna gæti einnig yfirgefið landið áður en verulega er farið að draga úr eftirspurn. Spenna á vinnumarkaði myndi við þær aðstæður minnka hægar en ella.

Spáð er að atvinnuleysi verði um $\frac{1}{2}$ prósentu minna í ár og á næsta ári en áætlað var í síðustu Peningamálum. Það mun þó aukast þegar líða tekur á árið og verða rúmlega 4% í lok spátímans sem er svipað og í síðustu spá.

Fleiri vilja fækka starfsmönnum

Niðurstöður könnunar sem gerð var meðal 400 stærstu fyrirtækja landsins í febrúar og byrjun mars benda til þess að mat þeirra á vinnaflsbörf hafi breyst töluvert frá því sem fram kom í sambærilegri könnun í desember. Þær eru vísbending um að nokkuð muni draga úr eftirspurn eftir vinnaafli á næstu sex mánuðum. Helmingi fleiri fyrirtæki vildu fækka starfsmönnum í mars en bæði í september og desember eða um fimm tungur fyrirtækja. Hefur hlutfallið ekki verið jafn hátt frá því í september árið 2002. Fyrirtækjum sem hafa börf fyrir fjölgun starfsfólks hefur einnig fækkað töluvert. Hlutfallið náði hámarki í september sl. þegar nær helmingur fyrirtækja taldi þörf fyrir fjölgun starfsmanna á næstu sex mánuðum. Í desember vildi þriðjungur fjölguna en u.p.b. fjórðungur í mars. Tæplega þriðjungur fyrirtækja á höfuðborgarsvæðinu vildi fjölgua starfsmönnum þegar könnunin var gerð.

Mest umskipti í verslun og byggingariðnaði


Mest breyting varð á afstöðu fyrirtækja í verslun og byggingar- og mannvirkjagerð. Í desember vildu tæplega 4% fyrirtækja í verslun fækka starfsmönnum en tæplega þriðjungur í mars. Um helmingi færri fyrirtæki í verslun vildu fjölgua starfsmönnum í mars en í desember eða um fimm tungur. Í byggingar- og mannvirkjagerð vildi um þriðjungur fyrirtækja fækka starfsmönnum í mars en aðeins rúmlega 6% í desember. Einungis 11% fyrirtækja vildu fjölgua starfsmönnum í mars en þriðjungur í desember. Í mars var það aðeins í sérhæfðri þjónustu, samgöngum og veitum og í fjármála- og tryggingastarfsemi sem hlutfall fyrirtækja er taldi þörf á fjölgun starfsfólks var hærra en þeirra sem töldu þörf á fækkun.

Beinn kostnaður kjarasamninga að meðaltali í takt við verðbólgyrknið

Launaþrýstingur frá vinnumarkaði hefur verið meiri en ætlað var í síðustu spá bankans. Laun á almennum vinnumarkaði hækkuðu um 9,2% á síðasta fjórðungi ársins frá sama tíma árið 2006, en um 8,4% á vinnumarkaðnum öllum.


Nýgerðir kjarasamningar milli landssambanda og stærstu félaga innan Alþýðusambands Íslands (ASÍ) og Samtaka atvinnulífsins (SA) fela einnig í sér heldur meiri beina hækkan launakostnaðar en gert var ráð fyrir í þeirri spá sem birt var í nóvember (sjá umfjöllun um kjarasamningana í rammagrein VI-1). Miðað við áætlunar samningsaðila fela samningarnir í sér hækkan launakostnaðar sem að meðaltali gætu samrýmt verðbólgyrkniðinu eða um $3\frac{1}{2}\%$ á ári.

Mynd VI-3
Atvinnuleysi 1991-2010¹




1. Grunnspá Seðlabankans 2008-2010.
Heimildir: Vinnumálastofnun, Seðlabanki Íslands.

Mynd VI-4
Hlutfall fyrirtækja sem vilja fjölgua eða fækka starfsmönnum á næstu 6 mánuðum



Heimild: Capacent Gallup.

Mynd VI-5
Hlutfall fyrirtækja sem vilja fjölgua eða fækka starfsmönnum á næstu 6 mánuðum



Heimild: Capacent Gallup.

Rammagrein VI-1
Kjarasamningar árið 2008

Skrifað var undir nýja kjarasamninga landssambanda og stærstu félaga innan Alþýðusambands Íslands (ASÍ) við Samtök atvinnulífsins (SA) 17. febrúar sl. Samningarnir gilda til 30. nóvember 2010 og eru að megininntaki samhljóða. Þeir ná til um þriðjungs vinnumarkaðar, í ársverkum talið, en líklegt má telja að kostnaðaráhrif þeirra muni í meginatriðum gilda fyrir almenna vinnumarkaðinn í heild. Samningsaðilar hafa áætlað að heildarkostnaður launagreiðenda aukist um tæplega 10½% á samningstímanum eða um 3½% að meðaltali á ári.

Meginatriði samningsins eru þrjú: launaþróunartrygging, hækjun lægstu kauptaxta og framlengingarákvæði árið 2009. Ekki er samið um almenna launahækjun fyrr en á síðasta ári samningsins en starfsmönnum þess í stað tryggð ákveðin launaþróun fyrstu tvö ár hans.

Tafla I Mat samningsaðila á kostnaðarauka samninganna 2008-2010

%	2008	2009	2010	Samtals
Launaþróunartrygging	1,4	1,3	0	2,7
Kauptaxtahækjun	1,9	1,9	3,1	7,0
Annar launakostnaður	0,7	0,1	0	0,8
Þar af				
Endurhæfingarsjóður	0,13			0,13
Starfsmenntamál	0,05			0,05
Tryggingar	0,20			0,20
Veikindi barna	0,01			0,01
Námskeið á launum	0,06			0,06
Fjölgun orlofsdaga	0,25	0,10		0,35
Samtals á ári	4,0	3,3	3,1	10,5

Launaþróunartrygging 5,5% við undirskrift ...

Samkomulag um launaþróunartryggingu kemur til framkvæmda við undirskrift og í mars á næsta ári. Í ár er starfsmanni tryggð að lágmarki 5,5% launahækjun á tímabilinu frá 2. janúar í fyrra til og með gildistöku samningsins í febrúar í ár. Hafi launahækjun starfsmanns verið minni en 5,5% skulu laun hans hækka um mismuninn á 5,5% og þeirri launahækjun sem hann hefur fengið.¹

Með því að miða við 2. janúar í fyrra kemur umsamin 2,9% launahækjun frá síðustu kjarasamningum sem tók gildi 1. janúar 2007 ekki til frádráttar heldur aðeins launaskrið á viðmiðunartímabilinu. Hins vegar kemur hækjun sem starfsmaður fær vegna kauptaxtahækjunar (sjá umfjöllun hér á eftir) til frádráttar við útreikning launaþróunartryggingar bæði árin.

... og 3,5% á næsta ári ...

Hinn 1. mars á næsta ári kemur einnig til framkvæmda sams konar launaþróunartryggingarákvæði.² Starfsmanni skal tryggð 3,5% launahækjun og viðmiðunartímabil varðandi launaþróun er frá gildistöku samnings til loka febrúar árið 2009. Kostnaðarauki vegna launaþróunartryggingar er áætlaður tæplega 1½% bæði árin.

1. Aðeins þeir sem hafa verið í störfum frá 1. janúar árið 2007 eiga rétt á allt að 5,5% launahækjun vegna þessa ákvæðis. Hafi starfsmaður hafið störf á tímabilinu 2. janúar 2007 til loka september 2007 skal miðað við 4,5% en þeir sem hófu störf hjá atvinnurekanda eftir lok september 2007 fá enga hækjun vegna launatryggingarákvæðisins í ár.
2. Til að eiga rétt á launaþróunartryggingu árið 2009 skal starfsmaður hafa verið í starfi fyrir gildistöku samningsins 1. febrúar í ár. Starfsmaður sem hefur störf eftir að samningurinn tekur gildi þarf að semja um það sértaklega við atvinnurekanda vilji hann eiga rétt á launaþróunartryggingu árið 2009.

... en almenn launahækkun árið 2010

Síðasta ár kjarasamninganna hækka öll laun um 2,5%, en það er meiri hækkun en samið var um sem lokahækkun í kjarasamningunum árið 2004.

Taxtar færðir nær greiddum launum

Annar þáttur kjarasamninganna er hækkun kauptaxta. Við undirskrift hækka kauptaxtar ófaglærðra um 18 þ.kr., um 13,5 þ.kr. árið 2009 og um 6,5 þ.kr. á síðasta ári samningsins. Kauptaxtar iðnaðarmanna og skrifstofufólks hækka meira eða um 21 þ.kr. við undirskrift, 17,5 þ.kr. árið 2009 og 10 þ.kr. árið 2010. Hækkun lægsta taxta ófaglærðra er tæplega 15% í ár og um 31% á samningstímanum.³ Hækkun skrifstofumanns með t.d. 10 þ.kr. yfirborgun á taxta er um 7% í ár og um fjórðungur á samningstímanum en hækkun iðnaðarmanns með sömu yfirborgun tæplega fimm tungur á samningstímanum.

Áætlanir samningsaðila gera ráð fyrir að launakostnaður hækki um 1,9% vegna kauptaxtahækkana, bæði í ár og á næsta ári, og um 0,6% árið 2010 en gert er ráð fyrir að einhverjar yfirorganir verði lækkaðar á móti hækkun kauptaxtans.

Hækkun annars launakostnaðar en greiddra launa

Annar launakostnaður en greidd laun hækkar um 0,8% á samningstímanum. Mest eykst kostnaður vegna lengingar orlofs úr 28 dögum í 30 daga fyrir þá starfsmenn sem hafa starfað í tíu ár eða meira hjá sama atvinnurekanda. Samkomulag var einnig gert um að hefja þróun þjónustu og úrræða fyrir þá starfsmenn sem veikjast til lengri tíma eða slasast. Nýr sjóður, Endurhæfingarsjóður, verður stofnaður til að annast þjónustuna og munu atvinnurekendur greiða til sjóðs-ins 0,13% af launum frá 1. júní í ár. Gert er ráð fyrir að ríkið leggi til samsvarandi upphæð á næsta ári og samningsaðilar munu beita sér fyrir því að lifeyrissjóðirnir geri það einnig. Þessu til viðbótar var samið um fjölgun veikindadaga vegna veikinda barna úr sjö dögum á ári í tólf, aukið framlag vinnuveitenda í starfsmenntasjóði, auknar heimildir til starfsmanna til að taka frí á launum til að sækja starfsmenntanámskeið, viðtækari slysatryggingu og hækkun örorku- og dánarbóta.

Forsendur um verðbólgu og kaupmátt


Í byrjun febrúar 2009 skal forsendunefnd fjalla um framlengingu samningsins út frá forsendum hans. Hafi forsendur staðist framlengist samningurinn til 30. nóvember 2010. Hafi þær ekki staðist skulu aðilar leita samkomulags um viðbrögð en náist það ekki fellur samningurinn úr gildi í lok febrúar 2009.

Forsendur samningsins eru annars vegar að kaupmáttur launa á almennum vinnumarkaði haldist eða aukist á tímabilinu janúar til desember í ár samkvæmt launavísitolu Hagstofu Íslands. Hin forsendan snýr að verðbólguþróun. Við endurskoðun kjarasamninga í febrúar á næsta ári þarf verðbólga að hafa farið lækkandi, tólf mánaða verðbólga í desember 2008 þarf jafnframt að vera lægri en 5,5% og árshraði hennar á tímabilinu ágúst 2008 til janúar 2009 að vera innan við 3,8%.

3. Fastar álagsgreiðslur (bónus í fiskvinnslu) hækka ekki fyrstu tvö árin. Meðallaun í fiskvinnslu hækka því um 17,5% fyrstu tvö ár samningsins í stað 22%.

Mynd VI-6

Umsamdar launabreytingar og meðaltal paraðra launabreytinga 2004-2007¹




44

1. Rauðu súlurnar sýna paraða breytingu launa frá febrúar til febrúar. Fyrsta rauða súlan sýnir tímabilð febrúar 2004 til febrúar 2005. Á þeim tíma komu til framkvæmda tver umsamdar launahækkanir: 1. mars 2004 og 1. janúar 2005. Hinar súlurnar sýna umsamdar launabreytingar á almanaksárinu.

Heimildir: ASÍ, Hagstofa Íslands, Seðlabanki Íslands.

Mynd VI-7

Laun og kaupmáttur
Launavísitala Hagstofu



Heimild: Hagstofa Íslands.

Þetta er sama meðaltalshækjun og upphaflega var gert ráð fyrir við undirskrift þeirra kjarasamninga sem í gildi voru á árunum 2004-2007. Tvær endurskoðanir á samningstímanum hækkuðu bein-an kostnaðarauka vegna samninganna í 4½% að meðaltali á ári, en þar sem spenna á vinnumarkaði var veruleg allan samningstímann urðu launahækkanir töluvert umfram mat á beinum kostnaðarauka. Paraður samanburður launa starfsmanna á samningssviði ASÍ og SA sýnir að laun hækkuðu nær þrisvar sinnum meira en upphaflegar áætl-anir gerðu ráð fyrir eða um 9½% að meðaltali á ári.²

Markmiðið að forgangsraða svigrúmi til launahækkan...

Við mat á beinum kostnaðarauka vegna samninganna ganga samningsaðilar út frá því að hægt sé að einangra kauptaxtahækkanir að mestu við lægstu taxtahópa og þá sem ekki hafa notið launaskriðs undanfarið enda markmiðið „að forgangsraða því svigrúmi sem atvinnulífið hefur til launahækkan til þeirra sem greidd eru laun samkvæmt lægstu kauptöxtum og til þeirra sem setið hafa eftir í launaskriði“.³ SA hafa beint því til aðildarfélaga sinna að reynt verði að framkvæma samningana samkvæmt forskrift, þ.e. að launahækkanir undangengins árs verði dregnar frá við framkvæmd launaþróun-artryggingarákvæðis samningsins og yfirborganir á taxta lækkaðar til að mæta umsaminni hækjun kauptaxtans.

...en reynslan frá árinu 2006 hræðir

Samkeppni um starfsfólk undanfarin ár hefur byggt upp launamun umfram það sem byggt er inn í kjarasamninga en með þessari útfærslu launabreytinga er leitast við að eyða þessum launamun með því að hækka einkum laun þeirra sem farið hafa á mis við þessar launahækkanir. Vegna þess að spenna er enn til staðar á vinnumarkaði verður að telja afar ólíklegt að til takist eins og væntingar samningsaðila standa til, a.m.k. við framkvæmdina í ár.

Reynslan frá árinu 2006 þegar samið var um sams konar útfærslu við endurskoðun kjarasamninga sýndi að minna var um að yfirborganir væru lækkaðar á móti taxtahækkin og launahækkanir urðu töluvert umfram það sem aðilar gerðu ráð fyrir þótt þær kæmu hægar fram en Seðlabankinn áætlaði í fyrstu. Markaðurinn virðist að endingu hafa endurskapað þann launamun sem fyrir var enda löng reynsla fyrir því að launahlutföll séu mjög tregbreytanleg. Forsendur núverandi spár gera því ráð fyrir að kostnaður við framkvæmd samningsins verði nokkuð umfram kostnaðaráætlanir samningsaðila.

Líklegt að reyni á forsenduákvæði samningsins

Miðað við fyrirliggjandi verðbóluspá Seðlabankans verður að teljast afar ólíklegt að forsendur kjarasamninganna haldi. Forsenduákvæði samningsins eru tvö: að farið verði að hægja á verðbólgu á seinni hluta þessa árs og í upphafi næsta árs og að kaupmáttur á almennum

- Hér er líklega um nokkurt vanmat á launahækjunum að ræða þar sem paraða hækkinin nær aðeins yfir tímabilð febrúar 2004 til febrúar 2007 en kjarasamningarnir giltu fram í desember 2007. Á tímabilinu frá febrúar 2007 fram í desember 2007 hækkaði launavísitala um 4½%.
- Tekið af heimasiðu SA 3. mars 2008.

vinnumarkaði haldist að minnsta kosti óbreyttur á tímabilinu janúar til desember 2008.

Samkvæmt verðbóluspá Seðlabankans sem hér er birt verður verðbólga töluvert umfram forsendur samningsins á viðmiðunartíma-bili hans. Til að forsendan um óbreyttan kaupmátt fái staðist þyrftu launabreytingar á árinu að vera töluvert umfram kostnaðarmat samningsaðila og nokkru meiri en gert er ráð fyrir í grunnspánni nú. Slík þróun yki enn á verðbólguþrýsting frá vinnumarkaði umfram það sem gert er ráð fyrir í spánni og drægi úr líkum á að verðbólgeforsenda samningsins fengi staðist.

Í spánni er því gert ráð fyrir að reyni á forsenduákvæði kjara-samninganna á næsta ári. Kostnaðaráhrif endurskoðunarinnar eru þó ekki metin veruleg þar sem gert er ráð fyrir að þá hafi dregið úr spennu á vinnumarkaði og að atvinnuleysi hafi aukist nokkuð.


Launakostnaður ekki í samræmi við verðbólgeumarkmið fyrr en undir lok spátímans

Miðað við kostnaðarauka nýgerðra kjarasamninga og þá spennu sem enn er til staðar á vinnumarkaði er nú spáð nokkru meiri hækjun launakostnaðar á framleidda einingu á öllu spátímabilinu en í síðustu spá þrátt fyrir að framleiðni sé talin aukast nokkru meira en þá var gert ráð fyrir. Launakostnaður fyrirtækja á síðustu tveimur árum hefur verið endurskoðaður niður á við í ljósi upplýsinga úr þjóðhagsreikningum. Gert er ráð fyrir að launakostnaður á framleidda einingu hækki um tæplega 6% í ár en hækki hægar eftir því sem líður á spátímann, enda eykst beinn kostnaðarauki vegna nýgerðra kjarasamninga hægar eftir því sem líður á samningstímabilið og draga mun úr launaskriði með auknu atvinnuleysi.

Launakostnaður gæti hins vegar hækkað meira en gert er ráð fyrir í spánni ef hægar dregur úr spennu á vinnumarkaði eða ef erlendum starfsmönnum fækkar meira en dregur úr eftirspurn eftir vinnuafli, en minna ef umskipti á vinnumarkaði verða meiri og hraðari en gert er ráð fyrir í grunnspánni. Fráviksdæmi í rammagrein IX-2 sýnir möguleg viðbrögð peningastefnunnar verði vöxtur launakostnaðar meiri en í grunnspánni.

Mynd VI-8

Launakostnaður á framleidda einingu 1999-2010¹




1. Grunnspá Seðlabankans 2008-2010.
Heimild: Seðlabanki Íslands.

VII Ytri jöfnuður

Mynd VII-1

Undirþættir viðskiptajafnaðar¹

Árlegar tölur 1995-2007




46

1. Rekstrarframlog talin með þáttatekjum.
Heimildir: Hagstofa Íslands, Seðlabanki Íslands.

Mynd VII-2

Undirþættir viðskiptajafnaðar¹

1. ársfj. 1995 - 4. ársfj. 2007



1. Rekstrarframlog talin með þáttatekjum.
Heimildir: Hagstofa Íslands, Seðlabanki Íslands.

Tölувort dró úr viðskiptahallnum á síðasta ári. Þegar óreglulegum þáttum er haldið til hliðar eru umskiptin þó mun minni en virðist við fyrstu sýn. Að frátöldum skipa- og flugvélaviðskiptum minnkaði vöru-skiptahallinn úr 131 ma.kr. í 109 ma.kr. Það eru mun hægari umskipti en búast mátti við í ljósi þess að verulega dró úr fjárfestingu í ál- og orkuverum á árinu. Þáttatekjuhallinn var einnig lítill á árinu, einkum ef mikill hallarekstur og skuldasöfnun undanfarin ár og hækkan erlendra vaxta eru höfð í huga, sem leiðir til vaxandi halla á vaxtagreiðslum til útlanda. Vegna þessara óreglulegu þátta, sem leiddu til þess að hallinn mældist óeðilega mikill árið 2006 en „lítill“ árið 2007, má gera ráð fyrir hægari hjóðnun hallans í ár. Á móti samdrætti innflutnings vegur aukin vaxtabyrði og samdráttur útflutnings sjávarafurða.

Ójafnvægi í þjóðarbúskapnum enn mikið

Viðskiptajöfnuður við útlönd var neikvæður um tæplega 200 ma.kr. á árinu 2007 eða sem nemur 15,6% vergrar landsframleiðslu. Þetta er rúmlega 96 ma.kr. minni halli en á árinu áður en þá nam hallinn alls um 25,4% af vergri landsframleiðslu. Halli á öllum undirliðum minnkaði, en vöru-skiptahallinn mest, eða úr 156,5 ma.kr. á árinu 2006 í tæpa 88 ma.kr. á liðnu ári. Halli á jöfnuði þáttatekna minnkaði um næstum 22 ma.kr. og halli á þjónustuviðskiptum um rúma 7 ma.kr. (sjá mynd VII-1).

Þróun óreglulegra liða í vöru-skiptum og jöfnuði þáttatekna var afar hagstæð á liðnu ári miðað við fyrra ár. Auk viðskipta með skip og flugvélar sveifluðust hreinar þáttatekjur mikið milli ársfjórðunga. Framan af ári var þróun hreinna þáttatekna mun jákvæðari en spáð hafði verið. Jöfnuður þáttatekna á þriðja ársfjórðungi var til að mynda jákvæður um næstum 9 ma.kr. Þetta snerist við á síðasta ársfjórðungnum. Þá voru hreinar þáttatekjur neikvæðar um rúma 65 ma.kr. (sjá mynd VII-2). Neikvæð formerki voru þá á bæði tekjum og gjöldum vegna ávöxtunar hlutafjár. Alla jafna skilar eign innlendra aðila í fyrirtækjum á erlendri grundu þjóðarbúinu tekjum í formi arðgreiðslna og endurfjárfests hagnaðar.¹ Á fjórða ársfjórðungi var hins vegar tap á rekstri fyrirtækja erlendis í íslenskri eigu og endurfjárfestur hagnaður því neikvæður, en tap bókfærir sem neikvæður endurfjárfestur hagnaður. Að meðaltali skilaði ávöxtun hlutafjár um 65 ma.kr. á ársfjórðungi í erlendum tekjum fyrstu þrijá ársfjórðunga ársins, en á fjórða ársfjórðungi var ávöxtunin neikvæð um rúma 13 ma.kr. Sömu sögu var að segja um ávöxtun hlutafjár í eigu erlendra aðila á Íslandi. Hlutfall hlutafjáreignar innlendra aðila í erlendum fyrirtækjum af heildareignum erlendis er hins vegar mun hærra en mótsvarandi hlutfall eigna erlendra aðila á Íslandi í heildarskulnum. Því voru jákvæð áhrif vegna neikvæðrar ávöxtunar hlutafjár erlendra aðila á Íslandi minni. Að meðaltali voru gjöld tengd þessum lið rúmur 31 ma.kr. ársfjórð-

1. Endurfjárfestur hagnaður er sá hluti hagnaðar fyrirtækis sem ekki er greiddur út til eigenda þess en þess í stað nýttur til fjármögnumnar viðkomandi atvinnurekstrar. Hvort tveggja er þó talið til tekna og gjalda í jöfnuði þáttatekna.

ungslega á fyrstu þremur ársfjórðungunum en á síðasta fjórðungi ársins skilaði þessi gjaldaliður hins vegar 2,6 ma.kr. tekjum.

Hrein vaxtagjöld jukust mikið milli ára. Árið 2006 námu þau alls um 93½ ma.kr. en hækkuðu í fyrra í tæpa 154 ma.kr. Hækjunin endurspeglar auknar erlendar skuldir og lakari lánakjör á síðasta ári samanborið við árið 2006. Á móti vegur að gengi krónunnar var að meðaltali um 1,8% hærra í fyrra en árið 2006 en það lækkar fjárhæð hreinna vaxtagjalda í íslenskum krónum.

Hrein erlend staða versnaði enn frekar milli ára

Erlendar skuldir þjóðarbúsins jukust um tæpa 2.138 ma.kr. á árinu 2007 en erlendar eignir um 1.945 ma.kr. Hrein erlend staða þjóðarbúsins versnaði því talsvert milli ára og var neikvæð um sem nemur 125% af vergri landsframleiðslu í lok síðasta árs, samanborið við 110% í lok árs 2006. Hækjun meðalgengis krónunnar um 6% á tímabilinu góðum á móti hnignun erlendu stöðunnar. Vegna þess að skuldir eru meiri en eignir hefur sterkari króna minni áhrif til lækkunar á verðmæti erlendra eigna en skulda í krónum talið.²

Af erlendum eignum jókst erlend skuldabréfaeign hlutfallslega mest eða alls um 117%, seðlar og innstæður erlendis um 116% og bein fjármunaeign um 59%. Gjaldeyrisforði Seðlabankans minnkaði hins vegar um 3% milli ára í krónum talið. Á skuldhliðinni var aukning innistæðna erlendra aðila í innlendum innlásstofnunum hlutfallslega mest eða sem nam 254% milli ára. Erlend skammtímalán jukust einnig mikið eða um 184% en erlend langtímalán um 72%.

Jöfnuður þáttatekna mun vega þungt í viðskiptajöfnuði á komandi misserum


Líklegt er að þróun hreinna þáttatekna verði áfram, og sennilega í vaxandi mæli, óhagstæð á komandi misserum. Versnandi lánakjör á erlendum fjármálamörkuðum hafa veruleg áhrif, enda erlendar skuldir þjóðarbúsins miklar. Í ljósi lækkunar hlutabréfaverðs á erlendum hlutabréfamörkuðum það sem af er ári er líklegt að ávöxtun erlendrar hlutafjáreignar í eigu innlendra aðila verði lítil framan af ári. Arðsemi innlendra fyrirtækja hefur einnig áhrif á hreinar þáttatekjur þar sem arðgreiðslur til erlendra hluthafa teljast til gjalda. Minnkandi arðsemi fyrirtækja á Íslandi í eigu erlendra aðila hefur því alla jafna jákvæð áhrif á þáttatekjujöfnuð. Stærstur hluti beinnar fjármunaeignar erlendra aðila á Íslandi er þó í tengslum við álframleiðslu en almennt er áfram búist við góðri afkomu álfyrtækja í ljósi hás álverðs á heimsmarkaði (sjá umfjöllun í kafla II).

Horfur um þróun viðskiptahalla lakari en í fyrri spá

Í grunnsþá Seðlabankans er viðskiptahallinn meiri en í fyrri spá. Spáð er að hallinn í ár verði 2 prósentum meiri og nemi 16½% af landsframleiðslu. Þetta skýrist einkum af minni aukningu útflutnings en áður var reiknað með og vegur það þyngra en samdráttur innflutn-

Mynd VII-3

Hreinar vaxta- og arðgreiðslur
og erlend staða þjóðarbúsins
Árlegar tölur 1990-2007




Heimildir: Hagstofa Íslands, Seðlabanki Íslands.

47

PENINGAMÁL 2008 • 1

Mynd VII-4

Hreinar erlendar vaxtagreiðslur
1. ársfj. 1997 - 4. ársfj. 2007



Heimildir: Hagstofa Íslands, Seðlabanki Íslands.

2. Ýtarlega er fjallað um áhrif gengisbreytinga á erlenda stöðu þjóðarbúsins í grein eftir Daniel Svavarsson í þessu hefti Peningamála.

ings. Einnig er gert ráð fyrir að halli á jöfnuði þáttatekna verði talsvert meiri en í fyrrí spá í ljósi versnandi vaxtajafnaðar og lakari ávöxtunar hlutafjár. Spáð er nokkru meiri viðskiptahalla á næsta ári en spáin fyrir 2010 er í stórum dráttum óbreytt. Árið 2011 er gert ráð fyrir að jafnvægi náist í vöru- og þjónustuvíðskiptum við útlönd en að eftir standi umtalsverður halli á jöfnuði þáttatekna.

VIII Verðlagsþróun

Verðbólga undanfarna mánuði hefur reynst umtalsvert meiri en spáð var í nóvember og mældist 8,7% í mars.¹ Verðbólga einskorðast ekki við fáeina undirliði heldur kemur fram í flestum þáttum vísitölunnar. Meginskýringin liggur í kraftmíklum vexti innlendar eftirspurnar sem auk beinna áhrifa á verðlag hefur leitt til launaskriðs og hækkunar húsnæðisverðs. Að auki hefur gengi krónunnar lækkað miklu meira en gert var ráð fyrir í spám og heimsmarkaðsverð hrávöru hækkað mikið. Verðlag innfluttrar vöru hefur því hækkað töluvert undanfarna mánuði, einkum eldsneytis og matvæla, þótt áhrif gengislækkunarinnar séu ekki komin fram að fullu. Þegar horft er fram hjá áhrifum sveiflukenndra þátta, opinberrar þjónustu, neysluskatta og áhrifum vaxtaþróunar á húsnæðiskostnað er undirliggjandi verðbólga 7%. Í mars hurfu þó áhrif lækkunar neysluskatta fyrir ári að mestu leyti úr tólf mánaða samanburðinum. Hækkin húsnæðisverðs hefur u.þ.b. stöðvast. Áhrif þess á mælda verðbólgu eru hins vegar að nokkru leyti vegin upp af áhrifum hækkunar raunvaxta á húsnæðisliðinn. Verðbólguvæntingar hafa aukist að undanförnu í kjölfar aukins verðbólguþréystings og gengislækkunar krónunnar.

Verðbólguþréystingur jókst í lok síðasta árs

Undir lok sl. árs gætti verðbólguþréystings í flestum undirþáttum vísitölu neysluverðs. Á síðasta fjórðungi ársins var verðbólga 5,4% eða 0,6 prósentum meiri en spáð var í nóvember sl. Á fyrsta fjórðungi þessa árs jókst verðbólga enn og hækkaði vísitala neysluverðs um 7% frá sama fjórðungi fyrra árs, en 7,9% ef horft er fram hjá áhrifum lækkunar neysluskatta.


Í febrúar sl. birti Hagstofa Íslands í fyrsta sinn kjarnavísitölu 3, sem er kjarnavísitala 2 án áhrifa breytinga raunvaxta á húsnæðislið vísitölunnar (sjá mynd VIII-1). Við mat á undirliggjandi verðbólgu er jafnan horft fram hjá þessum áhrifum þar sem peningastefnan hefur bein áhrif á raunvexti. Í mars hafði kjarnavísitala 3 án skattáhrifa hækkað um 7% á tólf mánuðum, en áhrif lækkunar neysluskatta voru að mestu leyti úr sögunni eins og áður var nefnt. Verðbólga miðuð við vísitölu neysluverðs er því meiri en undirliggjandi verðbólga.

Dregið hefur úr umsvifum á húsnæðismarkaði

Húsnæðisverðbólga hjaðnaði í byrjun árs samhliða minni veltu á íbúðamarkaði eftir hraða verðhækku á síðasta ári. Veltan var reyndar sérlega mikil á síðasta ári og er nú svipuð og hún var í lok ársins 2006. Verðhækku húsnæðis hefur u.þ.b. stöðvast. Samsetning verðbólguunnar mun því smám saman breytast þannig að vægi húsnæðisverðbólgu minnkar. Tólf mánaða verðbólga án húsnæðis var um miðjan mars 6,4% og hafði aukist verulega frá því um sumarið 2007.

Mynd VIII-1

Verðbólga janúar 2001 - mars 2008¹




49

PENINGAMÁL 2008 • 1

Heimild: Hagstofa Íslands.

Mynd VIII-2
Verðbólga á ýmsa mælikvarða janúar 2001 - mars 2008



Heimild: Hagstofa Íslands.

Mynd VIII-3


Dreifing verðhækkaná vísitölu neysluverðs janúar 2001 - mars 2008



Heimild: Hagstofa Íslands.

1. Í janúar 2008 varð breyting á lögum um visitölu neysluverðs þannig að verðupplýsingum fyrir útreikning vísitölunnar er nú safnað um miðjan hvern mánuð í stað fyrstu tveggja virkra daga mánaðarins. Á árinu 2008 munu breytingar milli ára því sýna rúmlega tólf mánaða breytingu vísitölunnar í stað tólf mánaða breytingar áður. Þessi breyting hefur í för með sér að ársfjórðungsmeðaltölum visitölunnar eru nú mæld með einföldum meðaltali í stað miðsetts meðaltals áður.


Mynd VIII-4
Verðlagsþróun: húsnæði og þjónusta
janúar 2002 - mars 2008




Heimild: Hagstofa Íslands.

50

Mynd VIII-5
Innflutningsgengi og verðlag innfluttrar
vöru mars 1997 - mars 2008



Mynd VIII-6
Vöruberð janúar 2001 - mars 2008



Heimild: Hagstofa Íslands.

Árshækkun íbúðaverðs á öllu landinu var komin niður í 14% í mars eftir stöðuga aukningu á árinu 2007. Áhrif vaxtahækkana á húsnæðiskostnað jukust eftir að Seðlabankinn hækkaði stýrivexti í nóvember sl. og skýra hækjun reiknaðrar húsaleigu undanfarna mánuði að mestu leyti. Áhrifin á þessu ári gætu numið rúmlega 1½ prósentu til hækjunar visitölö neysluverðs að því gefnu að vextir á húsnæðislánnum verði óbreyttir.

Aðstæður á húsnæðismarkaði hafa breyst frá síðustu útgáfu *Peningamála*. Heimilin standa nú frammi fyrir skertum lánsfjárdgangi, hærri útlánsvoxtum og hægari vexti kaupmáttar eftir mikla verðhækkun húsnæðis undanfarin ár (sjá nánar í kafla IV). Áhrifa minni húsnæðiskaupmáttar af þeim völdum er farið að gæta á fasteignamarkaði. Sökum gengislækkunar krónunnar og hækkandi álags á vexti lána í erlendum gjaldmiðlum hefur greiðslubyrði af gengisbundnum lánum aukist mikið, sem minnkar það fé sem lántakendur hafa til ráðstöfunar í aðra neyslu (sjá umfjöllun í kafla III). Þótt ákveðinnar tregðu gæti í húsnæðisverðbólgu, enda vinnumarkaður enn spenntur og laun hækkað mikið, eru horfur á að íbúðaverð lækki á næstu missumerum. Í grunnspá Seðlabankans er gert ráð fyrir að íbúðaverð lækki um 9% á næsta ári.

Hætta á að aukinn launakostnaður skapi þrýsting á þjónstuverðbólgu

Undanfarið ár hefur þrýstingur til hækjunar verðlags þjónustu vegna hækjunar innlends kostnaðar og vaxandi innlendar eftirspurnar verið töluluverður. Í sögulegu samhengi hefur verðlag þjónustu einkaaðila þó oft verið næmara fyrir hækjun launakostnaðar en á undanförnum árum. Fyrir utan áhrif lægri neysluskatta á verðlag hótel- og veitingaþjónustu gæti þróunin skýrst af því að innflytjendur hafi í ríkum mæli verið ráðnir í þjónustustörf á lægri launum en bjóða þarf innlendu starfsfólk. Önnur skýring er að aðfangaverð hafi ekki hækkað til jafns við launakostnað síðastliðin ár, m.a. vegna sterks gengis krónunnar. Þær forsendur hafa breyst mjög undanfarna mánuði. Gengislækkun krónunnar mun hækka aðfangakostnað og draga úr verðsamkeppni við erlenda aðila, t.d. í ferðaþjónustu.

Nýgerðir kjarasamningar fela í sér mikla hækjun lægstu kauptaxta. Í þjónustugreinum þar sem launakostnaður hækkar mikið er líklegt að hluta kostnaðaraukans verði hleypt út í verðlagið, einkum ef innlend eftirspurn helst sterkt. Í verðmælingunni sem gerð var í mars gætir áhrifa þess aðeins að litlu leyti þar sem samningarnir komu að mestu ekki til framkvæmda fyrr en með launagreiðslum í lok mars en beinna áhrifa þeirra mun gæta á næstu mánuðum. Ef launahækjun smitast upp launastigann gætu bein áhrif á verðlag þjónustu og óbein áhrif á aðra undirliði visitölö neysluverðs orðið töluluverð.

Verðlag innfluttrar vöru hefur hækkað í kjölfar gengislækkunar

Ein meginþýringin á meiri verðbólgu að undanförnu en spáð var í síðasta hefti *Peningamála* er umtalsvert meiri gengislækkun krónunnar en reiknað var með. Áhrif hennar eru þó langt í frá komin fram að fullu. Um miðjan mars hafði gengi krónunnar lækkað um 26% frá byrjun

nóvember sl. Næmni verðlags fyrir gengisbreytingum er mikið og má gera ráð fyrir að u.p.b. 40% gengisbreytinga komi fram í hækjun visitölu neysluverðs innan árs.² Á þessu ári munu því verðbólguáhrif lægra gengis vega þyngra en hægari vöxtur eftirspurnar.

Utanaðkomandi verðbólguþrýstingur hefur farið hratt vaxandi frá því á síðasta ári. Verðlag eldsneytis, matvæla og bifreiða hefur hækkað töluvert undanfarna mánuði, bæði vegna hækjunar hrávöruverðs og gengislækkunarinnar. Hráoliúverð er um þessar mundir í sögulegum hæðum og hefur innlent eldsneytisverð hækkað um 29% síðastliðna tólf mánuði. Horfur um verðlag innfluttrar vöru eru því mjög slakar í ljósi gengisþróunar krónunnar undanfarnar vikur.

Matvöruverð er álíka hátt og fyrir lækkun virðisaukaskatts

Í síðustu *Peningamálum* var gert ráð fyrir að matvöruverð ætti eftir að hækka á næstu misserum vegna hækjunar hrávöruverðs á heimsmarkaði, einkum ef gengi krónunnar lækkaði, þar sem áhrifin á innlent matvöruverð voru þá enn lítil. Nú er svo komið að matvöruverð er næstum jafn hátt og fyrir lækkun virðisaukaskatts fyrir ári. Skattaáhrifin eru þá að mestu horfin úr tólf mánaða samanburði. Horfur eru á enn meiri hækjun matvöruverðs í kjölfar gengislækkunarinnar þar sem einnig er gert ráð fyrir að matvælaverð á heimsmarkaði haldist hátt. Því til viðbótar vega launahækkanir í nýgerðum kjarasamningum þungt í matvörugeranum og gætu skapað meiri þrýsting á verðlag.

Niðurstöður könnunar meðal 400 stærstu fyrirtækja landsins sýna að 86% fyrirtækja búast við verðhækjun aðfanga á næstu sex mánuðum sem endurspeglar verðbólguþrýsting á heimsmarkaði. Að meðaltali eiga forsvarsmenn fyrirtækja von að verðhækkinin nemi 6,4%.

Verðbólguvæntingar aukast á alla mælikvarða

Verðbólguálag á skuldabréfmarkaði hefur hækkað verulega undanfarna mánuði samhliða gengislækkun krónunnar, óróa á fjármálamörkuðum og vaxandi áhættuá lagi. Á tímabilinu 6. nóvember til 8. apríl nam verðbólguálagið að meðaltali 3,7%. Verðbólguvæntingar metnar út frá mun á framvirkum óverðtryggðum og verðtryggðum vöxtum hafa því hækkað verulega. Væntingar um tólf mánaða verðbólgu eftir tíu ár standa nú í rúmlega 5% (sjá mynd VIII-9).

Könnun meðal sérfræðinga á fjármálamarkaði sem gerð var í byrjun apríl sl. leiddi í ljós að þeir væntu töluvert meiri verðbólgu á spátímanum en í sambærilegri könnun í október sl. (sjá viðauka 2). Að meðaltali spá sérfræðingarnir að verðbólga verði rúm 9% á þessu ári sem er rúmlega helmingi meiri verðbólga en þeir spáðu síðast. Þeir reikna með 4,3% verðbólgu á árinu 2009 og 3½% verðbólgu á árinu 2010 en spáðu síðast 3,2% og 2,8% verðbólgu.


Í könnun meðal stærstu fyrirtækja landsins í mars sl. höfðu verðbólguvæntingar þeirra til eins árs aukist og námu 5% saman-

2. Þ.e. 1% gengislækkun leiðir til u.p.b. 0,4% hækjun visitölu neysluverðs innan árs.

Mynd VIII-7

Nokkrir undirliðir visitölu neysluverðs júní 2004 - mars 2008

Áhrif á þróun visitölu neysluverðs sl. 12 mánuði




Hámidir: Hagstofa Íslands.

Mynd VIII-8

Verðbólguvæntingar

Vikulegar tölur 7. janúar 2003 - 8. apríl 2008




1. Verðbólguálag reiknað út frá ávöxtunarkröfu RIKB 13 0517 og RIKS 13 001. 2. Verðbólguálag reiknað út frá ávöxtunarkröfu RIKB 13 0517 og HFF150914. Verðbólguvæntingar almennings, fyrirtækja og sérfræðinga á markaði miðast við verðbólgu eitt ár fram í tímum.

Hámidir: Capacent Gallup, Seðlabanki Íslands.

Mynd VIII-9

Væntingar um tólf mánaða verðbólgu m.v. mun á framvirkum óverðtryggðum og verðtryggðum vöxtum¹




1. Þar sem verðbólguvæntingarnar eru metnar út frá mun á framvirkum vöxtum er um að ræða væntingar um tólf mánaða verðbólgu á hverjum tíma en ekki meðalverðbólgu.

Hámidir: Seðlabanki Íslands.

Mynd VIII-10

Yfirlit yfir spár sérfræðinga á fjármálamarkaði um verðbólgu milli ársmeðaltala¹



1. Punktar sýna raunverulega verðbólgu hvers árs.

Heimild: Seðlabanki Íslands.

borið við 4% í desember sl. (miðað við miðgildi verðbólguvæntinga). Verðbólguvæntingar almennings jukust meira í könnun sem einnig var gerð í mars sl. Almenningur vænti 7% verðbólgu á næstu tólf mánuðum samanborið við 4,5% í október sl. Mikil fylgni er á milli verðbólgu á hverjum tíma og verðbólguvæntinga almennings.

IX Verðbólguhorfur

Verðbólguhorfur hafa versnað mikið frá því sem spáð var í nóvember. Til lengri tíma litið hefur skapast vaxandi óvissa sem rekja má til áhrifa versnandi fjármálaskilyrða á innlenda eftirspurn og óvissu um þróun gengis krónunnar og samspli þessara krafta. Aðstæður á húsnæðismarkaði eru einn þáttur þeirrar óvissu. Verðbólgan á næstu árum gæti því orðið sveiflukennd og ráðist að töluverðu leyti af þróun erlendra fjármálaskilyrða. Í grunnsþánni dregur nokkuð hratt úr verðbólgu þegar innlend eftirspurn dregst saman og áhrif lægra gengis krónunnar fara út. Með endurskoðuðum stýrivaxtaferli næst verðbólgu markmiðið á þriðja fjórðungi ársins 2010.

Verðbólga meiri en búist var við

Verðbólga síðustu tvo ársfjórðunga var töluvert meiri en spáð var í síðustu Peningamálum í nóvember sl. Spáð var 4,8% verðbólgu á fjórða ársfjórðungi síðasta árs en verðbólga mældist 5,4%. Á fyrsta fjórðungi þessa árs jökst verðbólga enn frekar eða upp í 7%. Í nóvember hafði verið spáð að verðbólgan næði þá hámarki í 4,9%. Meðal annars vegna mun verri upphafsstöðu eru horfur á talsvert meiri verðbólgu en í fyrri spá. Horfur eru á að verðbólga verði tæplega 10% á öðrum ársfjórðungi en nái hámarki á þriðja ársfjórðungi þessa árs í tæplega 11%. Verðbólga hjaðnar síðan smám saman og nær markmiði á þriðja fjórðungi ársins 2010 (sjá mynd IX-1).

Meginástæðan fyrir meiri verðbólgu á síðustu tveimur ársfjórðungum en Seðlabankinn spáði í síðustu Peningamálum er að innlend eftirspurn reyndist meiri en gert var ráð fyrir. Lækkun á gengi krónunnar, hækkun á mat- og hrávörumerki og aukinn launakostnaður leiddu til hækkunar innlends kostnaðar. Þá hefur húsnæðisverð hækkað meira en búist var við. Í síðustu spá var gert ráð fyrir að húsnæðisverð á fyrsta fjórðungi í ár yrði lægra að raunvirði en fyrir ári. Það gekk ekki eftir.


Veikara gengi, meiri spenna og undirliggjandi kostnaðarþrýstingur
 Ýmsar forsendur sem lágu til grundvallar síðustu verðbólgsuspá hafa breyst mikið. Gengi krónu er talsvert lægra og launahækkanir verða meiri. Hvort tveggja mun ýta verulega undir verðbólgu á næstu missumerum. Að auki vaxa opinber útgjöld og skattar lækka í tengslum við nýgerða kjarasamninga. Þá er gert ráð fyrir að álversframkvæmdir í Helguvík hefjist á þessu ári en ekki var tekið tillit til þeirra í grunnsþánni Peningamála í nóvember sl. Allir þessir þættir eiga þátt í því að verðbólguhorfur hafa snarversnað.

Veruleg lækkun á gengi krónunnar litar verðbólguþróun næstu missera

Sviptingar á alþjóðlegum fjármálamörkuðum og efasemdir um stöðu innlends fjármálakerfis hafa leitt til mikillar gengislækkunar krónunnar frá útgáfu síðustu Peningamála. Í mars lækkaði gengi krónunnar um 25% og í kjölfarið brást Seðlabankinn við með því að hækka stýrivexti líkt og gefið hafði verið til kynna í Peningamálum í nóvember sl.

Mynd IX-1

Verðbólga - samanburður við PM 2007/3



Heimildir: Hagstofa Íslands, Seðlabanki Íslands.

Í síðustu grunnsþá var búist við að gengisvítilan yrði að meðal-tali 117 stig á fyrsta fjórðungi þessa árs, en reyndin varð 132 stig og í lok mars var vítilan komin yfir 150 stig. Í grunnsþánni er gert ráð fyrir að gengisvítilan verði um 150 stig á öðrum ársfjórðungi, en í nóvember var búist við að hún yrði þá 120 stig. Gengislækkunin mun leiða til verulegrar hækunar verðlags innfluttrar vöru á næstu mánuðum.

Í grunnsþánni er gert ráð fyrir að gengið styrkist heldur á þessu ári og verði í kringum 140 stig um mitt ár 2009. Það felur í sér að raungengi nálgist jafnvægisgildi sitt á spátímanum. Í lok árs 2009 lækkar gengið lítillega áfram út spátímabilið sökum minnkandi vaxtamunar.

Endurskoðun kjarasamninga líkleg

Samkvæmt nýgerðum kjarasamningum er útlit fyrir að laun hækki heldur meira en búist var við í grunnsþánni í nóvember (sjá umfjöllun um kjarasamningana í rammagrein VI-1). Líklegt er að töluberð hækjun lægstu taxta smitist að einhverju leyti upp launastigann. Samningarnir byggjast á forsendum um þróun kaupmáttar og verðbólgu og verða endurskoðaðir ef þróunin verður óhagstæðari. Miðað við þá verðbóluspá sem hér liggar fyrir er ólíklegt að forsendur samninganna haldi. Því er gert ráð fyrir nokkru meiri hækjun launa í byrjun næsta árs en samið hefur verið um.

Útlit fyrir töluberða framleiðslususpenna fram á mitt næsta ár

Samkvæmt grunnsþánni er útlit fyrir að framleiðslususpenna hverfi ekki fyrr en á öðrum ársfjórðungi 2009. Í Peningamálum í nóvember sl. var áætlað að framleiðslususpennan myndi hverfa u.p.b. ári fyrr. Meginástæður þess eru meiri vöxtur eftirspurnar við upphaf spátímans og eftirspurnarhvetjandi aðgerðir sem ákveðnar hafa verið eftir að síðustu Peningamál komu út, þ.m.t. bygging álvers í Helguvík, sem nú er tekin inn í grunnsþá í fyrsta sinn og aðgerðir ríkisstjórnar í tengslum við nýgerða kjarasamninga. Aðgerðirnar fela í sér töluberð útgjöld og lækkun skatta, eins og fjallað er nánar um í rammagrein V-1. Framleiðslususpenna minnkar því hægar en í nóvemberþánni og verðbólga verður eftir því meiri.

Þrátt fyrir að hægi á vexti eftirspurnar og framleiðslususpenna dragist saman á næsta ársfjórðungi samkvæmt grunnsþánni eykst verðbólga fram að þriðja fjórðungi þessa árs. Það stafar fyrst og fremst af því að gengislækkunin og vöxtur launakostnaðar vega þyngra framan af. Meiri verðbólga ýtir undir væntingar um meiri verðbólgu í framtíðinni. Erfitt er að fullyrða hversu fljótt verðbólga hjaðnar. Ef launaskrið verður meira en gert er ráð fyrir eða gengið lægra gæti tekið lengri tíma að ná verðbólgu í markmið. Á hinn bóginn er einnig hugsanlegt að verðbólga hjaðni fyrr, t.d. ef versnandi fjármálaskilyrði leiða til þess að samdráttur eftirspurnar og fjárfestingar verður hraðari en spáð er en óvissa um fjármálaskilyrði er óvenjumikil um þessar mundir.

Óvissar horfur

Spár Seðlabankans byggjast á haglíkönum og mati sérfræðinga á ýmsum þáttum sem gætu haft áhrif á efnahagsframvinduna. Haglíkön eru ófullkomin lýsing á raunveruleikanum, m.a. vegna þess að þau eru

Í þessari rammagrein er greint frá helstu breytingum á þjóðhags- og verðbóluspá frá spánni sem birtist í *Peningamálum* 2007/3. Grunnspái númer er borin saman við líkkindadreifingu síðustu grunnspá.

Verðbólguhorfur hafa versnað verulega frá því að Seðlabankinn birti síðast spá í nóvember 2007. Stærsta einstaka orsökin er mikil gengislækkun krónunnar. Stýrivaxtaferillinn í síðustu *Peningamálum* dugar því ekki til þess að veita verðbólguvaðentingum trausta kjölfestu, sem er forsenda þess að ná verðbólgu í markmið innan ásættanlegs tíma. Bankastjórn Seðlabankans hefur þegar brugðist við þessari framvindu með hækjun stýrivaxta. Með nýjum stýrivaxtaferli virðist vera hægt að ná verðbólgsmarkmiðinu innan spátímans og halda verðbólgu nálægt markmiði til loka hans. Markmiðið næst töluvert seinna en í síðustu grunnspá, en á svipuðum tíma og í fráviksspá sem var byggð á álíka mikilli gengislækkun og orðið hefur í raun.

Gengi krónunnar mun lægra en gert var ráð fyrir í síðustu grunnspá

Frá útgáfu *Peningamála* í nóvember sl. til loka marsmánaðar hefur gengi krónunnar lækkað um 27%. Þótt gert sé ráð fyrir því að lækkunin gangi að hluta til baka á næstu mánuðum, er gengisferillinn lægri allt spátímabilið en gert var ráð fyrir í nóvember. Mestu munar framan af spátímanum, eins og sjá má á mynd 1. Hins vegar er gert ráð fyrir því að gengi krónunnar verði nokkuð svipað í lok spátímans og í upphafi hans, en í nóvember var gert ráð fyrir að gengið lækk-aði nokkuð þegar líða tæki á spátímann. Gengisferillinn er hins vegar áþekkur þeim sem áætlaður var í fráviksdæmi í síðustu *Peningamálum*, en lækkunin nokkru snarpari. Á tímabili liggur hann utan 90% óvissubils síðustu grunnspá.

Slaki í þjóðarbúskapnum myndast ári seinna en áður var talið

Vöxtur framleiðslugetu þjóðarbúskaparins er metinn u.p.b. einni prósentu meiri árið 2006 en áætlað var í nóvember. Framleiðsluspenna þá er minni sem því nemur. Á árinu 2007 snýst þetta smám saman við vegna þess að hagvöxtur reyndist meiri en Seðlabankinn spáði. Í lok síðasta árs er áætlað að spennan hafi verið rúmlega prósentu meiri en talið var í síðustu *Peningamálum* (sjá mynd 2). Framleiðsluspennan helst nokkru meiri út spátímann en í nóvemberspánni, þrátt fyrir að framboð lánsfjár hafi minnkað og óvissa á innlendum og erlendum fjármálamörkuðum aukist (sjá einnig umfjöllun í rammagrein IV-1). Slaki myndast því ekki fyrr en á seinni hluta næsta árs, um ári seinna en spáð var í nóvember. Ólíkt nóvemberspánni nær slakinn hámarki eftir lok spátímans eða í árslok 2011. Eins og sést á mynd 2, var talið frekar ólíklegt í nóvember að framleiðsluspenna myndi þróast eins og nú er spáð.

Verðbólguhorfur til næstu tveggja ára hafa versnað töluvert

Verðbólga á fjórða ársfjórðungi 2007 reyndist meiri en spáð var í *Peningamálum* 2007/3 og verðbólga á fyrsta fjórðungi þessa árs var tveimur prósentum meiri. Þar munar mest um áhrif ofangreindrar gengislækkunar krónunnar, þótt áhrifa hennar muni gæta enn frekar á næsta ársfjórðungi. Jafnframt er ljóst að undirliggjandi vexti eftirsprungar var vanspáð og þar með undirliggjandi kostnaðarþrýstingi. Að lokum hafa ýmsar hrá- og matvörur hækkað verulega á alþjóðamörkuðum og er enn frekari hækkaná vænst.

Vegna þess að verðbólga við upphaf spátímabils er mun meiri en spáð var í nóvember eru verðbólguhorfur til skemmri tíma töluvert verri. Nú er talið að verðbólga á öðrum fjórðungi þessa árs verði tæplega 10%, í stað um 4½% í síðustu spá, og að verðbólga nái hámarki á þriðja ársfjórðungi í tæplega 11%, sem er um 7 prósentum meiri verðbólga en spáð var í nóvember (sjá mynd 3). Í kjölfarið fer verðbólga lækkandi en mun hægar en í nóvemberspánni, ekki síst


Rammagrein IX-1

Breytingar á verðbóluspá frá Peningamálum 2007/3

Mynd 1

Gengisvísitala

Grunnspá og óvissumat PM 2007/3 ásamt grunnspá PM 2008/1




Heimild: Seðlabanki Íslands.

Mynd 2


Framleiðsluspenna

Grunnspá og óvissumat PM 2007/3 ásamt grunnspá PM 2008/1



Heimildir: Hagstofa Íslands, Seðlabanki Íslands.


Mynd 3
Verðbólga
Grunnspá og óvissumát PM 2007/3 og grunnspá PM 2008/1



Heimildir: Hagstofa Íslands, Seðlabanki Íslands.


56

Mynd 4
Verðbólga
Grunnspá PM 2008/1 og spá með stýrivöxtum PM 2007/3



Heimildir: Hagstofa Íslands, Seðlabanki Íslands.

Mynd 5
Stýrivextir
Grunnspá og óvissumát PM 2007/3 ásamt grunnspá PM 2008/1



Heimild: Seðlabanki Íslands.

vegna tölувart hærri verðbólguvæntinga á spátímanum. Verðbólga verður þó komin í markmið á þriðja ársfjórðungi 2010, ári síðar en spáð var í nóvember.

Samkvæmt líkindadreifingu nánast talin óhugsandi. Verðbólga fer ekki inn fyrir 50% bil líkindadreifingarinnar fyrr en undir lok spátímans.

Áhrif á stýrivaxtaferil grunnspáinnar

Sakir meiri verðbólgu og verðbólguvæntinga en spáð var í nóvember verður aðhald peningastefnunnar, eins og það birtist í raunstýrivöxtum, minna en í síðustu grunnspá. Á móti kemur þó að áhættuálag á vexti og aðgengi fyrirtækja og heimila að lánsfé hefur versnað verulega að undanförnu. Fjármálaleg skilyrði hafa því versnað, eins og fjallað er um í kafla III.

Með stýrivaxtaferli nánast talin óhugsandi hefði verðbólga orðið meiri en í grunnspánni, enda líklegt að gengi krónunnar hefði haldið áfram að lækka. Verðbólga hjaðnar einnig hægar og væri rúmlega 4% í lok spátímans í stað þess að vera við markmiðið eins og í grunnspánni. Stýrivaxtaferill nánast talin óhugsandi hefði því alls ekki dugað til þess að veita verðbólguvæntingum kjölfestu.

Pótt stýrivextir séu orðnir nokkru hærri en í síðustu grunnspá er ferillinn áþekkur þeim sem gert var ráð fyrir í fráviksdæmi í síðustu Peningamálum. Í því var viðbrögðum við snarprí lækjun gengis krónunnar einmitt lýst. Í grunnspánni núna er gert ráð fyrir að vextir hækki um 0,75 prósentur og haldist síðan óbreyttir fram á fjórða ársfjórðung bessa árs er þeir taka smám saman að lækka. Stýrivextir lækka nú heldur seinna og töluvart hægar en spáð var í nóvember. Ástæðan er fyrst og fremst mun verri verðbólguhorfur í kjölfar mikillar lækjunar á gengi krónunnar og meiri undirliggjandi eftirsprungar- og kostnaðarþrystings, eins og áður hefur verið rakið. Þar að auki hafa hlutlausir stýrivextir (þ.e. það stýrivaxtaferil sem hvorki letur né hvetur efnahagslífið) verið endurmetnir upp á við í ljósi reynslu undanfarinna ára. Þetta stýrivaxtaferil hefur hingað til verið talið á bilinu 5½-6½% (þ.e. hlutlausir raunvextir á bilinu 3-4% að viðbættu 2,5% verðbólgu markmiði) en eru nú taldir liggja nær 6½-7½%. Hlutlausir vextir eru metnir nokkru hærri en í Bandaríkjum og á evrusvæðinu en nær hlutlausum vöxtum á Nýja-Sjálandi, enda margt líkt með löndunum, t.d. lítil sparnaðarhneigð og há arðsemi fjármagns. Stýrivextir eru því nokkru hærri í lok spátímans en í nánast talin óhugsandi. Þeir eru þó innan 75% óvissubils síðustu spár á meginhluta spátímbilsins (mynd 5).

metin út frá sögulegum gögnum sem endurspeglar ekki endilega nýjar aðstæður í þjóðarbúskapnum. Í mörgum tilvikum þarf að gefa sér forsendur um þróun mikilvægra efnahagsstærða sem hafa veruleg áhrif á efnahagsþróunina. Frávik frá spám eru því stundum veruleg. Þegar ójafnvægi er mikið og fátt um sögulegar hliðstæður eða sambærilegar aðstæður í öðrum löndum til að taka mið af er óvissan meiri en þegar jafnvægi ríkir. Slíkar aðstæður ríkja nú. Viðskiptahalli er enn mikill, sem gerir gengisþróun að venju fremur óvissa. Fasteignaverð hefur aldrei verið hærra og skuldir einstaklinga og fyrirtækja aldrei meiri, en til samans skapar þetta verulega óvissu um miðlun peningastefnu um fjármálakerfið.

Helstu óvissuþættir spárinnar eru tilgreindir í töflu IX-1. Í síðustu *Peningamálum* var snörp gengislækkun talin stærsti óvissuþátturinn. Það hefur nú komið í ljós að var rétt mat. Núverandi aðstæður á fjármálamörkuðum fela enn í sér nokkrar líkur á meiri lækkun, en ekki jafn afgerandi og síðast. Lægra raungengi nú veldur því að óvissan er ekki jafn einhliða og áður. Í síðustu *Peningamálum* voru einnig taldar töluberðar líkur á að niðurstöður kjarasamninga yrðu lakari en gert var ráð fyrir í grunnspánni og aðhald í opinberum fjármálum minna af þeim sökum. Þá voru taldar töluberðar líkur á frekari uppbyggingu áliðnaðar. Allir þessir óvissuþættir eru orðnir að veruleika, sem skýrir hvers vegna verðbólguhorfur eru mun lakari nú en grunnspáin í növember gaf til kynna.

Mikilvægustu óvissuþættirnir nú varða þróun launa og eignaverðs. Þess vegna er gerð grein fyrir þeim sérstaklega með tveimur fráviksdæmum í rammagrein IX-2. Í fyrra fráviksdæminu er gengi krónunnar nokkru lægra í upphafi spátímans og helst veikt til loka hans. Það veldur meiri launahækkunum en talið er í grunnspánni. Í dæminu hækkar Seðlabankinn vexti meira en í grunndæminu til þess að koma í veg fyrir vítahring gengislækkana og vaxandi verðbólgu. Í seinna fráviksdæminu er skoðað hvernig verðbólga og vextir þróast ef samdráttur á húsnæðismarkaði verður snarpari en í grunnspánni á sama tíma og gengi krónunnar helst veikt. Áhrif lægra gengis vega þyngra framan af og verður verðbólga því meiri en í grunnspánni. Þegar líða tekur á næsta ár snýst þetta hins vegar við. Þá yrðu verðbólga og vextir lægri en í grunnspánni enda samdrátturinn í þjóðarbúskapnum meiri. Dæmið lýsir þeim vanda sem Seðlabankinn stendur frammi fyrir vegna þess að ekki hefur tekist að skapa verðbólguvæntingum nægilega trausta kjölfestu.

Enn eru meiri líkur á að verðbólgu verði vanspáð ...

Við mat á efnahagshorfum er horft til óvissumats grunnspárinnar ekki síður en til grunnspárinnar sjálfrar. Reiknuð er líkindadreifing framleiðsluspennu, gengis krónunnar, verðbólgu og stýrivaxta. Breidd líkindadreifingarinnar varpar ljósi á hve mikil óvissan er og lögun hennar endurspeglar mat á því í hvora áttina hún er. Þó er horft framhjá margvíslegri óvissu sem er meðhöndlud sem ytri stærðir í spánni, eins og t.d. þróun á alþjóðlegum fjármálamörkuðum og fjárfesting í stóriðju.


Mikil óvissa um gengi krónunnar endurspeglast í breiðari líkindadreifingu spárinnar (sjá mynd IX-2). Til skamms tíma litið eru

Tafla IX-1 Helstu ósamhverfir óvissupættir grunnspár

Mynd IX-2

Gengisvítila

Spátmabil 2. ársfj. 2008 - 1. ársfj. 2011




Heimild: Seðlabanki Íslands.

58

Mynd IX-3

Framleiðsluspenna

Spátmabil 2. ársfj. 2008 - 1. ársfj. 2011




Heimildir: Hagstofa Íslands, Seðlabanki Íslands.

Mynd IX-4

Verðbólga

Spátmabil 2. ársfj. 2008 - 1. ársfj. 2011



Heimildir: Hagstofa Íslands, Seðlabanki Íslands.

Óvissupáttur

Gengisþróun

Skýring

Mikill viðskiptahalli og endurmat alþjóðlegra fjárfesta á áhættu gætu ýtt undir enn frekari gengislækkun krónunnar.

Hætta er á því að mikil verðbólga geti haft meiri áhrif á verð-ákværðanir fyrirtækja en gert er ráð fyrir í grunnspánni. Það gæti t.d. komið fram í hraðari og meiri áhrifum gengislækkunar á innlent verðlag.

Launakostnaður

Launahækkanir vegna nýgerðra kjarasamninga gætu orðið meiri en gert er ráð fyrir í grunnspá í tengslum við endurskoðunarákvæði samninganna.

Íbúðamarkaður

Húsnaðisverð gæti lækkað hraðar og samdráttur á byggingsmarkaði orðið meiri og atvinnuleysi aukist meira.

Miðlunarferli peningastefnunnar

Verði miðlun peningastefnunnar hraðari getur verðbólga hjaðnað hraðar og stýrivextir lækkað fyrir.

Taldar meiri líkur á lægra gengi krónunnar heldur en hækjun þess umfram það sem reiknað er með í grunnspánni. Um miðvik spátímabilsins er dreifingin orðin samhverf en undir lok tímabilsins, þegar þjóðarbúskapurinn nálgast jafnvægi, eru taldar meiri líkur á að gengið verði hærra en í grunnspánni. Eins og áður var rakið er búist við því að framleiðsluspennan hverfi á öðrum ársfjórðungi 2009. Óvissumatið er sem fyrr skekkt upp á við á fyri hluta spátímabilsins því að hætta er talin á vanmati framleiðsluspennu í sögulegum gögnum (mynd IX-3). Dreifing framleiðsluspennu verður hins vegar samhverf er líður á spátímabilið. Þar vegast á líkur á meiri samdrætti vegna veikari húsnæðismarkaðar og minni samdráttur vegna meiri launahækkaná líkt og fráviksdæmin gefa til kynna.

Óvissupættir spárinnar leiða til þess að meira en helmings líkur eru á að verðbólga verði meiri en í grunnspánni í byrjun spátímabilsins (sjá mynd IX-4). Hætta er á að gengi krónunnar haldist lægra en spár gera ráð fyrir. Það leiðir til aukins kostnaðarþrýstings og meiri verðbólgu. Miðað við líkindadreifingu eru um helmings líkur á að verðbólga verði á bilinu 1-4% þegar verðbólguarkmiðið næst samkvæmt grunnferlinum á þriðja ársfjórðungi 2010. Sáralitlar líkur eru á að verðbólguarkmiðið náist á þriðja fjórðungi næsta árs, þegar markmiðinu átti að vera náð samkvæmt nómberspánni.

... og því talsverðar líkur á að þörf sé fyrir aðhaldssamari peningastefnu en felst í grunnspá


Óvissa við mat á þjóðhags- og verðbólguhorfum endurspeglast í óvissu um hvernig stýrivaxtaferil þarf til þess að ná verðbólguarkmiðinu innan viðunandi tíma. Verði efnahagsframvindan eða miðlun peningastefnunnar með öðrum hætti en gert er ráð fyrir í grunnspánni þurfa stýrivextir að taka mið af því.

Stýrivaxtaferill grunnspárinna er töluvert breytt frá síðustu Peningamálum. Vextir voru hækkaðir 25. mars sl. um 1,25 prósentur úr 13,75% í 15%. Í núverandi spá hækka vextir um 0,75 prósentur til viðbótar og haldast óbreyttir fram á fjórða fjórðung þessa árs en þá taka þeir smám saman að lækka. Í síðustu spá var gert ráð fyrir að

vaxtalækkunarferlið myndi hefjast ársfjórðungi fyrr. Í ljósi áhættumats verðbóluspárinna eru hins vegar töluverðar líkur á því að hækka þurfi vexti enn frekar og að vaxtalækkun hefjist síðar. Fyrra fráviksdæmið í rammagrein IX-2 styður þá ályktun, en samkvæmt því þurfa vextir að hækka enn frekar og lækka seinna en í grunnspánni. Seinna fráviksdæmið gefur hins vegar til kynna að vextir gætu lækkað hraðar á næsta ári verði samdrátturinn í efnahagslífinu enn meiri en búist er við í grunnspánni. Fari samdráttur á húsnæðismarkaði saman við gengislækkun krónunnar er óhjákvæmilegt að lækkun vaxta tefjist.

Líkindadreifing stýrivaxtaferilsins hefur áþekka lögun og líkindadreifing verðbólgu. Mynd IX-5 sýnir að verulegar líkur eru á að vextir verði á bilinu $15\frac{1}{4}$ - $16\frac{1}{2}\%$ að meðaltali á öðrum fjórðungi þessa árs. Á þriðja ársfjórðungi eru samsvarandi líkur á að vextir verði á bilinu 15 - $17\frac{1}{4}\%$. Þegar líða tekur á spátímabilið er óvissubilið orðið mjög breitt en það undirstrikar hve mikil óvissa er um framvindu efnahagsmála um þessar mundir.

Mynd IX-5
Stýrivextir
Spátímabil 2. ársfj. 2008 - 1. ársfj. 2011




Heimild: Seðlabanki Íslands.

Rammagrein IX-2


Fráviksdæmi

Mynd 1
Stýrivextir - fráviksdæmi



Heimild: Seðlabanki Íslands.

Mynd 2
Verðbólga - fráviksdæmi



Heimild: Hagstofa Íslands, Seðlabanki Íslands.

Sökum ófyrirséðra atburða og breytinga á forsendum um þróun mikilvægra þátta efnahagslifsins víkur raunveruleg efnahagsframvinda stundum verulega frá spám. Gagnlegt er því að meta hversu næmar niðurstöður grunnspár eru fyrir frávikum sem gætu orðið í þróun ýmissa lykilstærða efnahagslifsins. Möguleg frávik eru vitanlega fjölmög en reynt er að meta helstu áhættuþættina hverju sinni og kanna nánar áhrif tveggja þátta sem taldir eru vega þyngst hverju sinni.

Fyrri spám hafa fylgt fráviksdæmi er lýstu mögulegum viðbrögðum peningastefnunnar við uppbyggingu álvors í Helguvík, snarpri lækkun gengis krónunnar og óhagstæðari niðurstöðu kjarasamninga en gert hefur verið ráð fyrir í grunnspá. Þessir áhættuþættir hafa komið fram eða eru nú taldir það líklegir að þeir eru hluti grunnspárinnar. Að þessu sinni eru mikilvægustu óvissupþættirnir taldir vera óhagstæðara samspli gengis og launahækkanum en gert er ráð fyrir í grunnspánni annars vegar og snarpari samdráttur á innlendum íbúðamarkaði hins vegar, sem tengist lægra gengi krónunnar.

Frekari gengislækkun krónunnar og hækken launa gæti kallað á hærrí stýrivexti

Í síðustu Peningamálum var fjallað um hugsanleg viðbrögð peningastefnunnar við snarpri lækkun gengis krónunnar og hækken vaxtaálags á erlendar fjárskuldbindingar innlendra aðila. Segja má að þetta fráviksdæmi hafi í stórum dráttum gengið eftir, þótt ekki beri að skilja fráviksdæmin sem eiginlegar spár. Raungengi hefur því lækkað töluvert frá því í nóvember en það dregur úr líkum á miklu viðbótar gengisfalli. Ekki er þó útilokað að gengisþróunin verði óhagstæðari en felst í grunnspánni. Með hliðsjón af aðstæðum á fjármálamörkuðum og stöðu bankakerfisins má halda því fram að töluverðar líkur séu á nokkru óhagstæðari gengisþróun en í grunnspánni. Lægra gengi krónunnar felur í sér hættu á meiri hækken launa en gert er ráð fyrir í grunnspánni. Í versta falli gæti vitahriringur lækkandi gengis og vaxandi launakrafna leitt til stigvaxandi verðbólgu rjúfi peningastefnan ekki vitahriringinn hið fyrsta og skapi verðbólguvætingum kjölfestu.

Í þessu fráviksdæmi er gert ráð fyrir að gengi krónunnar haldist áfram lágt í stað þess að hækka framan af, eins og í grunnspánni. Gengisvíitalan helst á bilinu 150-160 stig út spátmann. Í grunnspánni er gert ráð fyrir nokkurri hækken launa við endurskoðun kjarasamninga snemma á næsta ári, en hættan er sú að kröfur um hækken launa verði háværari eftir því sem gengisþróunin verður óhagstæðari. Í þessu fráviksdæmi er því gert ráð fyrir að laun hækki tæplega þremur prósentum meira en í grunnspánni á fyrri hluta næsta árs.

Verðbólguhorfur eru því nokkru verri í þessu fráviksdæmi en felast í grunnspánni. Verðbólga er því sem næst prósentu meiri á fjórða fjórðungi þessa árs en í grunnspánni og munurinn verður mestur 1½ prósentu um mitt næsta ár. Til að reyna að koma í veg fyrir að verðbólguhorfur versni varanlega þarf Seðlabankinn að bregðast við með hækken stýrivaxta. Vextir eru hækkaðir um samtals 0,5 prósentur til viðbótar því sem gert er ráð fyrir í grunnspánni um mitt þetta ár og byrja ekki að lækka fyrr en snemma á næsta ári. Að auki yrði lækkun stýrivaxta þar eftir hægari en í grunnspánni. Munur á stýrivöxtum miðað við grunnspá nær hámarki um mitt næsta ár þegar stýrivextir í fráviksdæminu eru rúmlega þremur prósentum hærri (sjá mynd 1). Í lok spátmans eru vextir einnig hærri en í grunnspánni. Með þessum stýrivaxtaferli tekst að koma verðbólgu í markmið undir lok spátmans (sjá mynd 2).

Snarpari samdráttur á íbúðamarkaði gefur færi á hraðari lækkun stýrivaxta

Á undanförnum áratug hefur raunverð íbúðarhúsnaðis á höfuðborgarsvæðinu og víðar meira en tvöfaldast. Hækkunin var sérlega hröð árin 2004 og 2005. Svipuð bylgja hækkaná húsnæðisverðs hefur átt sér stað viða um heim, en hækkunin á Íslandi hefur verið með mesta móti. Í nokkrum löndum er hækkunin farin að ganga til baka, a.m.k. að raunvirði og jafnvel í sumum löndum, t.d. í Bandaríkjunum og írlandi, hefur nafnverð lækkað umtalsvert.¹ Jafnframt hefur íbúðafjárfesting dregist saman og atvinnuleysi í byggingariðnaði aukist.

Í grunnspánni er eins og í spám undanfarið ár gert ráð fyrir því að nafnverð húsnæðis taki að lækka þegar líða tekur á þetta ár. Lækkun raunvirðis húsnæðis næstu tvö árin verður mun meiri, enda verðbólga mikil. Jafnframt er gert ráð fyrir að íbúðafjárfesting dragist nokkuð saman. Lækkun húsnæðisverðs er þó ekki meiri en svo að raunverð húsnæðis er í lok spátímans komið í meðaltal áranna 1995-2007. Það felur í sér að hækkun húsnæðisverðs umfram almennt verðlag frá árinu 2003 gangi að mestu leyti til baka. Hlutfall íbúðafjárfestingar af vergri landsframleiðslu er jafnframt tæplega 6% í árslok 2010 en það fór hæst í tæplega 7% í lok síðasta árs. Þetta hlutfall er nokkru hærra en talið hefur verið langtímagfnvægishlutfall íbúðafjárfestingar en það er talið hafa verið um 7% á áttunda áratug síðustu aldar, á meðan uppbygging stórra nýrra hverfa í Reykjavík stóð yfir, en hafa lækkað smáum saman í um 4% um miðjan tíunda áratuginn.²

Í fráviksdæminu er því gert ráð fyrir að áhrif lánsfjártregðu og hækandi áhættuálags á fjármagn leiði til meiri samdráttar á húsnæðismarkaði og lægra gengis en reiknað er með í grunnspánni. Húsnæðisverð lækkar því heldur meira en í grunnspánni og samdráttur í byggingariðnaði verður töluvert meiri. Raunverð húsnæðis lækkar því heldur meira framan af en leitar aftur í langtímagfnvægishlutfallið í lok spátímans. Alls lækkar húsnæðisverð að raunvirði um hátt í 40% á spátímanum sem er svipuð lækkun og í sumum Norðurlandanna í byrjun tíunda áratugar síðustu aldar. Lækkun nafnverðs varð þó í sumum tilvikum töluvert meiri þar, enda horfur á meiri verðbólgu hér á landi. Hlutfall íbúðafjárfestingar af landsframleiðslu lækkar einnig smáum saman og er orðið um 3% í árslok 2010. Vaxandi atvinnuleysi verður jafnframt meðal byggingarverkamanna, þótt á móti komi að hluti þeirra hverfur af landi brott. Atvinnuleysi yrði samkvæmt þessu 5% að meðaltali árið 2010 en er nálægt 6% í lok spátímans. Samdráttur innlendrar eftirspurnar er því nokkru meiri en í grunnspánni. Á móti vegur hins vegar að gengi krónunnar er veikara en í grunnspánni. Í stað þess að styrkast aðeins framan af spátímanum, eins og í grunnspánni, heldur gengi krónunnar áfram að veikjast út spátímann og er orðið um 11% veikara en í grunnspánni í lok spátímans.

Vandi Seðlabankans í þessu fráviksdæmi felst í því að verðbólgvæntingar hafa ekki nægra kjölfestu. Það takmarkar svigrúm bankans til þess að bregðast skjótt við samdrætti á íbúðamarkaði. Smitun út á vinnumarkað og þaðan út í einkaneyslu verður því meiri en ella. Áhrif lægra gengis yfirgnæfa áhrif veikari húsnæðismarkaðar framan af. Verðbólga er því heldur meiri en í grunndæminu fram á seinni hluta næsta árs. Þá fara áhrif snarpari samdráttar hins vegar að vega þyngra. Í dæminu er gert ráð fyrir að stýrivextir séu hinir sömu og í grunnspánni fram á fyrsta ársfjórðung næsta árs. Þá taka þeir að

1. Samkvæmt Case-Schiller-vísitölunni hefur fasteignaverð í helstu borgum Bandaríkjanna lækkað um 11% undanfarið ár. Í sumum borgum hefur lækkunin verið töluvert meiri.
2. Sjá Lúðvík Elíasson og Þórarinn G. Pétursson (2008), „The residential housing market in Iceland: Analysing the effects of the recent mortgage market restructuring”, *Housing Studies*, væntanleg.

lækka og lækka að lokum hraðar en í grunndæminu. Á síðasta fjórðungi 2009 eru vextir orðnir um prósentu lægri en í grunnsþánni og í lok spátímans eru þeir um tveimur prósentum lægri (sjá mynd 1). Með þessum stýrivaxtaferli tekst að ná verðbólgu í markmið á þriðja ársfjórðungi 2010 (sjá mynd 2).

Svigrúm Seðlabankans til þess að bregðast við áföllum takmarkast af trausti á peningastefnuna

Ofangreind fráviksdæmi sýna í hnottskurn þann vanda sem peningastefnan á við að etja í glímunni við verðbólguna. Annars vegar stendur Seðlabankinn frammi fyrir hættu á því að missa tökin á verðbólgunni sem gæti endað í vítahring gengislækkunar og viðvarandi launa- og verðhækkana. Hins vegar kann bankinn að standa frammi fyrir miklum samdrætti eftirspurnar sem æskilegt væri að milda. Svigrúm hans til þess er hins vegar afar takmarkað vegna þess hve verðbólguvætingar eru háar og óstöðugar.

Fráviksdæmin ber þó ekki að skoða sem spár heldur tæki til þess að varpa ljósi á áhrif helstu óvissuþáttu grunnspráinnar á verðbólguhorfur og hugsanleg viðbrögð peningastefnunnar við frávikum. Hve sterk viðbrögðin þurfa að vera ræðst að nokkru leyti af trúverðugleika peningastefnunnar. Skorti traust á að Seðlabankinn hafi vilja og getu til þess að halda verðbólgu í nánd við markmið þarf kröftugri viðbrögð. Fráviksdæmin sýna hvernig Seðlabankinn getur brugðist við óvissuþáttum með kerfisbundnum og fyrirsjánlegum hætti.

Viðauki 1

Yfirlit þjóðhags- og verðbóluspá 2008/1

Tafla 1 Þjóðhagsspá¹

Í ma.kr.	Magnbreytingar frá fyrra ári (%) nema annað sé tekið fram				
	2007	2007	2008	2009	Spá 2010
Landsframleiðsla og helstu undirliðir hennar					
Einkaneysla	746,6	4,2 (3,6)	0,3 (-1,7)	-7,0 (-6,5)	-6,6 (-1,5)
Samneysla	314,4	3,3 (3,2)	3,5 (3,4)	4,0 (3,0)	3,5 (3,0)
Fjármunamynndun	351,6	-14,9 (-19,5)	-5,2 (-15,3)	-0,4 (-11,4)	-2,4 (11,5)
Atvinnuvegafjárfesting	213,1	-25,4 (-30,7)	-16,2 (-28,3)	4,1 (-22,7)	1,9 (24,4)
Fjárfesting í íbúðarhúsnæði	90,6	13,2 (9,5)	5,7 (1,9)	-11,9 (-4,3)	-7,2 (-3,0)
Fjárfesting hins opinbera	47,9	4,3 (2,0)	29,4 (14,0)	1,5 (10,5)	-10,6 (4,7)
Þjóðarútgjöld	1.415,6	-2,3 (-3,4)	-0,3 (-3,7)	-3,3 (-5,7)	-3,2 (2,2)
Útflutningur vöru og þjónustu	451,7	18,1 (4,2)	4,5 (14,1)	0,2 (5,0)	4,2 (5,2)
Innflutningur vöru og þjónustu	587,9	-1,4 (-8,6)	-2,6 (-0,1)	-2,2 (-4,9)	-0,6 (4,6)
Verg landsframleiðsla	1.279,4	3,8 (0,9)	2,2 (0,4)	-2,5 (-2,0)	-1,5 (2,3)
Aðrar lykilstærðir					
Viðskiptajöfnuður (% af landsframleiðslu)		-15,6 (-18,0)	-16,6 (-14,4)	-12,2 (-10,5)	-9,9 (-10,0)
Framleiðsluspenna (% af framleiðslugetu)		3,1 (1,9)	2,6 (-0,3)	-1,9 (-4,1)	-4,6 (-3,4)
Launakostnaður á framleidda einingu (br. ársmeðaltala)		6,9 (8,3)	5,9 (4,2)	4,7 (2,0)	4,1 (2,5)
Kaupmáttur ráðstöfunartekna (br. milli ársmeðaltala)		5,8 (5,6)	-3,1 (-2,8)	-3,2 (-2,8)	0,8 (0,7)
Atvinnuleysi (% af mannafla)		1,0 (1,1)	2,1 (2,7)	3,5 (4,2)	4,1 (4,0)
Gengisvístala erlendra gjaldmiðla (31/12 1991 = 100)		118,4 (118,0)	142,6 (118,8)	140,5 (127,3)	142,6 (135,8)

1. Tölur í svigum eru spá Peningamála 2007/3.

Tafla 2 Verðbólgu- og stýrivaxtaspá (%)²

Ársfjórðungur	Stýrivextir (br. frá sama tíma ári áður)	Verðbólga	Verðbólga (br. frá fyrrí ársfjórðungi á ársgrundvelli)
		Mæld gildi	
2007:1	13,3 (13,3)	6,5 (6,5)	2,0 (2,0)
2007:2	13,3 (13,3)	4,4 (4,4)	5,8 (5,8)
2007:3	13,3 (13,3)	3,9 (3,9)	5,6 (5,6)
2007:4	13,6 (13,4)	5,4 (4,8)	8,4 (5,9)
2008:1	14,2 (13,8)	7,0 (4,9)	8,2 (2,2)
Spáð gildi			
2008:2	15,8 (13,8)	9,7 (4,5)	17,0 (4,1)
2008:3	15,8 (13,3)	10,7 (3,9)	9,3 (3,4)
2008:4	15,1 (12,3)	9,9 (3,1)	5,3 (2,7)
2009:1	13,8 (9,9)	8,9 (3,2)	4,6 (2,6)
2009:2	11,9 (7,3)	6,0 (2,9)	4,7 (2,9)
2009:3	10,1 (5,1)	4,8 (2,5)	4,4 (1,8)
2009:4	8,7 (4,3)	4,1 (2,4)	2,7 (2,1)
2010:1	7,6 (4,3)	3,5 (2,3)	2,3 (2,2)
2010:2	6,8 (4,3)	3,2 (2,4)	3,3 (3,4)
2010:3	6,3 (4,3)	2,5 (2,5)	1,6 (2,4)
2010:4	6,3	2,2	1,5
2011:1	6,3	2,0	1,4
Ársmeðaltal			
2007	13,4 (13,3)	5,0 (4,9)	
2008	15,2 (13,3)	9,3 (4,1)	
2009	11,1 (6,7)	5,9 (2,7)	
2010	6,7 (4,1)	2,8 (2,4)	

2. Tölur í svigum eru spá Peningamála 2007/3.

Viðauki 2

Könnun á mati sérfræðinga á fjármála-markaði á horfum í efnahagsmálum

Fyrir hverja útgáfu *Peningamála* gerir Seðlabankinn könnun á mati sérfræðinga á horfum í efnahagsmálum. Könnunin var gerð í byrjun apríl og voru þáttakendur Askar Capital hf. og greiningardeildir Glitnis hf., Kaupþings hf. og Landsbanka Íslands hf. Helstu breytingar frá spá sömu aðila í október sl. eru að þeir spá mun meiri verðbólgu en minni hagvexti á þessu ári. Einnig búast þeir við lækkun húsnæðisverðs. Spá flestra þeirra um þróun stýrivaxta er mjög áþeppk stýrivaxtaferli grunnspár Seðlabankans.

64

PENINGAMÁL 2008 • 1

Verðbólguhorfur eru mjög slakar

Í kjölfar aukins verðbólguþrýstings undanfarna mánuði og gengislækkunar krónunnar hafa verðbólguhorfur á spátímanum versnað verulega. Meðalspá sérfræðinganna hljóðar upp á rúmlega 9% verðbólgu á þessu ári sem er svipað og í grunnspá Seðlabankans. Flestir gera ráð fyrir að verðbólgu markmiðinu verði ekki náð á spátímanum og reikna sérfræðingarnir að meðaltali með 4,3% verðbólgu árið 2009 og 3½% verðbólgu árið 2010. Ef horft er þrjú ár fram í tímann búast þeir að meðaltali við að verðbólga standi þá enn í tæplega 4%. Í grunnspá Seðlabankans eru verðbólguhorfur á árinu 2009 verri en í spá sérfræðinganna og reiknað með 6% verðbólgu. Samkvæmt þeirri spá er verðbólgu markmiðinu náð í lok ársins 2010.

Hægir á hagvexti

Horfur eru á að um hægist í þjóðarbúskapnum á sama tíma og verðbólga eykst. Sérfræðingarnir spá minni hagvexti á þessu og næsta ári en í síðustu könnun. Að meðaltali búast þeir við að hagvöxtur verði hverfandi á þessu ári en aukist í 1½% á árinu 2009. Einn svarenda býst þó við samdrætti í ár og á næsta ári. Í grunnspá Seðlabankans er gert ráð fyrir meiri hagvexti á þessu ári vegna jákvæðs framlags utanríkisviðskipta eða rúmlega 2% en að samdráttur innlendar eftirspurnar leiði til 2½% samdráttar á árinu 2009. Flestir sérfræðinganna reikna með að hagvöxtur hafi glæðst á árinu 2010 og verði rúmlega 3% sem er svipað og í síðustu könnun. Í grunnspá Seðlabankans er hins vegar gert ráð fyrir 1½% samdrætti.

Mikil óvissa um gengisþróun krónunnar

Gengi krónunnar hefur gefið verulega eftir á undanförnum vikum vegna óróa á fjármálamörkuðum og minnkandi vaxtamunrar á markaði fyrir gjaldeyrisskiptasamninga. Þó er gengisferillinn nokkuð stöðugur að mati sérfræðinganna sem spá því að gengisvítsalan verði að meðaltali tæplega 140 stig bæði á þessu og næsta ári. Svörin liggja hins vegar á nokkuð breiðu bili. Meðalspá sérfræðinganna er í samræmi við grunnspá Seðlabankans þar sem gengisvítsalan er að meðaltali rúmlega 140 stig á þessu og næsta ári. Til langs tíma litið spá þeir ívið sterkari krónu.

Háir stýrivextir fram á árið 2009

Stýrivextir Seðlabankans voru hækkaðir í lok mars sl. um 1,25 prósentur í 15% eftir að hafa verið óbreyttir síðan í nóvember. Sérfræðingarnir eru einróma um að stýrivextir haldist háir fram á næsta ár og spá því að þeir verði að meðaltali 14,7% á þessu ári. Spáin fyrir árið 2009 hljóðar upp á tæplega 12% meðalstýrivexti og reikna sérfræðingarnir með að þeir verði komnir niður í 7,7% að þremur árum liðnum. Flestir búast við nokkru aðhaldssamari peningastefnu á spátímanum en felst í grunnspá Seðlabankans. Tveir þáttakendur spá því að stýrivextir verði hækkaðir á næsta vaxtaákvörðunardegi 10. apríl og meirihluti sérfræðinganna býst síðan við vaxtalækkun á seinni helmingi þessa árs. Stýrvaxtaferill greinenda er mjög áþekkur þeim stýrvaxtaferli sem liggar til grundvallar grunnspá Seðlabankans (sjá mynd 1).


Breyttar aðstæður á eignamörkuðum

Mikið hefur gengið á á hlutabréfamarkaði á undanförnum mánuðum og úrvalsvítsalan lækkað hratt. Að meðaltali spá sérfræðingarnir því að úrvalsvítsalan standi í tæplega 5.200 stigum að ári liðnu og rúmlega 6.100 eftir tvö ár.

Allir sérfræðingarnir reikna með lækkun húsnaðisverðs á næstu tólf mánuðum en verulega hefur dregið úr umsvifum á húsnaðismarkaði. Að meðaltali spá sérfræðingarnir tæplega 5% verðlækkun eitt ár fram í tímum. Þeir eru nokkuð sammála um langtímahorfur og spá því að ársbreyting fasteignaverðs verði um 2% að tveimur árum liðnum.

Mynd 1

Stýrvaxtaferill PM 2008/1 og spá greiningaraðila
Spátímobil 2. ársfj. 2008 - 1. ársfj. 2011



Heimild: Seðlabanki Íslands.

65

PENINGAMÁL 2008 • 1


Tafla 1 Yfirlit yfir spá sérfræðinga á fjármálamaðraði¹

	2008			2009			2010		
	Meðaltal	Lægsta gildi	Hæsta gildi	Meðaltal	Lægsta gildi	Hæsta gildi	Meðaltal	Lægsta gildi	Hæsta gildi
Verðbólga (milli ársmeðalta)	9,1	7,9	10,5	4,3	3,2	7,2	3,5	2,1	4,5
Hagvöxtur	0,2	-0,5	1,0	1,5	-2,5	3,5	3,2	1,5	4,5
Gengisvítsala erl. gjaldmiðla (ársmeðaltal)	139	130	145	137	128	154	136	125	150
Stýrivextir Seðlabankans (ársmeðaltal)	14,7	14,5	14,9	11,8	10,5	14,4	8,6	6,9	10,7
	Mars 2009			Mars 2010			Mars 2011		
Verðbólga	5,7	3,8	9,8	4,0	2,1	5,0	3,7	2,7	4,5
Gengisvítsala erl. gjaldmiðla	136	131	151	137	127	156	134	124	150
Stýrivextir Seðlabankans	13,0	11,8	15,0	9,0	6,8	12,3	7,7	6,5	8,5
Langtímanafnvextir ²	8,7	7,2	11,5	7,9	6,5	11,0	7,1	6,5	8,0
Langtímarauvextir ³	4,0	3,3	4,3	3,9	3,7	4,0	3,7	3,2	4,0
Úrvalsvítsala aðallista	5.172	4.000	5.921	6.143	5.000	7.071	7.269	6.000	8.377
Ársbreyting fasteignaverðs	-4,7	-6,0	-2,9	2,0	0,0	3,0	4,2	3,0	5,0

1. Taflan sýnir breytingu milli tímabila í % nema að því er varðar gengi, vexti og úrvalsvítsolu. Sýnd eru þau gildi sem spáð er fyrir vexti (%), gengisvítsolu erlendra gjaldmiðla (stig) og úrvalsvítsolu aðallista (stig). Þáttakendur í könnuninni eru Askar Capital hf. og greiningardeildir Glitnis hf., Kaupþings hf. og Landsbanka Íslands hf. 2. Ávöxtunarkrafa í tilboðum viðskiptavaka í ríkisbréf (RIKB 19 0226). 3. Ávöxtunarkrafa í tilboðum viðskiptavaka í íbúðabréf (HFF 150644).

Heimild: Seðlabanki Íslands.

Mynd 1
Verðbóluspáir PM 2006/1 - PM 2007/3
og raunveruleg verðbólga



Heimildir: Hagstofa Íslands, Seðlabanki Íslands.

Viðauki 3

Skekjur í verðbóluspám Seðlabanka Íslands

Meginmarkmiðtningastefnu Seðlabankans er að stuðla að stöðugum verðlagi. Til að framfylgja því markmiði á fullnægjandi hátt þarf að fylgjast náið með líklegri framvindu verðbólgu og efnahagsmála á hverjum tíma, sérstaklega þar sem ákveðin tímatoft er í miðlunarferli tningastefnunnar. Í þessu sambandi getur reynst gagnlegt að skoða hversu vel verðbóluspáir bankans hafa staðist miðað við raunverulega verðbólgu og má þá átta sig m.a. á því hvort verðbólgu hefur verið kerfisbundið van- eða ofspáð í gegnum tíðina.

Verðbóluspár fyrir síðasta ár

Mynd 1 sýnir verðbóluspáir Seðlabankans birtar í *Peningamálum* hverju sinni ásamt raunverulegri þróun verðbólgu frá 2005 til fyrsta ársfjórðungs 2008. Hafa ber í huga að forsendur um stýrivexti eru mismunandi í spám bankans. Stýrivöxtum var haldið óbreyttum í spám fram til ársins 2007 en eftir það hóf bankinn að birta þjóðhagsspá sína með þeim stýrivaxtaferli sem þótti best til þess fallinn hverju sinni að ná verðbólgu í markmið. Sjá má að tvisvar á tíma-bilinu 2006-2007 skeikar verðbóluspá bankans verulega miðað við mælda verðbólgu. Fyrra skiptið var spá sem birtist í *Peningamálum* 2006/1. Krónan lækkaði snögglega á vormánuðum ársins 2006 sem olli aukinni verðbólgu og versnandi verðbólguhorfum. Í spám bankans á þeim tíma var reiknað með óbreytu gengi í grunnspá. Seinna skiptið var spá sem birtist í *Peningamálum* 2006/2. Þá var verðbólgu verulega ofspáð. Helstu skýringar þessa eru tvíþættar. Skammtíma-áhrif gengislækkunar krónunnar og endurskoðunar kjarasamninga í júní á launaþróun voru ofmetin og þar með áhrif þeirra á verðbólgu til skamms tíma. Hins vegar er eftirtektarvert að þrátt fyrir þetta voru langtímaáhrifin á launaþróun rétt metin. Í árslok 2007 var allt það launaskrið sem Seðlabankinn hafði reiknað með komið fram, en mun seinna en reiknað var með sumarið 2006. Þá verður að hafa í huga að Seðlabankinn brást af festu við verðbólguáhrifum lækkandi gengis og gerði um leið forsendur verðbóluspárinna í *Peningamálum* 2006/2 að engu. Í lok árs 2006 var verðbólga því minni en spáð var í *Peningamálum* 2006/2 og jafnvel í þriðja hefti einnig. Við þetta bættust svo áhrif lækkunar óbeinna skatta á vísitölu neysluverðs á fyrsta fjórðungi ársins 2007, sem var kynnt haustið 2006 eftir birtingu *Peningamála* í júlí. Auk þess reyndist gengi krónunnar mun sterkara en gert var ráð fyrir í spám bankans. Spár sem birtust í *Peningamálum* á síðasta ári voru mun nær raunverulegri verðbólgu á síðasta ársfjórðungi 2007 en var þó vanspáð.

Á mynd 2 eru spár sérfræðinga á fjármálamarkaði og fjármálaráðuneytis á tíma-bilinu september 2005 til október 2007 bornar saman við spár Seðlabankans um þróun verðbólgu milli ársmeðaltala fyrir

árið 2007.¹ Myndin varpar ljósi á hvort fyrirliggjandi upplýsingar um stöðu efnahagsmála hafi verið vel nýttar við spágerð spáaðila hverju sinni. Þó ber að athuga að Seðlabankinn fór ekki að gera eigin spár um þróun gengis krónunnar og stýrivaxta fyrr en frá árinu 2007 og því eru spár byggðar á mismunandi líkönum á þessu tímabili. Til dæmis var gert ráð fyrir óbreyttu gengi og stýrivöxtum út spátímabilið í spám bankans sem gerðar voru árið 2005. Þessar spár nýttu því ekki að fullu mat sérfræðinga bankans um líklega þróun þessara stærða. Einnig getur verið erfiðleikum bundið að gera sér grein fyrir á hversu góðum grunni spárnar eru byggðar með skoðun á verðbóluspá fyrir eitt ár þar sem þróun mála á einu ári getur verið tilviljanakennd, þ.e. háð atburðum sem ómógulegt er að spá fyrir um. Til að fá betri mynd af gæðum spáanna er því nauðsynlegt að horfa til fleiri ára og bera saman þá meginþætti sem spárnar eru byggðar á svo sem hagvöxt, aðstæður á vinnumarkaði og eignaverð.

Bláa svæðið á mynd 2 endurspeglar hæsta og lægsta gildi sem sérfræðingar á fjármálamarkaði og fjármálaráðuneytið settu fram í spám sínum um ársmeðaltal verðbólgu fyrir árið 2007. Árið 2005 greindi spáaðila nokkuð á um hver verðbólgan yrði á árinu 2007 en þegar nær dró urðu þeir eðlilega meira sammála um á hvaða bili verðbólgan yrði. Þetta er sýnt í mynd 2 með því að bláa svæðið þrengist. Ef úrtak spáaðila væri nægilega stórt ætti meðaltal spáa sérfræðinga og fjármálaráðuneytis að lenda nálægt miðju bláa svæðisins. Árið 2005 töldu þeir að verðbólga yrði á bilinu 3,5-6,8% en þó má merkja að fleiri spáaðilar töldu meiri líkur á að verðbólga yrði minni árið 2007 heldur en að hún yrði meiri.

Fram til október 2006 vissu markaðsaðilar ekki að ríkisstjórnin myndi lækka neysluskatta. Því spáðu þeir verðbólgu án áhrifa skattbreytinga. Græna línan sýnir meðalverðbólgu án skattaáhrifa á árinu 2007 en gula línan sýnir meðalverðbólgu ársins 2007. Árið 2005 voru markaðsaðilar, fjármálaráðuneyti og Seðlabankinn talsvert langt frá því að spá rétt til um verðbólguþróun ársins 2007 en í byrjun árs 2006 var spá Seðlabankans ekki langt frá lagi. Um mitt ár 2006 hækkuðu allir spáaðilar mat sitt á verðbólgu eftir gengislækkun krónunnar. Haustið 2006 gerðu allir spáaðilar ráð fyrir að áhrif skattalækkana ríkisstjórnar yrðu meiri en raun bar vitni og því vanmátu allir spáaðilar verðbólgu.

Mat á spáskekkjum yfir lengra tímabil


Við mat á verðbóluspám er horft á meðalskekkju (bjögun) og staðalfrávik spáskekkju. Meðalskekkja sýnir hvert meðalfrávik spáanna frá eiginlegri verðbólgu er og þar með hvort verðbólgu hefur kerfisbundið verið of- eða vanspáð. Staðalfrávik er mælikvarði á hversu langt spágildið er frá réttu gildi að meðaltali.

Til þess að slíkir mælikvarðar séu marktækir þurfa spárnar að hafa óháðar spáskekkjur og fjöldi athugana að vera nægur. Eftir því sem spáð er lengra fram í tímann má búast við því að spáskekkjan aukist

Mynd 2

Ársmeðaltal verðbólgu árið 2007

Spá Seðlabanka Íslands, greiningaraðila og fjármálaráðuneytis




Heimildir: Fjármálaráðuneytið, Hagstofa Íslands, Seðlabanki Íslands.

1. Seðlabanki Íslands kannar þrisvar á ári mat sérfræðinga á fjármálamarkaði þar sem þeir eru beðnir um að spá fyrir um verðbólgu milli ársmeðaltaða 2-3 ár fram í tímum. Þáttakendur í könnuninni voru Askar Capital ásamt greiningardeildum Glitnis, Kaupnings og Landsbankans. Verðbóluspá fjármálaráðuneytis er hægt að finna í ársfjórðungslegum þjóðhaggspám ráðuneytisins.

Mynd 3

Verðbóluspá Seðlabankans frá PM 2006/1 og ársfjórðungsverðbólga án skattaáhrifa
Spátímabil: 1. ársfj. 2006 - 1. ársfj. 2008



Heimildir: Hagstofa Íslands, Seðlabanki Íslands.

þar sem meiri óvissa er fyrir hendi um þróun helstu þjóðhagsstærða. Eins ætti meðalskekkjan að fara minnkandi eftir því sem spáð er fyrir styttra tímabil þar sem meiri upplýsingar liggja fyrir heldur en þegar spáð er lengra fram í tímann.

Tafla 1 sýnir meðalskekkju og staðalfrávik í verðbóluspám Seðlabankans allt að fjóra ársfjórðunga fram í tímann frá árinu 1994. Samkvæmt töflunni hefur verðbólgu verið vanskáð tvo, þrjá og fjóra ársfjórðunga fram í tímann og því meira sem lengra er spáð fram í tímann. Meðalskekkjurnar einn, tvo og þrjá ársfjórðunga fram í tímann reyndust ekki vera tölfræðilega marktækjar m.v. 5%. Meðalskekkjan fjóra ársfjórðunga fram í tímann reyndist hins vegar vera marktæk ásamt meðalskekkjunum í töflu 2 sem sýnir skekkjur í verðbóluspá Seðlabankans frá öðrum ársfjórðungi 2001. Á tímabilinu í töflu 1 hefur nær samfellt þensluskeið átt sér stað og má hugsanlega skýra vanmat verðbólgu með því að spárnar eru að miklu leyti byggðar á bráðabirgðahagtölum hvers tíma, sem gjarnan hafa verið endurskoðaðar til hækunar eftir því sem nákvæmari upplýsingar urðu tiltækjar. Einnig ríkir jafnan mikil óvissa um efnahagsframvinduna og því að vissu leyti villandi að birta eingöngu punktspá. Dæmi um þætti sem geta leitt til verulegra frávika frá punktspá eru m.a. breytingar í heimsbúskapnum og þróun gengis krónunnar. Staðalfrávikið í töflu 1 eykst eftir því sem spáð er lengra fram í tímann líkt og móttí búast við þar sem óvissan eykst með tímanum.

Tafla 1 Skekkjur í verðbóluspám Seðlabankans frá 1. ársfj. 1994

(%)	Einn ársfj.	Tvo ársfj.	Þrjá ársfj.	Fjóra ársfj.
Meðalskekkja	0,0	-0,3	-0,4	-0,7
Staðalfrávik	0,4	1,2	1,5	2,0

Frá því að verðbólumarkmið var tekið upp í mars 2001 hefur Seðlabankinn einnig birt verðbóluspár tvö ár fram í tímann. Tafla 2 sýnir meðalskekkju og staðalfrávik spáskekkja frá því að bankinn tók upp verðbólumarkmið. Samanburður á töflum 1 og 2 sýnir að staðalfrávik eins árs spáskekkja er svipað eftir að bankinn tók upp verðbólumarkmið (2,2%) og á öllu tímabilinu (2,0%). Spáskekkjur hafa því ekki aukist þrátt fyrir auknar gengissveiflur.

Tafla 2 Skekkjur í verðbóluspám Seðlabankans frá 2. ársfj. 2001

	Fjöldi mælinga	Meðalskekkja (%)	Staðalfrávik (%)
Fjórir ársfjórðungar fram í tímann	24	-0,9	2,2
Átta ársfjórðungar fram í tímann	21	-1,2	2,0

Frá öðrum ársfjórðungi 2001 hefur verðbóluspá Seðlabankans verið sett fram ásamt óvissibili. Við mat á verðbóluspá Seðlabankans er nauðsynlegt að skoða spána nokkra fjórðunga fram í tímann ásamt óvissibili þar sem spá fyrir hvern fjórðung byggist á óvissum forsendum. Líklegast er að verðbólgan verði nálægt grunnspánni gangi forsendur hennar eftir, en búast má við verulegum frávikum ef lykil-forsendur breytast. Á mynd 3 er þróun verðbólgu borin saman við spá

Seðlabankans á fyrsta fjórðungi ársins 2006 sem birt var í *Peningamálum* 2006/1. Myndin með óvissubili spárinnar sýnir á hvaða bili búist var við að verðbólga yrði með 90% líkum. Rauði ferillinn sýnir hver verðbólga var án skattaáhrifa. Á myndinni kemur fram að erfðara virðist að spá fyrir um framvindu verðbólgu til skamms tíma lit- ið. Þannig er spáin 2-4 ársfjórðunga fram í tímum fyrir utan 90% óvissubilið en þegar lengra líður á spátímabilið er verðbólga vel fyrir innan óvissubilið.

Mynd 4 sýnir dreifingu mældrar verðbólgu innan óvissubilanna þriggja (50%, 75% og 90% óvissubili), þ.e. hvar hin mælda verðbólga lendir á óvissubilum spáa fyrsta ársfjórðungi 2005. Sjá má að þorri spáa einn ársfjórðung fram í tímum er innan 50% óvissubilsins og í 90% tilfella lenda þær innan 90% óvissubilsins. Þegar spáð er þrjá til sex ársfjórðunga fram í tímum lenda aftur á móti æ fleiri spár fyrir utan efra 90% óvissubilið sem gefur til kynna að Seðlabankinn hafi undanfarin ár vanmetið hættu á verðbólgu. Niðurstaðan kemur e.t.v. ekki á óvart þegar litið er til þess að frá árunum 2004 og 2005 reið hver eftirspurnarskellurinn á fætur öðrum á þjóðarbúskapnum sem erfitt var að meta fyrirfram. Spár sjö til átta ársfjórðunga fram í tímum koma betur út en spár þrjá til sex fjórðunga fram í tímum. Í 50-67% tilfella er verðbólgan innan 90% óvissubilsins, en aðeins í 11-33% tilfella þegar spáð er 3-6 ársfjórðunga fram í tímum.

Tafla 3 varpar ljósi á hversu oft verðbólga hefur verið innan óvissubils spárinnar, annars vegar fjóra og hins vegar átta ársfjórðunga fram í tímum. Ef úrtak verðbóluspáa væri nægilega stórt mætti vænta þess að helmingur spánna yrði innan 50% óvissubils, þrír fjórðu innan 75% óvissubils og níu af hverjum tíu innan 90% óvissubils líkindadreifingarinnar. Samanburður á dreifingu spáskekkja og gefinni líkindadreifingu leiðir í ljós að hin raunverulegu hlutföll eru heldur lægri þegar horft er til verðbóluspáa Seðlabankans fjóra og átta ársfjórðunga fram í tímum.


Tafla 3 Dreifing mældrar verðbólgu með tilliti til verðbóluspárá frá 2. ársfj. 2001²

	Fjöldi mælinga	50%	75%	90%
Fjór ársfjórðungar fram í tímum	22	6 (27%)	10 (45%)	13 (59%)
Átta ársfjórðungar fram í tímum	19	7 (37%)	13 (68%)	16 (84%)

Af tuttugu og tveimur spám sem ná eitt ár fram í tímum eru einungis sex innan 50% óvissubils (27% tilvika). Tíu mælingar liggja innan 75% óvissubilsins (45% tilvika) og þrettán innan 90% óvissubils (59% tilvika). Verðbólga var því iðulega mun meiri en talið var líklegt. Annaðhvort var því sjálf grunnspáin fjarri lagi eða óvissan í spánum vanmetin. Rétt er að hafa í huga að lengi vel voru spárnar byggðar á þeim forsendum að stýrivextir og gengi krónunnar væru óbreytt. Í sumum tilfellum hefði sú forsenda þó átt að leiða til ofmats en ekki vanmats á verðbólgu.

Mynd 4

Óvissubil verðbóluspáa og mæld verðbólga frá PM 2005/1



Heimildir: Hagstofa Íslands, Seðlabanki Íslands.

2. Í *Peningamálum* 2004/1 og 2004/3 var einungis birt punktspá. Því er um 22 mælingar að ræða í töflu 3 samanborið við 24 í töflu 2.

Að jafnaði er erfiðara að spá fyrir um verðbólgu langt fram í tímann. Það endurspeglast í víðara óvissubili verðbólgu. Af spánum nítján sem ná tvö ár fram í tímann eru sjö innan 50% óvissubilsins (37% tilvika), þrettán innan 75% bilsins (68% tilvika) og sextán innan 90% óvissubils (84% tilvika). Spár átta ársfjórðunga fram í tímann líta þannig út fyrir að vera talsvert betri en spár fjóra ársfjórðunga fram í tímann, en hafa ber í huga að óvissubilið er að jafnaði helmingi víðara þegar spái nær tvö ár fram í tímann en eitt ár fram í tímann. Ef um er að ræða spár með peningastefnuviðbrögðum ættu áhrifin að vera að mestu komin fram eftir átta ársfjórðunga. Skekkjur í spám seðlabanka sem rekur verðbólgu markmið með árangursríkum hætti ættu því ekki að vera kerfisbundnar.

Viðauki 4

Áhrif opinberra fjármála á þjóðarbúskapinn

Opinber fjármál samanstanda af fjármálum ríkis og sveitarfélaga og endurspeglar skattheimtu sem notuð er til að fjármagna opinbera þjónustu og millifærslur. Þessar aðgerðir hafa einnig áhrif á framvindu þjóðarbúskaparins. Því má færa rök fyrir því að hið opinbera hafi einnig hagstjórnarhlutverki að gegna, þ.e. að haga útgjalda- og tekjustefnu sinni þannig að hún jafni hagsveiflur og stuðli að lítilli og stöðugri verðbólgu, líkt og peningastefnan.

Í þessum viðauka er fjallað um þjóðhagsleg áhrif tveggja megin-hagstjórnartækja opinberra fjármála, þ.e. útgjalda- og skattabreytinga, eins og þau koma fram í þjóðhagslíkani Seðlabankans, QMM (sjá Ásgeir Danielsson o.fl., 2006).¹ Í ljós kemur að áhrifin eru mjög svipuð og í öðrum litlum, opnum hagkerfum.

Mismunandi sjónarmið á hagræn áhrif opinberra fjármála

Á síðustu árum hefur fræðilegum rannsóknum á framkvæmd peningastefnunnar og áhrifum hennar á þjóðarbúskapinn fleygt mjög fram. Sambærilegar rannsóknir á opinberum fjármálum hafa hins vegar verið færri og enn greinir hagfræðinga nokkuð á um hversu mikilvægu hagstjórnarhlutverki þau gegna í raun og veru.²

Meðal klassískra hagfræðinga var almennt talið að opinber fjármál hefðu engu hagstjórnarhlutverki að gegna, enda gert ráð fyrir að framleiðsluþættir væru ávallt fullnýttir. Aukin umsvif hins opinbera myndu því einfaldlega ryðja útgjöldum einkaaðila í burtu þannig að heildareftirspurn yrði sú sama og áður (og jöfn heildarframboði). Reynolds af kreppunni miklu og skrif hagfræðingsins John Maynard Keynes breyttu þessari skoðun: tímabil þar sem framleiðsluþættir væru vannýttir gætu varað lengi og því gætu aukin útgjöld hins opinbera verið skilvirk leið til að auka eftirspurn og atvinnu. Töldu margir jafnvel að á endanum yrði aukningin í umsvifum meiri en sem nam upphaflegri aukningu útgjalda: útgjaldaaukning hefði ekki einungis been áhrif á heildareftirspurn heldur einnig óbein áhrif þar sem aukin atvinnu og tekjur yrðu til að auka útgjöld einkaaðila til viðbótar. Hinir svokölluðu „margfaldarar“ opinberra fjármála væru því stærri en inn.

Reynsla og rannsóknir síðari ára benda hins vegar til þess að þessir margfaldarar séu mun lægri en áður var talið og líklega lægri en einn, sérstaklega í litlum, opnum hagkerfum. Ástæðan er sú að aukin eftirspurn leiðir til þess að hlutfallslegt verð breytist. Aukin umsvif þýða t.d. að öðru óbreyttu að vextir fara hækkandi (t.d. vegna þess að hið opinbera þarfnað meira lánsfjármagns og peningastefnan bregst við

1. Sambærilega greiningu á áhrifum peningastefnunnar er að finna í viðauka 1 í *Peningamálum 2006/3, „Miðlunarferli peningastefnu í þjóðhagslíkani Seðlabankans“*, bls. 57-60.

2. Ítarlegt yfirlit er að finna í Hemming o.fl. (2002). Aðgengilegt yfirlit er einnig að finna í Dunstan o.fl. (2007). Sjá einnig umfjöllun um hlutverk og áhrif opinberra fjármála í nýri skýrslu OECD um Ísland, *OECD Economic Surveys – Iceland*, febrúar 2008.

auknum verðbólguþrýstingi með hækjun stýrivaxta). Við það að vextir hækka ryðja aukin opinber útgjöld því útgjöldum einkaaðila í burtu en það lækkar margfaldarana. Líklegt er að þessi áhrif séu enn sterktar í litlum, opnum hagkerfum þar sem útgjaldaaukinn og hækkandi vextir eru til þess fallin að styrkja gengi innlends gjaldmiðils sem ýtir innlendri eftirspurn út úr þjóðarbúskapnum og veikir samkeppnisstöðu innlendra útflutnings- og samkeppnisgreina. Útflutningur dregst því saman en innflutningur eykst. Hluti útgjaldaaukans „lekur“ því út úr þjóðarbúskapnum. Margfaldararnir verða lægri sem því nemur. Það sama á við um skattamargfaldarana. Lækkun skatta eykur ráðstöfunartekjur einstaklinga og hagnað fyrirtækja eftir skatt en áhrifin á heildareftirspurn eru minni en sem nemur upphaflegri skattalækkun þar sem einkaaðilar ráðstafa aðeins hluta tekjuaukans til útgjalda, auk þess sem þeir gætu kosið að leggja meira til hliðar til að mæta aukinni skattheimtu síðar meir.³ Skattamargfaldararnir eru því einnig nokkru lægri en einn og benda flestar rannsóknir til þess að þeir séu nokkru lægri en útgjaldamargfaldararnir (sjá t.d. Hemming o.fl., 2002). Þeir gætu hins vegar haldist háir lengur en útgjaldamargfaldararnir því að heimilin dreifa neysluaukanum vegna skattalækkunarinnar yfir árabil.

Hagræn áhrif opinberra fjármála verða minni eftir því sem einkaaðilar eru framsýnni og eiga auðveldara með að flytja útgjaldaáform til í tíma. Sumir hagfræðingar hafa jafnvel gengið svo langt að segja að opinber fjármál séu algerlega áhrifalaus af þessum sökum. Auki hið opinbera útgjöld í dag með það að markmiði að auka heildareftirspurn, er einkaaðilum ljóst að þessi auknu útgjöld þarf á endanum að fjármagna með hærri sköttum eða samsvarandi samdrætti í útgjöldum síðar meir. Þeir leggja því til hliðar í dag til að mæta aukinni skattheimtu þannig að samdráttur útgjalda einkaaðila verður nákvæmlega sá sami og upphafleg aukning útgjalda hins opinbera. Þessi niðurstaða hefur verið kölluð „jafngildisáhrif Ricardos“ (sjá Barro, 1974). Flestar rannsóknir gefa til kynna að slík væntingaráhrif geti verið fyrir hendi en að þau séu ekki fullkomín eins og Barro hélt fram (sjá t.d. Masson o.fl., 1995). Ástæðan gæti t.d. verið sú að einstaklingar hafa takmarkaða möguleika á að flytja neysluútgjöld fram í tíma vegna ófullkomins aðgengis að lánamörkuðum. Eftir sem áður geta væntingar flækt áhrif opinberra fjármála. Þannig gætu væntingar um skattalækkun í framtíðinni aukið heildareftirspurn í dag þar sem einstaklingar telja að þar með hafi ævitækjur þeirra aukist. Einnig gæti trúverðug yfirlýsing um varanlega lækkun útgjalda hins opinbera jafnvel aukið heildareftirspurn vegna væntinga um minni skattheimtu í framtíðinni (sjá t.d. Giavazzi og Pagano, 1990).

Áhrif aukningar opinberra útgjalda

Til að meta áhrif opinberra fjármála á innlenden þjóðarbúskap er notast við þjóðhagslíkan Seðlabankans, QMM. Áhrif opinberra útgjalda eru könnuð með því að framkvæma eftirfarandi tilraun í líkaninu: í

3. Hér er horft fram hjá mögulegum langtímaáhrifum lægri skatta á framboðshlið hagkerfisins. Stuðli skattalækkunin að aukinni atvinnuþáttöku eða fjárfestingu mun hún á endanum auka framleiðslugetu þjóðarbúsins. Í þessum viðauka er eingöngu fjallað um eftirspurnaráhrif opinberra fjármála sem er það sem skiptir meginmáli fyrir framkvæmd peningastefnunnar á hverjum tíma.

ákveðnum ársfjórðungi er samneysla aukin um sem nemur 1% af vergri landsframleiðslu og er því útgjaldastigi haldið í fimm ár. Útgjaldaaukningin samsvarar rúmlega 8 ma.kr. aukningu í samneyslu á ársgrundvelli á verðlagi ársins 2000 (rúmlega 13 ma.kr. á verðlagi ársins 2007) eða sem samsvarar u.p.b. 4% raunaukningu samneyslu. Landsframleiðsla eykst strax um 0,4 prósentur og ná áhrifin hámarki um ári síðar þegar útgjaldamargfaldarinn er um 0,6 (sjá töflu 1). Útgjaldaaukinn eykur því almenna eftirspurn tiltölulega fljótt. Í kjölfarið fer atvinnuleysi minnkandi, raunlaun hækka, auk þess sem eignaverð (og þar með auður) hækkar. Það veldur því að einkaneysla og fjárfesting aukast frá grunndæminu. Á móti kemur hins vegar að raungengi fer hækkandi sem veldur því að útflutningur minnkar frá því sem ella hefði verið. Aukin innlend eftirspurn og hækkandi raungengi beinir hluta eftirspurnaraukningarinnar að innflutum vörum og þjónustu og innflutningur eykst því tölvert. Aukin eftirspurn gerir það einnig að verkum að verðbólguþrýstingur eykst og vextir fara hækkandi. Eftir u.p.b. tvö ár er verðbólga mest um 0,2 prósentum meiri en ella hefði verið og vextir um 0,5 prósentum hærri bregðist peningastefnan við samkvæmt hefðbundinni Taylor-reglu. Eins og sjá má í töflunni deyja áhrifin á landsframleiðslu smám saman út og eru nánast horfin eftir rúmlega þrjú ár. Þau deyja hins vegar mun hægar út bregðist peningastefnan ekki við.

Tafla 1 Áhrif opinberra fjármála á landsframleiðslu

	Útgjaldamargfaldarar (með peningastefnu- viðbrögðum)	Skattamargfaldarar (með peningastefnu- viðbrögðum)		
	Eftir 1 ár	Eftir 3 ár	Eftir 1 ár	Eftir 3 ár
Ísland	0,60	0,12	0,31	0,50
Nýja-Sjáland	0,61	0,06	0,19	0,03
Bretland	0,80	0,21	0,41	0,86
Bandaríkin	1,10	0,00	0,30	0,50

	Útgjaldamargfaldarar (án peningastefnu- viðbragða)	Skattamargfaldarar (án peningastefnu- viðbragða)		
	Eftir 1 ár	Eftir 3 ár	Eftir 1 ár	Eftir 3 ár
Ísland	0,65	0,72	0,33	0,91
Danmörk	0,78	0,70	-	-
Evrusvæði	1,06	1,01	-	-
Bandaríkin	1,40	1,10	0,40	1,00

Útreikningarnir sýna mat á áhrifum aukinnar samneyslu annars vegar og lækkunar tekjuskatts hins vegar, í báðum tilvikum sem nemur 1% af VLF í ýmist fimm ár (Ísland, Nýja-Sjáland og Bretland) eða varanlega (Bandaríkin, Danmörk og evrusvæðið). Áhrifin fyrir Nýja-Sjáland eru úr FPS-likani nýsjáleksa seðlabankans (Dunstan o.fl., 2007). Áhrifin fyrir Bretland eru meðaltal niðurstaðna fimm líkana sem fjallað er um í Church o.fl. (2000). Niðurstöðurnar fyrir Bandaríkin eru úr FRB/US-likani Seðlabanka Bandaríkjanna (Reifsneider o.fl., 1999). Niðurstöðurnar fyrir Danmörk eru úr MONA-likani danska seðlabankans (Danmarks Nationalbank, 2003). Niðurstöðurnar fyrir evrusvæðið eru meðaltal 12 evrulanda (Fagan og Morgan, 2005).

Áhrif skattalækkunar

Þjóðhagsleg áhrif skattalækkunar eru metin þannig að tekjuskattar einstaklinga eru í tilteknum ársfjórðungi lækkaðir sem samsvarar 1% af landsframleiðslu og er því skattstigi haldið óbreyttu næstu fimm ár. Á ársgrundvelli samsvarar skattalækkunin því rúmlega 8 ma.kr. á verðlagi ársins 2000 (rúmlega 13 ma.kr. á verðlagi ársins 2007) eða sem nemur

1,2 prósentna lækkun tekjuskattsprósentunnar. Áhrifin á landsframleiðslu tekur nokkru lengri tíma að koma fram enda eingöngu óbein í gegnum útgjaldaákvæðanir einkaaðila í stað þess að vera beinn hluti heildareftirspurnar eins og samneysla. Þannig eykst landsframleiðsla strax um rúmlega 0,1 prósentu en hámarksáhrifin koma fram eftir u.þ.b. tvö ár þegar hún er um 0,5 prósentum meiri en í grunndæminu. Skattalækkunin hefur sambærileg áhrif á verðbólgu, raungengi og vexti og í útgjaldadæminu. Þessi áhrif vinna á móti áhrifum lækkunarinnar á hagvöxt. Hámarksáhrif á verðbólgu koma fram eftir rúmlega þrjú ár þegar verðbólga er um 0,2 prósentum meiri en í grunndæminu og vextir um 0,5 prósentum hærri. Bregðist peningastefnan ekki við heldur skattamargfaldarinn áfram að hækka og nær hámarki eftir u.þ.b. fjölgur ár þegar hann er orðinn um einn.

Samanburður við önnur lönd

Í töflu 1 er einnig að finna samanburð á niðurstöðum fyrir nokkur önnur lönd. Eins og sjá má eru útgjaldamargfaldararnir svipaðir fyrir Ísland og önnur lítil, opin hagkerfi eins og Nýja-Sjáland og Danmörku. Margfaldararnir eru hins vegar lægri en í stærri hagkerfum, eins og Bandaríkjunum, Bretlandi og á evrusvæðinu. Ástæðan er líklega mikilvægi ofangreindra viðbótarruðningsáhrifa í gegnum raungengi og „lekaáhrifa“ í gegnum vaxandi innflutning fyrir lítil, opin hagkerfi (sjá einnig Dunstan o.fl., 2007). Þessar niðurstöður eru einnig í samræmi við niðurstöður Fagans og Morgans (2005) fyrir evrulöndin. Þar kemur í ljós að skammtíma útgjaldamargfaldarar eru yfirleitt hærri en einn fyrir stærri löndin, eins og Frakkkland, Ítalíu, Spánn og Þýskaland, en nokkru lægri fyrir smærri ríkin, eins og Lúxemborg og Grikkland. Niðurstöðurnar eru einnig í takti við niðurstöður Hemmings o.fl. (2002) en þar kemur fram að skammtíma útgjaldamargfaldararnir liggja yfirleitt á bilinu 0,6-1,4. Skattamargfaldararnir á Íslandi eru hins vegar svipaðir að stærð og í Bandaríkjunum og Bretlandi (til eins árs) og nokkru stærri en á Nýja-Sjálandi. Þeir eru einnig í takti við niðurstöður Hemmings o.fl. (2002) en þar kemur fram að skammtíma skattamargfaldararnir liggi yfirleitt á bilinu 0,3-0,8.⁴

Heimildaskrá

Ásgeir Danielsson, Lúðvík Eliasson, Magnús F. Guðmundsson, Björn Hauksson, Ragnhildur Jónsdóttir, Þorvarður T. Ólafsson, Þórarinn G. Pétursson (2006), „QMM: A quarterly macroeconomic model of the Icelandic economy“, Seðlabanki Íslands, Working Paper, 32.

Barro, R. (1974), "Are government bonds net wealth?", *Journal of Political Economy*, 82, 1095-1117.

Church, K., P. Mitchell, J. Sault og K. Wallis (2000), „Comparative properties of models of the UK economy“, *National Institute Economic Review*, 161.

4. Færri samanburðarrannsóknir á áhrifum á verðbólgu liggja fyrir. Þó virðast áhrifin vera svipuð fyrir Ísland og Bandaríkin og evrusvæðið. Án peningastefnuviðbragða er verðbólga hér á landi um 0,28 prósentum hærri en ella hefði verið tveimur árum eftir útgjaldaauknininguna en hún er 0,22 prósentum hærri á evrusvæðinu (meðaltal tólf evrulanda, Fagan og Morgan, 2005) og 0,50 prósentum hærri í Bandaríkjunum (Reischneider o.fl., 1999). Samsvarandi áhrif skattalækkunar á verðbólgu eftir tvö ár eru 0,14 prósentur fyrir Ísland en 0,10 prósentur fyrir Bandaríkin. Viðbrögð vaxta, fái þeir að bregðast við, eru sömuleiðis svipuð í þessum þremur tilfellum.

Danmarks Nationalbank (2003), *MONA – a quarterly model for the Danish economy*, Danmarks Nationalbank.

Dunstan, A., D. Hargraeves og Ö. Karagedikli (2007), „The impact of fiscal policy on the business cycle”, Reserve Bank of New Zealand, *Bulletin*, 70, 5-18.

Fagan, G., og J. Morgan (ritstj.) (2005), *Econometric Models of the Euro-area Central Banks*, Edward Elgar Publishing.

Giavazzi, F., og M. Pagano (1990), „Can severe fiscal contractions be expansionary? Tales of two small European countries”, *NBER Macroeconomics Annual*, 5.

Hemming, R., M. Kell og S. Mahfouz (2002), „The effectiveness of fiscal policy in stimulating economic activity – A review of the literature”, *IMF Working Paper*, 02-87.

Masson, P., T. Bayoumi og H. Samiei (1995), “Saving behavior in industrial and developing countries”, *IMF Staff Studies for the World Economic Outlook*. World Economic and Financial Surveys.

Reifschneider, D., R. Tetlow og J. Williams (1999), „Aggregate disturbances, monetary policy, and the macroeconomy: The FRB/US perspective”, *Federal Reserve Bulletin*, 1/1/1999.

